

CIMELIA

0

678



VI. a. 64.



678

CIMELIA



7166. -

92.

Test. 4600.

osobish. IV. - 126. - P<sup>3</sup>.

50ti

(5)

Quinn by

pk 8.

1875. XII. 45.

brat. tu  
de bello Div. 193 - 283

*Tafel 1<sup>te</sup> - prompt - fl.*



Cim. O. 648

BIBLIOTHECA UNIV.



JAGIELLONICAR

STANISLAVS ORICHOVIVS RV  
thenus, ad quendam amicum suum.



Oelibatum ad te mitto,  
opus à me promissum, &  
à uobis olim expectatū.  
Quod si expectationi nō  
respōdet, cogitare debetis, hęc ab ho-  
mine Sarmata, eoq; Rutheno, con-  
scripta esse: cuius barbarum nomē fa-  
cile à uobis impetrabit ueniam, si ali-  
cubi fuerit à me in opere titubatum.  
Occurrent enim pleraq; fateor, quæ  
à seueris hominibus reprehendi pos-  
sint. Sic enim scortationem interdum  
ipsam pepulī, ut rem turpem non mul-  
tò sepe honestiori uerbo exequarem.  
Verū tu nos isthic defendes. Et  
quoniam bonorum uirorum hortatu  
ista scripsimus, da operam, ne absque  
patrono isthic condemnemur. Leges  
itaq; tu hæc cū Cromero nostro, & cū  
cæteris: cum ijs uerò præsertim, apud  
quos non cognoscendi solum, sed eti-  
am ignoscēdi sit locus. Intelligo, quan-  
to cum periculo hæc ad uos mittam.

a z Nam



4

Nam tantum potest nunc coelibatus hic noster apud multos, ut in ipso etiam stupro reprehendi nequeat absque periculo. At ego qui ueritatem mendacio à me detineri nolo, hæc ita edo, ut paratus sim hæc capite tueri, si arguemento non potero. Sed non prius tamen producem hoc opus à me, quam à uobis fuero factus certior, quid de illo sentiat is uos. Nam me huius sane non poenitet. Et quoniam pariter ipsi fauent postremis magis foetibus, quam primis, illosque etsi secus sint, laudant magis: sic ego quoque magis nescio quam modo delector hoc opere, quod post alia opuscula nostra nunc sum enixus. Nam trifariam oratione partita, illa officia oratoris summa, quæ sunt, docere, delectare, mouere, retinere studuimus, quodlibet in qualibet orationis parte. Nam in prima parte pressius disputamus de legibus ipsis, in secunda delectare uoluimus, in tertia mouere. In qua omni genere amplificationis exarsimus, at non assequimur fortasse: fateor, conamur tamen

5

tamen certe quidam. Quare tu perfer priorum in legendo molestiam: et cum media et postrema legeris, tum demum statue de oratione ipsa tota. Ego iam hæc despondi hisce tribus: Tarnouio, Cmita, atque Gorca. Opus etiam ut Cracouia excudatur, non multum laboro. Nam si isthic obsessæ sunt à Monachis chalcographice officinae, certe excudeant alibi, si uobis labor noster probabitur. Petrum Roylium Hispanum iubebis saluere meis uerbis: & cum hoc uel in primis communicabis opus nostrum. nam is bonus autor suorum, non pessime aliena iudicat. Ossij uero suffragia, tamen ut tu scis, plurimi facio: quia tamen sententia ipsius à nostra dissidet, uereor ne huic nostræ causæ sit iudex parum propitius, et nos quoque scortatores citius quam coniugatos perferat in Ecclesia. Vale, et si hereseos ob matrimonium à scortatoribus condemnabimur, significa. nam scio de capite meo fore comitia, quod laruam detraxerim spurcissimæ pudicitia.



AD ROMANVM PONT. COE-  
libatus autorem.

Da plantā mihi, des animal Papa stulte uel unum,  
Quod premat, & nolit semel habere suum:  
Iure tuo castus uiuam, & sine coniuge cœlebs:  
Te castum credam, sacrificosq; tuos.  
Quod si tu spurios habeas, habeantq; sequaces  
Scorta fututores, stirps docet esse patres:  
Ah fugiam properē à Sodomæ mortisq; ministro:  
Naturæ atq; Dei iura uerenda sequar.

IN ORATIONEM STANISLAI  
Orichuij, contra cœlibatus impuri  
pertinaces defensores.

Non ita, cum toto densantur nubila cœlo,  
Turbidus æthereo Iuppiter axe tonat:  
Qualiter accensus cœlesti Orichouius ira,  
Sacrilegi in Papæ turpia monstra tonat:  
Nulla Gomorritas que celet, restat imago,  
Omnia multiplici picta colore uides.  
Perlege succinctum modo lector amice libellum,  
Cunctaq; iudicio candidiore proba.

DE LE-

7  
DE LEGE COELIBA  
TVS CONTRA SYRICIVM RO-  
manum in Concilio oratio habi-  
ta, à Stanislao Orichouio  
Rutheno.



NEMO uestrum, Iudices, aut eo-  
rum qui adsunt, arbitretur, me  
priuatis inimicijs adductum,  
ad accusandum Syricium Roma-  
num descendere. Neq; etiā illud  
suspicitur, me leui de causa ipsius potentie nunc  
denuum uelle obsistere: de qua ille ne unquam peri-  
clitaretur, quæ præsidia circum forum, quæ in tem-  
plis collocarit, uidetis. Verum cum omnia Syricij  
consilia eò spectent, ut exterminato ex Ecclesia  
matrimonio, sublato etiam uxoris usu casto, atq; le-  
gitimo, pecudū ritu in fœda scortatione uiuamus,  
hominem in uestrum iudicium adduxi, ut me accu-  
sante, uobis legibusq; quas omneis diuinas atq; hu-  
manas uiolauit, iustas poenas, debitasq; persoluat.

De cuius quidem lege, quam is de cœlibatu tu-  
lit, antequam dicere incipio, illud à uobis petam,  
ut in hac causa retineatis id, quod in minoribus  
causis obseruare soletis: ut non tantum quid factū  
à quoquam, scriptum ue contra leges sit, uideatis,



8  
sed etiam quid inde consequatur, iudicetis. Idem  
uos in hoc iudicio adhibere æquum est, ut in hac  
Syricij lege, quam is contra omnes leges tulit, nō  
solum uerba ipsius audiat: sed multo etiam ma-  
gis ea quæ inde manant, cogitetis. Si enim is cū ip-  
sa lege simul scripsisset, quæ probra atq; dedecora  
illa sua lege in hominum uitam inferret (quod ille  
perspicuum fore, et inuidiosum, arbitratus est) nō  
tam facile nos decepisset, neq; tot notas nomini or-  
diniq; nostro inuississet. Verum cum is aliud sua lege  
ostenderet, aliud uerō cōpararet, omnia nobis frau-  
de legis surripuit, quibus antea ornabatur uita no-  
stra. Itaq; cum is uxores à nobis segregaret, specio-  
so ipsius continentiae atq; castitatis nomine, quid  
quæso aliud egit, quid uerō perfecit, quàm ne quid  
sinceri inter nos, ne quid sancti in ordine nostro  
esset: quod ille cum fraude atq; mendacio in sua le-  
ge contexisset, legemq; ipsam non ratione, sed ar-  
mis suassisset, in hanc infamiam, ceu quandam per-  
niciosissimam flammam, ordinem nostrum conie-  
cit: quā utiq; uos omni ratione extinguere uelle de-  
betis, Iudices, ut hæc submota, crepta nobis, ordi-  
niq; uestro, per Syricium ornamenta recuperetis.

Ad me quantum attinet, facile intelligo, quan-  
to cum periculo hunc accusem. Nam non solum me  
potentia Syricij terret, sed etiam illa suspicio: ne ui-  
delicet id quod ego facio, non officio accusationis  
adductus,

adductus sed animi causa facere uidear, cum uxo-  
res sacerdotum, homo adolescens, aduersus Syri-  
cium defendam. Cui quidem ego suspicioni, Iudi-  
ces, fretus uestra sapientia, facile concedam. causam  
enim ago communem: et ea præsidia nunc à Syri-  
cio requiro, quibus adolescentiam nostram contra  
dominatum carnis, Deus et natura munierant.  
Hæc ego ab Syricio in hoc iudicio repeto, hæc mi-  
hi ab illo crepta esse conqueror, ut hæc uos statua-  
tis, omnem hanc meam accusationem non solum fi-  
dei, sed etiam necessitati cuidam esse tribuendam:  
ut mihi eo maiorem fidem in ea causa adhibeatis,  
quanto perspicitis magis, communem mihi iniuriā  
uobiscum hanc esse. Nam ne mihi potentia Syri-  
cij obsit, primum religio uestra præsidium mihi cer-  
tum contra illum pollicetur, quæ iurati in hoc cœ-  
tu ideo consedistis, ut egrotæ, ac propè desperatæ  
Ecclesiæ opem feratis. Deinde in me uno statuen-  
dum uobis est, liceat ne aliquando bonis ac forti-  
bus uiris, amoto metu, uocem liberā in hoc uestro  
confessu pro Ecclesia mittere: ut falsum esse id ui-  
deatur, quod de uobis circumfertur, id quod etiam  
magno cum incommodo percrebuit: Vos liberum  
et Christianū Concilium in Germania esse nolle.  
Quam utiq; opinionem perniciosam Ecclesiæ, uo-  
bis etiā periculosam, ut falsam esse doceatis, addu-  
xi hunc hominem, Dei aduersarium, hostem natu-  
ræ,



re, prædonem iuris humani atq; diuini: peste atq; perniciem omnis honestæ inter homines, tranquillæq; uitæ. Quem si uos seuerè, religiosèq; iudicaueritis, recuperabitis existimationem ordinis uestri amissam: motus etiam hos, quos istius lege concitari uideatis, facile compescetis. Quod si istius ingens improbitas tantum apud uos ualebit, ut non modo nolentibus, sed etiam approbantibus uobis impune Syricius in Ecclesia scortetur; nobisq; eas leges uobis autoribus præscribat, ut repudiatis legitimis uxoribus, cum scortis impudicè uiuamus, quid restat aliud, quam ut honesta atq; consentanea naturæ ipse per se quisq; sequatur. Syricio lenone uobis relicto? Equidem quod ad me attinet, nunquam huic homini diem dixissem, nisi rei ipsius turpitudine, Sodome atq; Gomorræ tristè exitum me perhorrescere coegisset. Quod si istius aduocati ueritatem iudicii uestri perfringerint, ego tamè hoc assequar, ut optimus quisq; intelligat, non accusatorè, sed iudicium huic causæ defuisse: quam ego suscepisse me scio, omnibus Græcis, Latinis, atq; barbaris nationibus gratissimam. Quid est enim quod à uobis tantopere expectetur, quam ut scortatione ex Ecclesia eiecta, castè, pudicèq; cum uxoribus, liberisq; nostris uiuamus?

Nec uerò illud me commouet, quod Syricio adesse uideam complures patronos, non minus potentes

tes quam disertos, qui illi student, illum defendunt: qui illum ereptum ex uestro iudicio esse uolunt, qui nobis pertimescendi ideo non sunt, uel quòd oratione turpem tueantur uitam: uel quòd, quanto uita illorum ab oratione dissentit magis, tanto facilius à nobis possunt refelli. Quod ego facile assequar, Iudices, si ea quæ sunt in hac causa, et quæ mente concipi, dicendo explicare potero: ostendamq; Syricij legem non modo utilem Ecclesiæ non esse, sed omnino perniciosam esse, repugnantè ipsi Deo, aborrentem à legibus institutisq; naturæ: postremo, omnis humanitatis, honestatisq; expertè. Cum enim duabus rebus potissimum omnis honesta, tranquillaq; hominum contineatur uita, pudicitia nempe, atq; iustitia. quòd his remotis neq; cœtus ulli, neq; domus stare possunt: habita à Syricio ratio est diligenter, ne utrumlibet horum in Ecclesia esset. nam utrunq; sustulit planissimè, dum adempta sacerdotibus uxore, ex alieno matrimonio coniugij pellit fidem: dum permiscuo concubitu incertam facit suam cuiq; sobolem, dum nullum hominibus ipsis reliquit remedium, contra carnis impunitatem atq; licentiam: quæ caro inquam, ut in uitium fluat, quamq; sit præceps, nisi coniugij sustentetur fulcris, cum sensus ipse, tum quotidiana stupra nos docent. Et profectò ita res est, Iudices: nisi habeas qua cum uiuas, in illa omnia necesse est te prolabi



prolabi uitia, quātumuis tu uirtutem iactes tuam: quæ ex contraria oriuntur parte. Cuiusmodi sunt, scortationes, adulteria, incestus, foedi deniq; ac ne dicendi quidem concubitus: quibus obnoxia Sodomæ, cum Gomorra interijt: quorum uitiorum aculei atq; faces pro poena sunt his, legitimas qui spernunt nuptias, & qui legem ipsius naturæ, in membris nostris inscriptam, transgressi, castos se iactāt esse stupro in medio. Hæc igitur, Iudices, mala atq; incommoda cum in Ecclesiam inferret Syricius, legem tulit huiusmodi: Ne quis nostrum sit cū uxore, neue quis sacerdotum in matrimonio etatē degat: ita homo iustus atq; sanctus poenam capitis continentiam nobis præscribit, quam totidem legis suæ uerbis in eodem edicto tollit, ut audietis. Ita ille dissensit non modo à re ipsa, sed ipse à sese. Atq; ut hoc ex ipsius edicto cognoscatis, cedo mihi ipsi us legem, quam is impudicissime, insidiosissimeq; cōtra pudicitiam, continentiamq; conscripsit. Recita.

#### LEX SYRICII.

Ministri altaris, presbyteri, siue diaconi, ad Dominica taleis eligantur officia, qui continentiam seruent. Si uerò post ordinationē suam, ministros contigerit propriæ uxoris inuadere cubile, sacrarij non intrent limina, neque

que sacrarij portitores fiant, neq; altare contingant, neq; ab offerētibus holocausti oblationem suscipiant: neq; ad dominici corporis portionē accedant, neq; propinent: neq; sine maiori autoritate minora gerant officia. urceum sanè ad altare, uel calicem, non suggerant, &c.

Hæc lex est Syricij, Iudices: cuius improbitatē facile uestra sponte perspiciatis, cum quidem matrimonium una res ex omnibus sanctissima, tanta afficiatur ab hoc homine contumelia, ut eos qui illo sunt præditi, neq; sacrarij limine, nec portitura, nec ara ipsa, quæ seruis semper patuit, dignos putet. Sed ita illos sacris arcet, ut neq; oblationis, nec corporis Seruatoris sinat eos esse cū cæteris participes: deniq; ita illos despicacissime spernit, ut ne urceolum quidem, id quod uidebatur esse postremum, ab illis contingi uelit. Atqui in hac istius lege, non facile statuetis Iudices, matrimonij ne, an uerò ipsorum sacrorum hostis maior uideatur esse Syricius. Tangi à sacerdotibus maritis sacra non uult, quæ à dissolutis impune tangi uidet. Excludit sacrarij limine maritos sacerdotes: quod tamē scortatoribus, atq; ipsi Syricio semper patuit. Remouet ab ara uxorum uiros, cuius tamē aditu scortatores,



tatores, atq; ipsos adulteros nunquam prohibet: Itaq; hac ista lege, quod sibi ipse probare nunquā potest, id nobis persuadere conatur, ut uidelicet meliores, probabiliore, ac sanctiores ministros Ecclesie putemus eos esse, qui autore Syricio uxores abiecerūt: quā eos, qui sua freti sunt cōiuge. Qua sanē in re mihi ridiculē uisus est esse inconstans. Cum enim matrimonium sacerdotum, quod incontinentiam id putet, ex Ecclesia tollat, amens atq; cæcus huc fertur, ut pro matrimonio scortationem ipsam palām in Ecclesiā introducat: cum eos pro castis atq; sanctis coniugibus aris admoueat, quos leges ipsæ diuinæ non solum sacris, sed etiam ipsorum sacrorū conspectu priuauerunt. Contra quam legem, etsi quod clara sit turpitudine ipsa per sese, diutius dicere non debebam: tum quod multi sunt, quos Syricius in hanc fraudem, non ratione aliqua (quis est enim ita cæcus, qui huius legis infamiā nō uideat?) sed uel armis, bonorumq; publicatione impulit, dicendum mihi necessariō apud uos est, ut in hoc uestro iudicio Syricius damnatus, qui tot probris Ecclesiam affecit, tot in ea concubitus peperit, tot scortatores, adulteros, ac cynædos sua lege Orco demisit, aliquando concidat: et illas scelerum faces, quas hac ista lege incendit, seueritate ac religione uestri iudicij extinguat atq; deleat.

Hæc mea ratio est, Iudices, hic cursus orationis  
meæ:

meæ: huc etiam huius accusationis ratio spectat, ut abrogata per uos Syricij lege, redire in gratiam cum populo Romano possimus. Qui cum nobis cætera concedat, pudorem tamen, atq; uerecundiam non concedit: uxores suas, nisi nos habeamus nostras, tot edoculus periculis atq; stupris, tutō se habere non putat: tum etiam pudicitie liberorū suorum metuit, quoties nos intuetur uagari cateruatim absq; uxoribus per orbem, insidiantes somno maritorum, atq; parentum. Deniq; ipsam urbem Romam, quæ domicilium summi imperij atq; religionis olim fuit, docet opera nostra ita flagitiosam esse factam, ut in ea non Petri Galilæi, sed Priapi Lampsaceni sedes iam uideatur esse. Nā neq; scortis alendis locus alter in orbe terrarum uberior uultus est, neq; scortatoribus honos usquā habetur maior. Quare causam esse uidetis, cur hanc legē funditus tollatis. Et ne id oratione mea potius, quā re ipsa perfectum esse apud uos uideatur, principiō dico legem hanc tollendam esse quod iniusta: deinde, quod grauis: postremō, quod turpis sit. In hac causa, Iudices, tametsi hæc tria quæ proposui, sua sponte sint perspicua, tamen de omnibus debet uariari: et de eo prius, quod apud uos plurimum debet ualere: hoc est, de legibus ipsis à Syricio uiolatis, quibuscum iustitia omnis ab eo ex Ecclesia sublata est. Peto autem à uobis, quorum iudicium Eccle  
sia



sia de rebus suis grauiſſimum eſſe uoluit, ne ipſius continentiae blanda appellatio, quae iſi ſicum nobis ſua lege facit, aliquid mihi apud uos obſit, quo minus iuris ueſtri iurandi memores, liberè ſententiam ſecundum leges feratis. Me etiam ita audietis, ut cum edictum Syricij aduerſus omnes leges ſcriptum eſſe dixerò, ne quid tamen ualeat Syricij nomen in cauſa: ſed illud ſolum à uobis conſideretur, quantum ipſius edictum conſentiat cum re ipſa, nec præterea quicquid in hac parte cogitetis. Quādo uerò docere cepero, quantae calamitates Eccleſiae ſint hac iſta lege à Syricio importatae, tum res ipſas uidere debetis, hæreant ne in noſtra uita, nec ne hæreant. Cum autem illas ignominiae maculas, quae nomini ordiniq; noſtro hac iſta lege ab hoc aſperguntur, demonſtrauero, tum uos ipſi de uobis, ac de nobis cogitetis, in quantis probris ac flagitijs Syricio autore uolutemur. Quod ſi hoc animo in me audiendo fueritis, facile ſingula intelligitis: ego etiam quae ſuſcepi in hac cauſa, breuiter & dilucidè perorabo. Cape autem mihi ipſas leges, quae apud Moſen ſanctae de matrimonio habentur, quibus hic uim nefariam intulit: atq; eam primò, quae cum ipſo homine, atq; adeò cum ipſa rerum natura ſimul nata eſt. Recita.

# LEX DEI.

Dixit quoq; dominus Deus, Non eſt

eſt bonum, hominem eſſe ſolum. Faciamus ei adiutorium, ſimile ſibi.

Hæc lex eſt, Iudices, non ab homine lata, ſed ab ipſo omnium rerum autore, atq; Deo, ante hominum genus natū, quae in lege auditis, dixiſſe Deū: quo quid grauius dici, aut mirabilius audiri poſteſt, quā hanc legem de matrimonio, ore ipſius Dei Opt. Max. ferri? atq; illam hominis naturae conuenientē ſanciri, ut id quod in ea ſit dictum, non ſolum mente agitatum, ſed etiam ore, & penè lingua Dei noſtri decretum, ſancitumq; in perpetuum eſſe uideatur. Quam qui tollit, aut mutat, nō aperte uobis aduerſari Deo uidetur? At quid nam in hac iſta lege Deus dicat, attendite, ut inde improbitatem Syriciae legis agnoſcatis, in qua ille totidem uerbis atq; literis huic legi ſclerate aduerſatur. Malum eſt hominem eſſe ſolum. Non dico qua mente, ſed qua fronte mutare hoc iſtud Dei edictum tanta autoritate latū auſus eſ, ut id quod Deus malum eſſe dixit, tu contra bonum eſſe dices? ſolitariamq; uitam nobis poena capitis, bonorumq; publicatione præſcriberes? Quomodo tu hanc manum plenam perfidiae, & hos digitos tuos impellere potuiſti, ut tantum nephas præſcriberes? Verbum mihi deeſt, Iudices, cum ego hoc ſcelus, nephas appello. Sed proſectò maius eſt quiddā.

h nullum



nulum enim scelus humanum unquam fuit, quod non, si minus hominibus, diuino tamē numini parceret: hoc uerò infinitum est, omnia simul completur, omnia cuertit uno & eodem scelere. Dei enim uerbum, Dei edictum, Dei iussum tollit, cum omni ui, potestateq; diuina.

Neq; id occulte ille facit, ut lateat, sed palam contrarijs uerbis: ut Dei dictum, non dictum: malum, non malum, hominem solum esse dicat: idq; ita tenendum omnibus execrationibus publicis sancit, ut qui ab hoc dissentiat, aut qui hanc legem Dei ipsius edicto anteponat, cum sacrarij excludat limine: ab ara etiam, quæ asylum sceleratis semper fuit, abripiat ad supplicium. Si in te nullus sensus humanitatis, nulla ratio unquam fuit religionis, tamen cogitare debebas, id quod fuit postremum, te hominem mortalem, omnibus rebus inferiore esse Deo: ut in Deum ipsum in mortalem, quem muta quoq; atq; inanima horrent, impius, sceleratus, ac nepharius esse nollēs. Huic ne tu legi tam antiquæ, tam sanctæ, tam religiosæ, manus impias ac sacrilegas afferre conatus es? Si nos his artibus ac disciplinis institutus eras, quibus hoc passim traditur, procreandi causa uxorem à natura esse datam uiro, sine qua uita nobis (quod dicitur) uitalis non esset: tamen si te ipse respexisses, si tua stupra atq; dedecora cogitasses, potuisses statuere, ea tibi dele-

re nephas

re nephas esse, quæ Deus digito suo scripserat: neque bonum, hominem esse solum, dixisses, quem malum Deus solum esse dixerat. At cur dixerat? attende Syrici, & aliquando cognoſce, cur id sit malum, quod tu bonum esse aduersus Deū contendis. Faci-mus, inquit, ei adiutorium simile sibi. Audi Syrici, cur malum sit homini solum esse: quia sine adiutore, & quasi consorte huius uitæ, malum est illi esse, absq; quo hominis etatem uiuere, aut ne uiuere quidem ille durabit: tum etiam, quod hoc ipso adiutore amoto, necesse est illum impudicè, hoc est, more tuo uiuere: nihil habebit quo se conſoleatur, cui ininitatur, nil differet à uictu cultuq; ferarum, ibit in amplexus obuios: non sexus huic, non thorax, nō domus ulla clausa erit: perfinget ac prostrabit omnia, si nil habuerit, quod sese uertat, & quo intra fines pudoris ac uerecundiæ se contineat: abibit in præceps, furore deniq; ipse ruet suo. Plena exemplorū huiusmodi Roma est tua Syrici, quæ quod dicto tuo, contra dictum Dei pareat, à qua tandem turpitudine illam abhorrere cernis? quod scelus, quod flagitium illi non hæret? cum repudiato hoc isto adiutore, solitaria, tanquam latulenta sus, in omni libidine tecū uoluitur. Sed de hoc ipso erit fortasse alter nobis conquerendi locus, ut hoc Syrici intelligat, nil tam ad uestram religionem, uestrumq; iusiurandum pertinere, quàm ut abroga-

re nephas



ta eius lege, Dei legem nobis restituatis. Nunc uos reliquas leges audite, quibus matrimonium in hominum uita est à Deo constitutum: quas omne hic at oleuit, dum scortationi ad Ecclesiam uiam munis. Tu quæ deinceps consequuntur, recita.

## L E X.

Et creauit Deus hominem ad imaginem & similitudinem suam, ad imaginem Dei creauit illum, masculum & foeminam creauit eos.

In hac lege uidetis Iudices, cur præ cæteris animantibus omnibus dignior habeatur hoc isto adiutore, siue coniuge, homo. nam cum homo imago ac similitudo ipsius sit Dei, quanto is melioris naturæ præstantiorisq; factus est particeps, tãto quoq; dignior habitus est melioris uitæ modo. Cũ enim reliqua animantia solo sensu agitentur ac moucantur, cunctaq; ad corpus referant, matrimonio carent: nec applicantur ad unam certam coniugem, sed ex cuncto ipsorum pecudum grege, fructum uoluptatis, propagationisq; querunt. At homo diuinitatis particeps, quod ad maiora natura sit factus, ut libidinem uoluptatis coniugio certo moderaretur, prouisum illi ab ipso Deo est. At quomodo prouisum, cognoscite Iudices: ut aliquando intelligatis, quanto bono hoc auctore simus priuati. Masculum,

inquit,

inquit, & foeminam creauit eos. Iis uerbis intelligi datur, ut ego quidem puto, tanta coniunctione, tantaq; societate constrictum esse masculum cum foemina, ut neq; masculus absq; foemina, neq; foemina absq; masculo rectè dici possint: ut horum altero quauis ratione segregato ab altero, illud sit perperuò uerum, quod in superiore lege est dictum, nempe hominem solum malum esse. Cum enim hæc naturali copulentur lege, dubium non est, hæc ad sese mutuò ita referri, ut nisi simul sint, ipsa per se nequeant subsistere. Quorum quidem coniunctio atque necessitudo quàm arcta sit, quàmq; ( ut ita dicam ) inter se compacta, ex sequenti lege intelligetis, quam tu recita.

## L E X.

Quamobrem relinquet homo patrem suum, & matrem suam, & adhærebit uxori suæ, & erunt duo in carne una.

His uerbis cognoscitis, quanta necessitudine coniuncta sit foemina cum masculo, ut ipsorum necessitudo omnibus anteponatur ab ipso Deo necessitudinibus. Quid enim amantius est, quid indulgentius, nomine ipso materno atq; paterno? quid uerò cuiquã est charius, quàm sunt sui cuiq; liberi? Tanta tamē necessitudo huic uni coniunctioni cedit, qua applicatur uxor uiro, ut præ hac minor uideatur

b 3 esse



esse liberis mater atq; pater: quo quid mirabilius dici, aut fingi potest? ut uterq; parēs, quo maius post Deum liberis ante ipsum coniugium nil est, in ipso coniugio liberorum modis omnibus sit minor: in quo patris, matris, uir locum occupat: & in quo uxor etiam ipsa socrus suæ atq; nurus numero sit uiro, ita ut hæc istorum coniunctio omnium coniunctiones complectatur. At quomodo complectatur? Audi Syrici, & aliquando te collige, atq; cogita quantum facinus sis ausus, dum inter hos dissi- dium ponis, dum cos tua lege disiungis, quos Deus non animorum consensione tantum, sed etiam ipso- rum corporum conspiratione coniunxit: dñ quidē ore suo diuino, tanta autoritate, hoc quod sequitur pronunciat:

Et erunt duo in carne una. Id autem est, ut neq; corpora illis seorsim sint libera, sed ut alter alteri- us corporis habeat potestatem: ut uidelicet nil in- ter hos sit uagum, nil solitarium, neq; proprium, sed ut animis et corporibus ita coalescāt, ut ē duo- bus unus pl. uideā: ut factus homo. Quo quid sanctius? quid coniunctius potest uideri, quā est hæc diuinitus constabilita maris atq; semine con- iunctio? Vnde uos facile perspicitis Indices, nil tam hominis natura proprium esse, quā cū hoc tali adiutore congregari, ac uiuere: nil uerò tam alienum ab hoc eodem uideri, quā absq; hoc isto

socio

socio mortalem ac solitariā uitam illū degere. Igi- tur hæc duo natura consuta atque coniuncta, si quis diffuere atq; disiungere audeat, quæ poena tan- dem is, quo etiam supplicio dignus uobis esse ui- debitur? Si enim iudicia summæ exultimationis, & penè dicam capitis, tria inter homines censentur esse, fiducia, tutela, societatis: paria enim hæc sunt, fidem frangere, pupillum fraudare, ac in negotio socium fallere, in cæteris rebus potest quis in ali- quo horum seorsim offendere: at in hoc isto coniu- gij uinculo atq; pacto, omnia hæc simul tollat ne- cesse est, qui in uno horum aliquo offenderit. Quæ enim fiducia maior, quæ tutela cautior, quæ socie- tas sanctior cogitari potest, quā est in his, in qui- bus non animus tantum est unus, sed etiam corpus, atq; idem est sensus? Nec iniuria. Cum enim Deus ex hac ista maris & semine coniunctione edi ge- nus humanum uellet, nil hac solidius, nil etiam co- pulatius nobis uoluit uideri: quā non solum legi- bus à se latis contra omnem uim humanam muni- uit, sed etiam ipsum matrimonium, quod inde sequi- tur, omnibus laudibus cumulatam nobis æqualiter commendauit: quem ad finem etiam omnia quæ in superioribus legibus audistis, referri, ex sequenti le- ge intelligetis, quam recita.

L E X.

Benedixit illis Deus, & ait: Cresci-  
te,

b 4



te, & multiplicamini, & replete terrā,  
& subiūcite eam,

Hæc lex ex libro Moſis eſt, unde ſunt & aliæ  
quas recitauī, quam breuiter conſideretis. Benedi-  
xit mari & ſceminæ Deus. id autem eſt, omnia la-  
ta, pudica, tranquilla, caſta, atq; legitima, mariq;  
ſceminæq; in coniugio Deus promiſit: ut illis meri-  
tò maledixerit, infauſtaq; omnia promiſerit, qui  
extra coniugium degunt, ac ſolitarij ſcortantur.  
Si enim benedixit coniugio Deus, maledixit certè  
quidem ſcortationi: quam ſcædam, impudicam, tur-  
bulentam, triſtem, atq; inquietam, uolebat ex con-  
traria parte matrimonio reſpondere: quæ ſcorta-  
tio inquam, neceſſariò conſequitur eos, qui extra  
hoc præſidium coniugij uiuunt: quorum turpitu-  
do atq; infamia nulla ratione corrigi, neq; emenda-  
ri poteſt: ut meritò quicquid inde oritur, duci-  
turq; id ſcædum obſcænumq; habeatur. Neq; ue-  
rò ſcortationem leuat hoc probro, illa Syricij lex,  
qua iſ primus excogitauit, quo pacto ſpurij legiti-  
mi poſſint reddi. Nam hoc quoque ille ad cætera  
uulnera Eccleſiæ addidit, penè de induſtria, ne qua  
fortè ex parte cum lege Dei uideatur congruere:  
de quo quidem ipſius non iam furore, ſed amentia  
dicam alio loco iudices, ut hoc uos intelligatis, nil  
tam ſancti in omnibus legibus diuinis haberi, quod  
ſuo edicto non uiolauerit Syricius. Nunc ad id  
quod

quod cœpi, reuertar. Dico Deum matrimonio be-  
nedixiſſe. Hanc autem benedictionē uideo ad duo  
referri: nempe ut legitime multiplicentur mas cum  
ſceminæ, deinde ut hi repleant terram: quæ duo ſi  
quis ex matrimonio ſuſtulerit, nil reſtabit tertium,  
quo illud ſtare poſſit. Quare hoc ipſum ſatis indi-  
cat, matrimonium inter homines ideo eſſe tam ſan-  
ctis legibus conſtitutum, ut caſtè integrèq; uiuen-  
do, certam ex certo thori ſocio habeamus ſobolē,  
quæ uiuat, nobiſq; ſuccedat, & quæ ipſam terram  
legitime occupet, in eaq; ſancto prædita matrimo-  
nio degat: in quo poſita, omnia illa expectaret,  
quæ hominum generi legitimo promiſit Deus: tum  
etiā, ut his ipſis præſidijs tutam ſe ſciret eſſe con-  
tra carnis illecebras, ſcæcſq; illas libidinum, quibus  
incenſa Sodoma cū Gomorra conflagrauit. Et pro-  
fectò aut hoc remedium eſt ægrotae ac propè deſpe-  
ratae uitæ noſtræ, carniſq; corruptæ ac cõtamina-  
tæ parentū uitio, ac turpitudine, homines in matri-  
monio, cōiugijq; cuſtodia honeſtiſſimè integerri-  
meq; uiuere: aut ſi ne hoc quidē Syricio uidetur,  
profectò nulla unquā medicina his tot incōmodis  
noſtris reperietur. Nulla ſalus hominib; maior eſt,  
quā ex præſcripto Dei, naturæq; uiuere. Itaque  
ſemper hi cōtinentiſſimè honeſtiſſimeq; uixerunt,  
qui cōtra libidines matrimonio erāt tuti. Cōtra ue-  
rò, qui hoc ſpernebāt, quæ peccata ac maleſicia nō

b s sunt



sunt experti? Quamobrem ut matrimonium contra omnem imbecillitatem ac infirmitatem nostrā pro praesidio sciremus nobis diuinitus esse datum, ideo Christus Deus & dominus noster, hanc legē de matrimonio ita ratam nobis uult uideri, ut nulla ui neq; ratione patiamur nos diuelli, hac ista freti lege, ab eo uitæ socio, sine quo malum esse homini semel Deus edixit. Tu autē replica mihi paulisper hunc librum, & hoc ex Matthæo lege.

## L E X.

Itaq; iam non sunt duo, sed una caro, quos ergo Deus coniunxit, homo non separet.

Hæc lex est quasi quidam superiorum legū Epilogus: in qua hoc præcipitur, ne quis hominum audiat hanc tantam necessitudinem animorum atq; rerum in matrimonio uiolare. Et cum tot sint leges diuinæ, quas iste transgressus est: tamen nulli apertius uim fecit. Cum enim ceteræ omneis leges coniunctio maris ac foeminæ quanta sit indicent, hæc non solum ipsius coniunctionis meminit, sed etiam interdictum addit, ne uidelicet eos, quos Deus coniunxit, homo separet: hoc autem est, ne quid in hac lege molitur homo, ne marem cum foemina conuicere prohibeat, nèue quid ex hac naturali alterius in alterum propensione mutet homo. Et Deus quidem ipse quasi diuinans, imò uerò cer-

tò sciēs, fore aliquando Syricios, qui Deum nō metuerent, neq; leges illius curarēt, dubio procul hūc hominem appellans, tanto antè posuit in interdicto, ne uidelicet eos quos coniunxit Deus, homo, id autē est Syricius, separet, qui suo edicto hoc interdictū Dei post tot secula primus abrogauit: dū quidem edicit, ne ullus homo sacerdos uxore propriā habeat, nèue si habuerit, post ordinationem cubile illius inuadat. Quod quid aliud est, quàm apertè eos quos Deus coniunxit, separare: & illas omneis leges, quas Deus digito suo in nostris membris, atque adeò in nostris uisceribus inscripsit, funditus tollere? quod ne unquā fieret, num parū uobis in posterum hac ista lege uidetur esse prouisum? quæ matrimonium ita sanctum est, ut unum hominem factum ē duobus, Deus nunquam ab homine diuidi uelit. Non probat hoc Syricius, huic etiam legem acerrimè aduersatur: neq; interdicto hoc se teneri putat, quòd suis iniustis atq; impijs decretis funditus sustulit, abrogauitq;. Quid enim est quæso, Iudices, legē Dei abrogare, si hoc nō est leges cōtrariis illi irre? Quid uerò aliud est legem Dei tollere, quàm ne ea lege quæ de matrimonio est, utamur, nèue secundum illam uiuamus, edicere? idq; nobis non solum edicto præscribere, sed etiam mortis metu? Sed quid ego huic legi uim nephariam istum intulisse conqueror? cum ille non solum

has omneis leges, quas recitauī, sustulerit: sed cum plures etiam alias, quas, ne multitudine uobis sim molestus, prætermitto. Illud tamen uerè dicā, quæcunq; leges erant de matrimonio, quæcunq; de pudica honestaq; hominum uita, eas hic omneis deleuit, abrogauitq; cum quibus omnia simul nobis eripuit, pudorem, auctoritatem, religionem, grauitatem: deniq; id quod summum inter homines est, certæ cuiq; suæ posteritatis spēs. Itaq; hoc autore sine uxoribus sumus, sine liberis, sine certis posteris, uagi ac profugi uersamur in terra: amissq; matrimonio istius scelere, frustra deflemus, initio rerum omnium matrimonium inter homines esse constitutum: frustra etiam iactamus Chanam Galilææ, in qua matrimonium à Christo honestatum esse accepimus, ac in hominum uita non sine prodigio dictum. Nil nos maiorum exempla apud Syricium iuuant: nil etiam hæc Græcorum atq; Ruthenorum recentia nobis apud hunc prosunt, quorum sacerdotes hisce legibus, quas recitauī, ad hanc diem uiuunt. Nulla res hūc prohibere potuit, quo minus matrimonium ex Ecclesia Latina eijceret. Perfrēgit, prostrauitq; omnia: solus post homines natus est inuentus, qui surdus esset non iam ad leges ipsius Dei, cuius numen uimq; contemnit: sed ad ipsius uetustatis uocem, in qua hoc semper usurpatum, in primisq; sanctum ac legitimum est habitum. In-

ferre

ferre oculos in ipsam uetustatem, Iudices, circumspicite omneis illius partes: nil præclarius, neq; sanctius matrimonio in hominū uita uersatū fuisse cognoscetis: quo qui sunt usi, siue sacerdotes, siue plebs illi fuerint, honestissimi inter homines, apud Deum etiam gratiosi sunt habiti. Antiqui illi sanctissimi uiri, atq; optimi, quorum meminit uetustas, hoc sibi amplissimum, pulcherrimumq; putabant, in matrimonio degere, ex eoq; quàm plurimos filios ac filias procreare.

Enoch illum ueterem, quem sacerdotem fuisse ferunt, & ambulasse cum Deo, & postea non comparuisse accepimus: tulerat enim eū Dominus. sic ille propagata sobole, & coniunx & sacerdos ex hoc isto matrimonio, quod damnat Syricius, ascendit in cælum. Neq; enim magis animos hominum res unquam ulla Deo cōmendat, quàm uacare libidine, & matrimonio castum gestare cor. Siquidem soli mundo corde, ut in Scripturis est, Deum uidebunt. Quid Noe? non ne hic uir iustus atq; perfectus fuit in generationibus suis, cum uxore ac liberis ætatem degens? At hic tamen in diluuiio illo atroci & acerbo obrutus aquis propterea non est, quòd uxorem, filios atq; nurus in arca secum uehebat. Quid Abraham pater? non ne omneis promissiones illas tot ac tantas intra matrimonium, nō extra, accepit? nil obstitit illi Sarra uxor, quo minus



nus ille cum Deo loqueretur, & ex fide tantarum rerum uiueret? Iam uero Isaac, huius filius, destinata patris uictima, Rebecca uxore non amisit, quin in eo Abraham semen esset. Quid Iacob, tot filiorum pater? non is duas pro una uxores habebat, quibus cum uiuens & Israel est appellatus, & terram auctori & patri promissam possedit: Taceo huius filios: prætereo alios infinitos, qui in matrimonio placuerunt Deo: ipsum etiam Moysen dimitto, diuine legis interpretem, qui in matrimonio positus, ita loquebatur cum Deo, ut loquitur homo cum amico suo. Quid de huius fratre Aarone loquar: cui ad summam sacerdotij dignitatem atque amplitudinem uxor nil obfuit: Merito ergo illi in laude, ac in gratia cum Deo fuerunt: uiixerunt enim æqualiter omnes legibus nature: crediderunt etiã dicenti Deo, malum hominem solum esse. Cuius præcepta legis pœnas meminere diluuium, uidebant Sodomã & Gomorrã dedisse: quare cum scirent quã magnũ onus esset legis, et periculosum, in qua præcipitur, Nõ concupiscas, non mœchaberis, non adulterabis, & alia huiusmodi: cumq; sentirent quã essent ad eas res mobiles, quãq; infirmi, diffisi ingenio, quæsiuerunt ista adiumenta nature, et matrimonij ipsum ceu quendam portũ paratum sibi uidebant, in quẽ se ex iactatione præsentis uitæ reciperet, in quo illi secundũ naturã uiuendo

domitas

domitas habebant libidines: quibus extinctis uxoris usu, summo erat officio ac uirtute præditi. Quorum cum præstantiam moderationemq; libidinum sequens admiraretur ætas, nos illorum exemplo ad consimilem uitam inuitat, nobisq; matrimonium æqualiter omnibus ita commendat, ut id solum ac præsidium certum habeamus, cõtra omnes libidines, quas neq; frenare neque domare absq; uxore possemus. Id quod uos multorum sapientissimorum uirorum testimonijs cognoscetis, quæ tu mihi ordine recita: & primum ea quæ uir diuinus, ac rex sapiens Salomon dixit.

#### TESTIMONIUM SALOMONIS.

Qui inuenit mulierem bonam, inuenit bonum, & hauriet iucunditatẽ à Domino: qui expellit mulierem bonam, expellit bonum, &c.

Siste. Auditis Iudices, ut sequens ætas probauerit in utraq; partem uerum esse illud, quod ab initio est dictum, nempe solũ hominẽ malum esse: cui tantum in muliere situm est, ut hæc contueri palam dicatur ipsius hominis bonũ. Graue est hoc testimoniũ Salomonis, magni in primis & præclari uiri. nam neq; sapientior quisquam rege Salomone fuit, neq; ad libidinem procliuor: ut non solum ratione cognouisse, sed etiam usu uideatur didicisse.

se, quantum bonum sit uxor uiro. Itaq; quòd hoc adiumento à uictu cultuq; ferariū distet homo, ideo (ut opinor) mulierem uiri Salomon appellat bonum: quo bono uitamus omneis illas libidines, quæ ex procreandi appetitu nimio ac uehementi oriuntur: quibus facile à mente abducimur, nisi firmemur, ac intra fines officij cõtineamur hoc isto mulieris bono, quod nos labi non sinat, neq; libidine extra præscriptum ferri: sed quod hominē ita undiq; circumscribat certo uitæ modo, ut eum qui habeat, non aliquo exili, sed uberrimo ipsius honestatis potiatur fonte: ubi non seclusa aliqua aquula teneatur, sed unde uiuum flumen erūpat. Hinc enim uxor, hinc liberi, hinc legitimi ducuntur posteri: quæ rex sapientissimus, atq; idē autor locupletissimus Salomon, non solum bona, sed etiam iucunda bona esse dicit. Quid enim est suauius matrimonij fide? Quid iucundius huius istius fructu? Iam illa quæ & quanta bona putanda sunt, quæ nos ex ipso matrimonio capimus: habere non corpus solum, sed & animum pudicum: non ardere libidine, tenere discrimen sexus, nosse cognatos, reuereri affines, parcere generi: permiscuē omnibus non uti, sed ad unam certam ita applicari, ut cum illa sola bene et pudicē uiuas, ut ex hac liberos, ex hac legitimos speres posteros, in quibus homo mortalis, reddaris immortalis, uiuasq; in his ac uigeas sem-

per.

per. Non hæc grata uobis, Iudices? non iucunda bona uidentur? Non etiam diuino munere hominibus tributa? animo et corpore sic affici, ut hoc uno adiumento uacare possimus omnibus hisce malis, quibus nos conficit hæc Syricia lex libidiosa & intemperās, dum isto bono caremus, dum soli sumus, dum nullum remedium tot incommodis habemus: & planē ita nobiscum agitur, quod cum ebris solet scipioni innixis, quem si his præripias, cadunt illico, stare non possunt. Idem nobis accidit, hæc ista uxore prærepta, sine qua in lubrico positi facile ruimus in uetitū nephas, & in hæc scelera prolabimur, quibus affectus à Syricio iacet nunc ordo noster: qui in tanta est infamia, omniumq; inuidia, ut nil contemptius illo, nil etiam despicatius uideri iam queat. Quid ita? quia expulsa muliere bona, Syricius ex ordine nostro expulit bonum. Ita dictum Salomonis sapiens, temeritas Syricij comprobauit. Nam sublato sacerdotum matrimonio, ad omnia flagitia fenestram aperuit, per quam in Ecclesiā est illapsa fornicatio, incestus, ipsius postremo Sodome atq; Gomorre concubitus: cuius obscenum nomen in ea urbe, cui Syricius præfuit, ita uernaculum est factum, ut in familiaribus probri pueri ipsi, puellæq; cynædulos sese appellitent. Atq; hæc à me dicuntur, Iudices, non ut ipsam urbem Romam notatam uelim, quæ ego domicilium



Et olim summi imperij fuisse. Et nunc religionis esse debere profiteor: sed ut perspiciatis Syriacianū scelus quantum sit, ideo hæc à me cōmemorantur, quòd uos ipsi ita se habere uestro nutu atq; hac ista admiratione facile ostenditis, ut inde appareat, uos cum turpitudinem notæ rei, tum uerò hoc isto dolore atq; gemitu circumstantis turbæ cōmoueris: Et in primis infamia cōmuni ordinis nostri, in quā nos Syricius coniecit: qui pulsa uxore, omnia illa bona cum uxore ex ordine nostro expulit, nempe liberos, familiam, pudorē, uerecūdiam, lares potestatem ipsos, ac deos penates, si ita loqui phas est: pro quibus introduxit scortationem, adulterium, incestum, lupanar, subditos atq; spurios, denique omnem turpitudinem. Hæc nos nūc desicemus, hæc portēta in Ecclesia Dei uersari dolemus: à uobisq; petimus, ut hoc tantū bonū, quòd à Syricio priuati sumus, restituatis nobis, cū cōmodis cōmolumētisq; suis, ut ex hoc bono hauriamus iucūditatē promissam à Domino, atq; cū hoc recuperemus et illa quæ idem rex diuinis cōmuni laudibus, quæ tu recita.

#### TESTIMONIUM.

**Mulieris bonæ, beatus uir: numerus enim annorum eius duplex.**

Quibus rebus cumulatū sit hoc bonum, quòd de in superiore testimonio audistis, hic apertè ponitur. Nam hoc loco uirum beatum Salomon appellat,

pellat, muliere bonā. Hoc utiq; innuens, summam uitæ humanæ uxore contineri, quæ beatum ita reddit uirum, ut numerum annorum eius sui usu conduplicet. quòd quid aliud est, quàm quòd uxor omneis uiri partes absoluit, ac perficit, cum non solum illi fidem præstat, illumq; prole auget, sed etiam suo conuictu, castum seruat a libidine. Tum etiam illa, quæ non in postrema felicitatis parte ponuntur à sapientibus, quòd hæc eadem uxor quasi partito cum uiro imperio, in partem iuuat domum, sustentat familiam, paruos educat liberos: quæ omnia absq; uxore punctū temporis non stabunt. Ita uxor uiri sui decus, stabilimentumq; est, ut absq; hac nil sit infelicius uiro. Quis enim non dimidiam potius, quàm integram eius uiri ducat esse uitā, cui absq; uxore fluctuat domus, nutat familia, Et incerta pro certa subditur soboles? Græci, sapientes homines, Spartā ideo dimidia felicitatis parte carere dixerunt, quòd huic incommodum esset matrimonium. Dixerunt hoc illi, qui cōiectura loquebantur de uero: nos id negabimus, qui non solum à natura accepimus, sed etiam ab ipso Deo didicimus, malum hominem solum esse: Id autem est, quòd absq; uxore homine miserius sit nil. Absq; hac enim dimidium penè spiritum atque uitam ducimus, tum etiam uagum animum in caduco corpore gestamus, Et quasi quodam estu huius

presentis uitæ huc atq; illuc uoluimur. iacet sine hac domus nostra: genus etiam nostrum obscenum nascitur, atq; turpe. Cui malo occurrēs ipse Deus, mulierem ex hominis latere genuit: ex costaq; illā ideo fecit, ut hanc non seruam, neq; dominam, sed uitæ nobis sociam dari ab illo sciremus: quæ latus nostrum, hoc est omnis nostra uita sic inuiteretur, ut caro ossi, ut moles suo fulcro innititur. Quæ sane ratione quis non duplicari annos uiri uxore putet? quis non felicem cū uxore uirum? quis non eundem miserum absq; uxore ducat esse? cum duplicari omneis uiri partes uxore ita audiat, ut sine hac dimidia uix uiro uitæ restet pars: id quod uos ex sequentibus clariùs intelligetis.

#### TESTIMONIUM.

Mulier fortis delectat uirum suum, annos uitæ illius in pace implebit.

Hoc in loco, Iudices, mulier quam uim in uita habeat, ostenditur. Cum enim uoluptas naturæ sit comes, & quasi condimentum quoddam expetendarum rerum, nō secus quàm dolere est fugendum: natura mulierē uiro dedit ceu oblectamentū quoddam pulchrum atq; expetendum, ad quā sese totus homo referat, quam amet, cupiat atq; desideret, ac huic ita sit addictus, ne hac semota, uoluptate nimia diffuat, dilabaturq;. Itaq; hoc naturale bonum eō est, ut libido uiri uoluptate uxoris temperaretur

peraretur casta atq; pudica, ne soluta sit ipsa per se, ne ue extra coniugij limen quocūq; progredi sibi licere putet. Cui rei ut facilius acquiesceremus, multis sanè condimentis natura nobis condidit uxores: cum quidem nil muliere mollius, nil uenustius, nil etiam iucundius ad omne desiderium nostrum finxerit. Potest quis nostrū, hæc tanta delectamenta naturæ, quæ in mulieribus uidemus, contemnere? in quibus medius fidius (audacter hæc dico) plus uoluptatis, quàm in uiris rationis: plus uenustatis, quàm in nobis est disciplinæ, quæ consequamur, quin moueamur non solū uis, auditisq;, sed etiam cogitatis mulierum formis, atq; figuris: quibus natura tantum circumfudit decus, ut aliud opus naturæ non sit, neq; affabre factum, neq; uisendum magis, neq; quò plus tota inclinet, seseq; insinuet natura. Non enim in rebus aliud est, quo magis omnis uiri mens commoueatur, quàm ipsius mulieris occurso, in quam obuiam omneis nostri ita feruntur uultus, ut retineri nequeant, ne à sapientissimis quidem, seuerissimisq; uiris: ut meritò ferrei, stupidiq; à philosophis censeantur esse hi, qui obuia hac ista pulchritudine mulierum nō moueantur, & quorum uirgo uisa in intimis non ludit præcordijs. Phryne, scortum nobile, in grauissimo totius Græciæ iudicio capitis rea, cum eloquentia patronorum defendi non posset, diloricata, ductaq;



ductaq; uestre, pectoreq; nudato, ipsa se defendit.  
 Et cum illo candore ac bonitate formæ oculos iudi  
 cum perstrinxisset, est absoluta. tantum ualuit na-  
 tura, tantum etiam potuit in illo iudicio mulieris  
 forma, ut et eloquentia patronorum, et religio iu-  
 dicum illius uenustati concederet. Verum hæc ni-  
 mis longinqua uideri possint, cum domesticis con-  
 tentus esse debeam. Parum ne uobis mulier, quan-  
 tam uim habeat, in Sampson ostendit? parum in  
 Dauid? parum in Salomone rege? qui cum nulla ui-  
 externa uinci possent, à mulieribus tamen uicti, ca-  
 ptiq; sunt. Potuit Sampson superare Philisteos, a-  
 mica non potuit. Dauid quoq; cum acerbissimos a-  
 cerrimosq; aduersarios tulisset, unius tamē mulier  
 cule aspectū non tulit: cuius amore ita desipuit, ut  
 Vriā huius uirū nephariē necandū curauerit, hoc  
 metuens, ne quid fortē de amore ipsius ille interpel-  
 laret uiuus. Quid ego nunc de Salomone loquar?  
 qui cum ceteris omnibus mortalibus sapiētia præ-  
 stitisset, mulieribus tamē succubuit: quorum amo-  
 re ita insaniuit, ut et à Deo suo patrio recederet,  
 mulierumq; deos, quas amabat, coleret. Infirmi  
 isti fuerunt. Syrici: firmior uidelicet tu, qui  
 nobis tam æquis leges præscribis: qui nos sine  
 muliere, mulieribus ipsis resistere uis. Ita ne qua-  
 so durus ac preposterus es, ut cum audias tan-  
 tos uiros in ipso matrimonio mulierum arsisse in-  
 cendio,

cendio, à nobis hoc ipsum incendium tantum,  
 tam atrox, tam nocens, sine matrimonio uis re-  
 stinguat? Ita ne tu nos per ludum atque iocum mu-  
 lieribus pro præda obijcies? nil nobis reliqui fa-  
 ciens, quo aduersus illarum laqueos atque fa-  
 ces sumus tuti? præsertim cum tu ipse, qui contrā  
 matrimonium uenis, confiteare, mulierem ma-  
 gnum ille camentum libidinis esse. In quo uide,  
 quā tibi constes. Nam cum omnium libidinum  
 escam mulierem uis uideri, nil tamen nobis das,  
 quo minus adheremus huic escæ, ut adherent pi-  
 sces hamo: sic tu in tua lege ueritatem mendacio  
 misces. Neque hoc tamen nimis callidē facis. nam  
 ueritatem ipsi rei tribuis, mendacium uerō Satha-  
 ne concedis, cuius arbitrato legem hanc scripsi-  
 sti. Quare quam rem ab homine segregarit Sy-  
 ricus, uidetis: eam certē, in qua ceu in quodam ce-  
 sto Veneris, recondita sunt omnia aduersus libi-  
 dinem remedia, si illis legitimē utare. Sin uerō se-  
 cus, ueneficia sunt putanda, ad dementandos ho-  
 mines accommodatissima: quibus quasi Cyræo  
 poculo in pecudum, immitumq; animalium mu-  
 tamur formas. Quanto enim mulier inferior est ui-  
 ro, tanto abundat magis omnibus rebus illis, quæ ad  
 cōciliandos animos uirorum ualēt plurimum: qui-  
 bus nos ita impedimur, ut etiā si uelimus, tamē nos

expedire ex his nequeamus: & si quando ab illis  
absoluumur, uitam miseram, inquietam, imperfe-  
ctamq; ducimus: quam utiq; expleri uxore audi-  
tis, ut nulla uita nostræ sit pars, in qua securè ac  
tranquillè etatem uiro absq; uxore liceat degere.  
Omnes ergo uiri numeros uxor absoluat, ac perficiat  
necesse est, si is in omni gradu uitæ celsus esse  
ac rectus cupit: neq; ex alia re magis laudem atq;  
splendorem querat, quàm ex bene culto, seruatoq;  
matrimonio. id quod nos testimonio eiusdem Salo-  
monis cognoscetis, quod recita.

#### TESTIMONIUM.

Gratia super gratiam mulier sancta, & pudorata: sicut sol oriens mun-  
do in altissimis Dei, sic mulieris bonæ  
species in ornamentum domus eius.

Expectatis à me alias matrimonij laudes, Iudi-  
ces, quibus refellam legis Syriacæ turpitudinem,  
atq; infantiam? Non is sum, non ita desipio. Nego  
quicquam uberius dici posse, quàm hoc est de ma-  
trimonio à Salomone dictum. Cum enim is superi-  
us uiri bonum uxore definisset, quo solo beatus uir  
posset dici: & cum complementum uitæ uiri gra-  
tum atq; iucundum uxorem posuisset: nunc hoc  
ipsum quantum sit ostendit. Nam cū nullo nostro  
merito, sed Dei beneficio cuncta habeamus gra-  
tis; hoc tamē de uxore ita gratuitū est, ut facile o-

mnibus

mnibus gratijs antecellat. Quid enim stabile, quid  
proprium, quid perpetuum nobis fuisset, sine hac  
Nō mehercules quicquam illa ualuisse, quæ pro-  
pter nos sunt facta, parumq; momenti ipsa per se ha-  
buissent, nisi accepisset hoc noster socius atq; par-  
ticeps. Quid enim quæso nos iuuassent muta atq;  
inanima, quid etiam motu sensuq; prædita, quibus  
hanc tuemur uitam? profectò nisi nobis data fuis-  
set uxor, qua consolaremur solitudinem nostram,  
& cum qua in terris uersaremur, cunctis animan-  
tibus inferiores essemus, in quibus nonnulla socie-  
tas uitæ coniunctionisq; cernitur. Manca atq; in-  
choata hominis natura fuisset, si nil huiusmodi ha-  
beret, quo cum coniungeretur, & cum quo com-  
munem hanc uitam spiritūq; duceret. Quamobrē  
si fatemur summā erga nos Dei gratiam in his re-  
bus cerni, quæ propter nos sunt factæ, in quibus  
præter ipsarum rerum usum nil est nostri: summā  
certè gratiam confitemur necesse est, esse uxorem  
ipsam, quæ imago uiri sui est, cum qua nil potest  
cōferri. Vincit uxor, ac superat omnia. Atq; huius  
istius in nos muneris præstantiam cum admirati fu-  
issent ueteres illi, non cum aliqua re mortali, aut  
humili illud contulerunt, sed cum ipso sole, cuius  
splendore cum cuncta illustrentur, nil eo à nobis  
potest uideri diuinius: sic quoq; uxor, quoniam lu-  
men atq; ornamentum domus uiri est, sol quidā ui-



te humane recte dicitur: quam qui e uita tollit, nō is uobis de mundo solem ipsum tollere uidetur, & fœdas atq; cæcas tenebras rebus humanis inducere: densa caligine obruct omnia: cæca, absurda cuncta erunt: nil erit quod uitam hanc ornet atq; illustret cōmunem: horrent enim, ac squalent omnia, uxore, quasi sole, de mundo remoto. Quis huic rei testis est? idem qui acerrimus aduersarius in hac re. Te inquam testem Syrici citabo. Vxore sacerdotibus per te abrogata, dic quæso, qui horror, quæ nox tuam Romam non inuoluerit? quod scelus, quod flagitium usquam fuit tale, quod in locū pulsi abs te matrimonij Romæ non successerit: atq; ita successerit, ut in honore sit, ut summi, medij, atque infimi hoc ipso ita obligentur, ut Romæ scortari sit honestius, quàm in Russia nubere. Quid est quæso aliud, Syrici, solem tollere? quid nocte inuolui? quid cæcum ferri, si hoc non est? non sexum sibi, non pudicitiam, non thorum clausum cuiusquā putare? Hoc tibi nos debemus Syrici, hoc tuæ legi acceptū ferimus, quod ipsam urbem Romam, quā domicilium mentis, religionis, atq; sanctitatis maiores nostri esse uolebant, tu nobis tua lege fœdum quoddam lupanar reddideris: quam nunc, te autore libidinum atq; scelerum tantorum, omnes contemnunt atq; despiciunt, & quasi pestem quandā ac contagionem fugiunt: ut iam Romæ non secus, quàm

quàm Sodoma, Gomorræq; nomen omnes horrent, detestenturq;. Sed mihi ad hanc istius amentiam explicandam alius locus seruatus est, Iudices. Nunc uerò uos ex particula parua cognoscitis legis Syriciæ genus uniuersum. Atque hæc exempla in alma urbe eduntur, non sine diuino consilio, Iudices: ut quemadmodum ueteribus olim fuit Sodoma, sic nobis recens exemplum sit urbs Roma, quæ nunc neglecti matrimonij eas pœnas dat, quas uidetis: ut nos huius admonitu, maturè ex his urbis flagitijs excamur. priusquam obruamur hac ista urbis pœna. qua affligi atq; uexari urbem Romam ita uidetis, ut ob flagitia deserta à Græcis, relicta à Barbaris, in turpi atq; infami solitudine ipsa per se uitam degat. Nec propter aliam causam, ut dixi, nisi quod solum hominem bonum esse duxit, quòd illam ab initio Deus uetuit credere: nilq; ita retinendum illi censuit contra libidinem, quàm matrimonium: quod ut homo penè coactus amplecteretur, leges dedit, quas audistis, & quas iustas esse in omni hominum memoria est cōprobatum. Quapropter, Iudices, matrimonium æqualiter omneis amplectamur, ut nemo nostrum, qui illo uti possit, illud contemnat, sed quisque pro sua parte hoc isto nitatur: ne si fortè spreta uxore cōtra ius nature soli uixerimus, eas pœnas Deus in nos immittat, quibus olim Sodomam, & nunc urbem Romam affli-

gi audistis. Tum etiam illa grauiora expectemus, quæ omnium prophetarum ore nobis sacerdotibus minuitur Deus. Vobis uerò hoc à Malachia propheta ad sacerdotes dictum sufficiat: nã eodẽ pertinemet cæterorum. Cedo mihi ipsius Malachia testimonium, atq; hoc illius ex secũdo capite recita.

#### TESTIMONIUM MALACHIAE.

Non respiciam ultra ad sacrificiũ, nec accipiam placabile quid de manu uestra. Et dixistis, Quam ob causam? Quia Dominus testificatus est inter te, & uxorem pubertatis tuæ, quã tu despexisti. Et hæc particeps tua, & uxor fœderis tui. Custodite ergo spiritum uestrum, & uxorem adolescentiæ tuæ noli despiciere.

Hoc ad ipsos sacerdotes est dictum. Iudices: ut causa Syrici iam nulla sit, cur simulare nũc illud uelit, id quod illum dicturum esse audio. Nã ait is, ut aliquis fucus adiunctus sit ad edictum, se hac lege solis hominibus sacerdotibus matrimonio interdixisse. Videte quæ technæ, quæ nam sint istæ fallaciæ. Quid? sacerdotes homines tibi esse non uideamur? ita ne exleges sumus, ut non contineamur hac ista communi omnium mortalium lege?

Et uerò Syrici, bona cum uenia extra hoc certamen,

tamen, contentionemq; nostram, illud ex te scire uolo, homines ne putes esse, quos apparere huic iudicio uides, & in primis hos. qui de se sententiã laturi sunt: quæro inquam, homines tibi omnes nos uidemur esse, an potius ferrum, atque saxa? Ecquid haeres? cur stupes? quid nos aspectas? Aude inquam homines esse negare nos, ut nos te ferrum atq; saxum confiteamur esse, in quo nullus humanitatis sensus fuit, cum hanc legem ferres, qua tu contami nasti iuraturæ, ac dicta Dei profligasti: oracula prophetarum, dicta sapientum, auctoritatem omnium neglexisti, mutasti, delesti, dum ad stuprum tibi munis uia, dum soluis libidines: dũ multis ingenuis, multis matribus familiãs hac tua scelerata lege uim nephariam affers. Hæc profectò Syrici ferrei sunt, ac saxei, nõ humani, neq; pudetis uiri. Quod si & nos homines sumus, & illa omnia quæ ex legibus cõmemorauimus, de nobis quoq; sunt dicta: non est quod nos homines à cæteris hominibus segreges, quod uel bonum esse nos solos dicas. Et ne tu aliter quàm ego uelim, sacerdotum laudes ingenium, neue quid illo tuo castitatis nomine ad speciem magnifico, ad sensum uerò cogitationemq; acerbò, in hoc iudicio tollas, dico: sacerdotibus ita expedire in matrimonio esse, ut cæteris omnibus mortalibus, cum ipsa lege communi, tum uerò hoc isto Malachia oraculo, cuius ore sacrificia sacerdotum hanc

ob



ob causam Deus respuit, quod ipse testificatus sit inter hominem sacerdotem & uxorem eius: quod quid aliud est, quam quod Deus semel testatus est, nempe hominem absque uxore solummalum esse: quo nomine dubio procul comprehenditur & sacerdos, quem hic huius istius testificationis admonet Propheta. Qui sanè homo sacerdos, si contra hoc testimonium Dei uxorem spernat, illū quoque cum sacrificijs omnibus sperni à Deo necesse est: quod is eius uiolator sit foederis, quo coniungitur mas cum foemina: de quo nunquam tanta auctoritate loquutus fuisset Propheta, si eo sacerdotibus uti non liceret, et si sacerdotes in matrimonio casti non essent, neque mundum gestarent cor, quo solo uideatur Deus. Ex quo apparet, quam turpe, quamque periculosum sit sacerdoti, extra hoc matrimonij foedus uiuere. neque enim illi satis est alienam non tangere, cōtactūque ipso non inquinari: sed etiam opus est, ut is uacuum gestet cor omni uisa cogitataque libidine. quod & si omnibus sit præstandum, tamen sacerdoti in primis: qui quāto præstat cæteris, tanto curandum est illi magis, ne quæ sordes in uita, neue macule in animo ulle illi hæream: quas utique uxor eluat necesse est. Quare ut sacerdos in multitudine castè, integreque uersetur: quod is in Ecclesia rationem etiam habet cum molliori uenustiorique sexu, uxorem habeat is suam necesse est, ne diffuāt libidine,

libidine, ne ue dissolutus sit in turba: quam uxorem inquam, ne quo pacto sacerdos repudiet, ne ue sine hac libidinis ambustus incendio in Ecclesia cōpareret, audite quibus illi uerbis mandetur uxor.

Custodite ergo spiritum uestrum, & uxorem adolescentiæ tuæ noli despicere.

Ad uos o sacerdotes, hic sermo est. Nos monemur hoc isto oraculo, quibus Deus Ecclesiam commisit, ut demus operam, quo casta mens in nobis, libidinisque sit experta. Quod ne arduum putemus, en datur uxor, en in promptu est remedium. Accipiamus ergo id quod datur, & uel inuito Syricio rapiamus hanc istam uxorem, dum licet. neque hanc pubertatis adolescentiæque nostræ adiutricem quandā, & quasi ductorē amittamus, ut hæc ingenium nostrum infirmum & procliuē in libidinem, sustineat, ac in omni officio atque pietate retineat. Quod si uos iudices, & uos qui circumstatis sacerdotes, auctore Syricio uxores repudiaueritis, si irritum feceritis pactum hoc, denique si testificationē ipsius Dei de uxore spreueritis, spernet quoque uos Deus, respuet sacrificia, non respiciet holocausta, contemnet ac negliget omnia, quicquid illi datum per uos oblatumque fuerit: id quod oraculo Malachiæ uerissimo atque certissimo promittitur. Circumstant nos auctoritates, quæ nos obliuisci huius testificationis

nis nō sinant, quæ nos dies atq; noctes cōmoneāt, sanctissimos nobis patriarchas, sapientissimos reges, grauiissimos prophetas fuisse, qui ex matrimonio immortalitatem sunt adepti. Quare si horum imitatione atq; exemplo manserimus in conditione matrimonij, atq; pacto. si uxorem adolescentiæ nostræ retinuerimus, si spiritum habuerimus uacuum, solutūq; libidinibus, respiciet ad sacrificia nostra Deus, oblationes etiam nostras atq; preces placatus de manu nostra accipiet. Ad hoc nos inuitant omnes ueteres literæ, tum etiam hæ nouæ atq; recētes, quibus omnis illa uetustas illustratur, ut amota dubitatione statuamus, sacerdotibus uxorem dari. hocq; ipsum expedire sacerdoti, ex Epistola diuini Pauli intelligetis, quam lege.

#### EX EPISTOLA PAULI.

Fidelis sermo: si quis Episcopatum desiderat, bonum opus desiderat. Oportet enim ipsum irreprehensibilem esse, unius uxoris uirum, sobrium, ornatum, prudentem, pudicum, hospitalem, doctorem: non uinolentum, non percussorem, sed modestum: non litigiosum, non cupidum, sed suæ domui bene præpositum, filios habentē subditos, cum omni castitate.

Iam

Iam te non Moses, non Salomon, non prophetæ urgent, non etiam lex antiqua, neq; uetus, sed ipse Christus Iesus. Nam & hoc dicere soles, illis antiquis patribus id licuisse, nobis non item. Quasi uerò nos diuersam carnem, non eandem naturā gestemus nūc, quam quæ in illis olim fuit: & quā ab illis accepimus. imò uerò tanto peiorem etiā Syrici, atque corruptiorem carnem, naturamq; gerimus nos, quanto ab illis distamus magis. Neq; ego in co pluribus argumentor: perspicuum enim est, quoniam consequens ætas antecedente semper fiat deterior. Sed tamen illud quero, cur cum eundem Deum nūc esse fatearis, qui fuit olim: cur tibi quoq; non uideatur eius leges eandem uim nunc habere, quam habuerunt olim, cū idem homo par natura, eadem caro penes nos nunc sit, quæ in patribus fuit olim, cui hæc præcepta, institutaq; dantur? Intelligo quid tibi necesse sit dicere: nempe adumbrata illa fuisse omnia, & quasi signa rerum præsentium. Est uerò ita Syrici, sunt pleraq; modi istius, fateor: sed omnia tamen esse pernego. Virgam, agnum, mannam, & quæ sunt eiusmodi, signa fuisse fateor: sed hoc de matrimonio totum lex est, planum est, res ipsa est. & sicut masculus ac scemina eadem nunc sunt, quæ fuerunt olim: ita quoq; leges illis datæ eadem sine necesse est. Sed quid ego, quantum hæc lex ualeat, apud uos dico? dubiam rem scilicet pluribus uer-

d

bit



bis explico? Est ne quisquam omnium, qui de hoc aliter existimet? Quod si qui esset ita amens atque cæcus, summa tamen Pauli, imò uerò Christi autoritas, dubitatione omni hunc liberare posset. Etenim si is qui Episcopatum desiderat, magnum atq; præclarum opus desiderat, ut nunc legi audistis: certè hæ conditione is, quibus Episcopatum habet traditum, planè sint illi atq; solida oportet, ut is sit irreprehensibilis. Quod quoniã præstare non sit facile, datur illi adiumentum ante omnia uxor, cum qua sobriè, ornatè, pudicè, ac hospitaliter in Episcopatu uiuat: sine qua hoc quod illi est propositum, assequi nequit. Domus quoq; ipsius quomodo stabilis absq; uxore? Cum uerò additur de filiis, ut hos is subditos habeat, non uobis apertè Paulus illam legè ueterem, quæ de matrimonio est, hycè suis præceptis inseruisse uidetur: ut quicquid in his sit, totum tralaticium sit. Sed huic loco uidete quam calumniæ ex sinu suo apponat Syricius: Grauius sanè, et seuerè, Episcopus (inquit) unius uxoris sit uir. Id autem est, unius parrochia. O suauem hominem, o præclarum legis diuinæ interpretem. En habes, ad quem liberos instituendos mittas, et cui Ecclesiam Dei tradas. Quid ais bone uir? Vxor tibi parrochia hoc loco dici uidetur: Quid quaeso uxori cum parrochia? Non umbræ, non figuræ uobis hæc uidentur, Indices? ut iam non ipsius Moysis, sed cuiusdam

cuiusdam Sphingis sint enigmata. Ita ne ex alienissimis nominibus paratus uenis? ita etiam tu nos hic ludificabere, ut uerba fingas, rem eueras tuo arbitratu? Non te pudet Syrici; in horum conspectum ita prodire, ut et illorum iudicio, et nostro tempore abutare? Et si fingere lubet, cur non eadem ratione Episcopatum appellas uxorem, qua appellasti parrochia? Absurda hæc sunt, inquires. Quid absurdiora ne illis, quæ tu mutas, uxorem parrochiam, filios uerò parrochos appellas? præsertim cum audias, Episcopum hic à Paulo institui uerbis uernaculis atq; notis: ut quemadmodum per sobrium, ornatum, ac pudicum, nil intelligis præter id quod dicitur: ita quoq; per uxorem nil aliud intelligas necesse est, quam id ex quo nascuntur liberi ac filij episcopo procreati, quos hoc loco Paulus subditos iubet esse episcopo patri in omni castitate. Et ut cognoscas, quam in clarissima luce erres, audi id quod in eadem Epistola additur:

Si quis autem domui suæ bene præesse nescit, quomodo Ecclesiæ Dei diligentiam habebit?

Hic argumentari Christum audis ore Pauli, ut si quis domui suæ bene præesse nesciat, cum Ecclesiæ Dei bene nunquā præfuturū. Ad domū ergo superiora omnia pertinent, in qua continentur uxor ac libe-

ri, & in qua domo uult Paulus Episcopum uirum honoratum, ac honestum patrem familiās uersari: ut ex hac ipsius priuata ratione, sit facilis coniectura, quā sit is ad Episcopatū aptus. Quæ ita clara sunt, Iudices, ut si quis in his hæsitet, illum aut palam insanire, aut in lucc errare sit certum. Quid uerò illud, quod ab eodē Paulo additur de Diaconis, parum ne nobis inde liquere censes, quid hoc in loco sit uxor? Dic quaeso cætera. Pudet meherculē Iudices, tā multis uobiscum agere: sed tamen hic cogit. Lege.

#### EPISTOLA.

Diaconi sint unius uxoris uiri, qui filijs suis bene præsent, & suis domibus.

Quid domum hoc in loco Syrici, quid uxorem, quid filios dici putas? Insto, peto, urgeo, Syricius ut mihi respondeat, ut aliquid fingat, deniq; ut in tanta rerum luce uel hiscere audeat. Versat se, patronos suos respectat: sed illi ne gry quidem, ut uidetis. Quod si hæc non mouentur suo loco, Iudices, neq; illa moueantur necesse est, quæ paulo antè de Episcopi uxore, ac de ipsius liberis sunt dicta. Quæ ita clara atq; exposita sunt, ut non dici, sed cerni: non uideri, sed tangi uideantur. ut nil ita conueniat cum illa lege ueteri, qua ab initio matrimonium est constitutū, quā hoc, quod dictum est à Paulo de Episcopi ac Diaconi uxore: ut hæc omnia illius legis ueteris explicande atq; illustrande causa allata esse uideantur. Quæ

sanè

sanè lege uixerunt ueteres illi sacerdotes, sancti in primis atque præclari uiri: sic etiam uixerunt nostri tam Episcopi quā presbyteri post Christum passum, usq; ad Syricij pontificatum. Græci uerò, Antiocheni, atq; Alexandrini, hoc ius matrimonij sacerdotalis adhuc ita retinent, ut Romam adulteram, tanquam stercus in uia contemnant. Quamobrem causa iam nulla est, Iudices, qua Syricius legem suam stare uelit, quam contra omnes leges tam ueteres quā nouas tulit. Quod si ille quid contrā afferat, impudentiam illius mirabimur, qui intelligentiam existimationemq; omnium nostrum contemnat. Sed tamen si is, id quod instituit, deprecandi criminis causa dixerit, se non omnibus, sed solis sacerdotibus matrimonio interdixisse, hoc illi tū ita respōdete: Nos, Syrici, sacerdotes homines esse scimus, homines etiam ipsi sumus, humani à nobis nil alienum putamus esse, iccirco neq; sacerdotiū ipsum quicquam mutare de humanitate naturaq; nostra potuit. non secus quā homo in magistratu nil amittit de homine, hoc ipso quòd Rex Consulue sit: sic nec nobis quicquam de humanitate nostra decessit, propterea quòd in sacerdotio sumus. Præterea Syrici (hoc etiam illi dicite) illud sat memineris, ut non Consuli, neq; Regi, sic nec sacerdoti, uerum homini uxorem à Deo dari: ut illa officiorum sint ac munerum nomina, hæc uerò uxor propria

d 3 sit



fit uiri. Quare tuam legem nos diutius ferre nolumus, qua tu apud omnes gentes ordinis nominisq; nostri famam læsisti. Quando uero is multa cōqueri, multa miserari, castitatem etiam iactare cœperit, dicite illi, uos putare matrimonium esse castitatem: deinde, cum legibus planè agendum esse. ad extremum, ut cōpendium dicendi fiat, leges illi proponite. Hic lex Dei, hic tua Syrici. Quid multis? Si tua lex hæc cum lege Dei conueniet, absoluere: sin minus, damnabere. Hac ratione conuictus, ne ipse quidem se legem contra omneis leges scripsisse, negare audebit. Seueritate etiam uestri iudicij nō abutetur, ad suum excusandū, ornādumq; scelus. ut ita omni sua causa cadat, uobisq; eas pœnas det, quas meruit, & quas leges ipsæ iubēt. Sed hoc loco illud dicturum esse illum audio, quod multi solent, qui iniqua scribunt: Legem hanc, tametsi etiam contra leges uideretur esse lata, tolerabilē tamē illam esse, ap primeq; utilem. Quæ defensio, Iudices, quamuis sit misera, atq; improba (neq; enim id tolerabile uobis, iuratis præsertim iudicibus, debet uideri, quod pugnat cum recto, atq; iusto) datur tamen huic defensionī nonnulla uenia tum, cum ius ipsum læsum utilitate compensatur, qua omneis ducimur. Verū in hac Syricij lege nil est quod aut tolerabile uobis, aut cuiquā uideri possit: ita hanc ille legem omnibus legibus aduersam tulit, ut quamuis omnium sit iniu-

iniustissima, tamen si comparatur, perniciosior multo, atque intolerabilior, quā iniquior, uidebitur esse. Quam rem ut ita se habere cognoscatis, illud à uobis queram: Si legem eiusmodi Syricius ferret, ne quis sacerdotum quid edat, ne uel quis nostrū crescat, ne uel dormiat, quero inquam, ferendam ne uobis talem legem putaretis? an uero cum uestigio ipso de medio tollendam? Intelligo quid necesse sit uobis dicere. Quid si uos id, quia cum rerum natura pugnaret, nullo edicto pro scribi, nulla etiam ratione à nobis ferri putaretis: quo tandem animo hanc legem ferretis, qua is nobis mulierem eripuit, quam natura dabat, lex nulla negabat, quæ in eadem pagina (ut scitis) perscripta est, in qua & esus, & crementum, & somnus ipse nobis est concessus? Imò uero clarius etiam, sanctiusq; hoc de uxore est decretum. Neque enim in his legibus, quæ de uictu hominis sunt, dictum est, Malum est homini non edere, aut non dormire, aut non crescere. At cum ad uxorem est uentum, palam est dictum, Malum est hominem solum esse: ut inde constet, naturalius esse homini uxorem appetere, quā aut edere, aut dormire, aut etiam crescere. Nam cibus atque uictus non solum eo est, ut uiuas: sed etiam, ut gignas, aliquidq; ex te afferas. ita omnia nutrimenta atque crementa huius nostræ mortalis uitæ, ad

procreādum referuntur à natura: quæ cum mutari nulla ratione possint, neq; hoc de uxore, quod magis secundum naturam est, quàm sunt illa, unquam mutabitur. Summi certè homineis, ac totius Græciæ sapientissimi uiri, cum uim, naturamq; rerum perspectam cognitamq; haberent, nil tam insitum, tam impressum in nobis uiderunt esse, quàm est hic appetitus maris ac foeminæ ad procreandum mutuus: qui ita in rebus hæret, ut quæ res illo careat, uideatur esse manca, suæq; expers naturæ, quod nil ex se edat sui. Vnde liquet, hanc uim, qua mulier uirum amplectitur, ita insertam esse, atq; defixam in hominis natura, ut qui hanc è nobis conetur euellere, is hominem ex homine uideatur prorsus euellere. quod cum fieri nequeat, non nos hunc hominẽ furere ac insanire, & cum ipsa rerum natura bellũ gerere fatebimur, qui hanc rem tanta necessitudine constrictam, atq; in nobis inclusam, eradicare conetur? Neq; uerò autoritas summorum uirorum tantum, neq; ipsius naturæ sola uox nos docent, quàm sit hoc amentis, ei rei manus adferre, quam uiscerũ nostrorum custodia contra omnem uim contextit. Sed etiam ipse Christus Dominus, istius conditor atq; creator naturæ, nos ore Pauli monet, ut sciamus tantam esse huiusce rei uim, ut illa nulla ope humana coerceri in nobis possit, ne extra præscriptũ feratur, nisi uxore. Nunc uos Christum Dominum audite,

audite, quas leges is ore Pauli huic nostræ libidini præscribat: quàm æquas, quàm tolerabiles, quàmq; aptas ad id quod uolentum in nobis uehementisq; esse uidetur. Recita.

## EPISTOLA.

Propter fornicationem unusquisq; suam uxorem habeat, & unaqueq; suum uirum habeat. Vxori uir debitum reddat, similiter autem & uxor uiro. Mulier sui corporis potestatem nõ habet, sed uir: similiter autẽ & uir sui corporis potestatem non habet, sed mulier.

Videtis Iudices, quanta uis hæc sit in nobis, cui remedium ab ipso Deo queritur, quæ nisi colligatur cum certa coniuge, eã diffuere sit necesse. An i maduertitis æquitatem huius edicti, cum nostræ carni infirmæ, ac procliuæ in libidinem, pro medicina uxor detur, cum qua nobis hic procreandi appetitus sit castus, atq; legitimus: quam dum nobis Syricus eripit, non nos scortationi foedæ atq; turpi exponit, eas nobis leges præscribēs, quas nos nullo modo ferre possumus? Nā cum uxorem ab homine sua lege conetur abducere, non is uobis in fornicationem utrumq; impellere, non apertè uirum ex mulieris potestate eximere, ac solum omnibus tentationibus Satanae exponere uidetur? cum ea iubeat, quæ ipsa



non fert natura: ea uetet, quæ illa radicitus est amplexa: cui naturæ ita iubemur obedire, ut cum orationi interdum nos dederimus, meminerimus tamē uxoris, ne uidelicet ipsius pietatis prætextu, ipse Sathanas nos tentet, nosq; in eam fraudem impellat: quod ille utiq; in hac Syricij lege tentat, ut absque uxore gratiore Deo uitam putemus esse, quam sit ea quæ est obnoxia uxori ac liberis: ut hisce blanditijs nos alliciat ad sese, nobisq; ad omnem turpitudinem abutatur. Hoc itaq; prouidens ipse Deus, nos monet, ut has tantas insidias Satanae diligenter, ducta uxore, uitemus: quibus falso crediti cœlibes capi solent. Quod si nos hisce præceptis atq; monitis non obediuerimus, & si æquo animo nobis tales leges imponi siuerimus, per ludum atq; iocum in illa nos Satan deducet flagitia, quæ matrimonij contemptoribus minatur Paulus, istis uerbis ad Romanos scribens: cuius tu mihi cape Epistolam, ac recita.

#### EPISTOLA.

Propterea tradidit illos Deus in passionem ignominia. nam foemina eorū immutauerunt naturalem usum, in eū usum qui est cōtra naturam. Similiter autē etiā masculi, relicto naturali usu foeminae, exarserunt in desiderijs suis in inuicem, masculi in masculos turpitudinem

tudinem operātes, & mercedē quam oportuit erroris sui in semetipsis recipientes.

Hæc pœna, Iudices, consequitur fornicariam mentem, his furijs agitur istorū cœlibū uita, dum ementito ipsius continentia nomine Syricius eas nobis leges imponit, quæ ferri non pōssunt: & quæ pugnant cū ea natura, quæ penitus in nobis inest: quæ cum à nobis extirpari nequeat, uidete cuiusmodi curricula habeat, quæ etiam læsa pœnas exposcat: non quasuis sanè, sed eas certè, quæ nisi à Paulo commemorarentur, à me honestè nominari nō possent: ut hoc uos statuatis, nullas neq; grauiores, neq; iustiores pœnas in legis huius nepharia latorem edi posse, quàm sunt hæc, quæ à Paulo eduntur. Si enim tu pœnis atq; interditijs contra ius naturæ uirum à muliere segreges, quid est quod tibi pro hoc debeatur scelere, quàm ut apud te in locū uxoris, adultera: & pro muliere spreta, masculus succedat turpis, atq; nepharius: ut hanc tu mercedē erroris tui in te ipse feras, ut hac horribili libidine ardeas, ut liber nunquam quiescas, ut auersus & aduersus impudicus fias? Intelligo, Iudices, quàm sint hæc turpia dictu, minimeq; digna quæ in uestro iudicio, & in tanto hominum conuentu dicatur: quæ tamen Paulus ipse apud populum Romanum tam apertè ac palam nunquam dixisset, si ea ad odium atq; infami-

am eorum, qui harum foedissimarum cupiditatum sunt serui, a nobis quoque commemorari noluisse: quæ tamen à me timide ac uerecunde dicuntur, ut hoc uos intelligatis, Syricium eas res in ordinem nostrum sua lege inuexisse, quarum non natura tantum ipsa, sed ipsum nomen etiam dictu, cogitatuque sit turpe. Ita ille uerbis honestis atque pudicis quantam turpitudinem atque infamiam in ordinem nostrum introduxerit, uidetis: ut facile constet, hoc illum sua lege spectasse, ut omnis ex Ecclesia exterminaretur, abolereturque uita honesta atque pudica, et ut pro hac induceretur ea quæ pugnat cum nostra natura. Quid enim queso Syrici, aliud sibi tua lex uult, aut quomodo contra hominis naturam lata non uidebitur, cum tantorum flagitiorum, quæ in oculis hominum atque in conspectu uersantur, causa nobis extiterit? Si enim de rebus cognatis atque consimilibus legem talē ferres, ut prius etiam dixi, et nunc repetere libet, quoniā ab his ita audior, ut tuum postulat scelus, et horum iniuria. Si inquam talem legem ferres, ne quis sacerdotum edat, neque quis contra edictum tuum dormiat: quid aliud tali lege nobis prescriberes, quā ut ne quis sacerdotum spirare, neue quis omnino uiuere audeat? Nonne huic, quod edicit de uxoribus, simile est? Vos appello Iudices, à uobis quero: non hoc uobis idem esse uidetur, quod is de uxoribus nostris tulit, dum edicit, ne quis sacerdotum

dotum uxorem habeat, neue si habuerit cubile illius inuadat: ac si aperte dicat, ut quilibet sacerdotum scortum habeat, alienum cubile inuadat? paria enim hæc sunt, eiusdemque naturæ administræ atque comites, hæc istæ edendi, crescendi, procreandi que facultates, ita ut, sicut illis duabus prioribus sublati, uita ipsam tolli oportet: sic quoque uxore sublata, uita ipsa pudica tollatur necesse est. Ita ille id quod ego intio dixi, et quod uos meminisse debetis, legem tulit, in qua nobis aliud ostendebat, aliud uero comparabat. Nam cum uxore detracta, ordini nostro castitatem se uelle inducere ostenderet, ne ulla omnino castitas in ordine nostro esset, curauit. Ita nos ille factis, et ad tempus e mentitis uerbis decepit, quibus nos omni honesta atque tranquilla uita euertit: quod idem est, ac si nos aperte scortari iuberet. Nā per deos immortales, quid interest utrum Syricius imperet, atque cogat aliquem nostrum, de coniugio decedere, uxoremque abijcere: an huiusmodi edictum det, quo edicto nobis in hæc flagitia quæ uidetis, prolabi sit necesse? Quæ res quoniā calamitosa nobis, ridicula Syricio, miseranda omnibus uidetur, soli ne uos ex omnibus reperiemini, qui hanc legem tolerandam putetis, tot ac tantis refertam dolis, incommodis, atque probris? Ne hoc sinat Deus Opt. Max. in cuius cura sumus, ut hæc tanta improbitas huius legis in hoc uestro iudicio comprobata esse uideatur,



deatur. Nō est hoc uestrum Iudices, non hic sermō de uobis, non ea etiā est hominū existimatio, ut aliqua ex parte cū Syricio, opinione omnī iam damnato, cōiungi ulla societate uideamini. Nā qua die in hunc reū cōsedistis Iudices, arreptos esse animos hominū uidetis, cōcursumq; tāta multitudinis, qualis in alio publico iudicio nō fuit. Omneis uos intuetur, qua dignitate uiri, quo splēdore homines in hoc cōtū, atq; in hoc publico orbis terrarū Cōcilio cōse distis: nil aliud à uobis (mihi credite Iudices) omnes hoc tēpore expectant, quā ut Syricij legibus sublatis, quæ nobis non solū intolerabiles sunt, sed etiā perniciosæ, priscas illas leges de matrimonio nobis restituatis, quas aptas cōueniētesq; esse hominis naturæ, tot malis atq; periculis edocti perspicitis.

Sed hoc loco erigit se: restare sibi adhuc putat, quo hoc cōmentum suū tueatur: nepe illud quo uulgō istius patroni atq; aduocati uti solēt, precandum uidelicet esse à Deo, ut hi cōtinentes sint, qui esse ne queūt. Deinde, ne sine autore mentiri uideatur, Paulum quoq; scripsisse perhibet, Bonū esse mulierē nō tāgere. Hæc sunt Iudices, et alia modi istius inania ipsius cōtinentiæ nomina, quibus isti continentia ipsam ex Ecclesia eiecerūt. Quibus ego quid respondeā ignoro. Quid enim huic homini facias, aut quā responsionē dignam libidini eius inuenias? cui præscriptū cū esset, quēadmodū inter homines ius natu-  
re cō-

ræ cōseruaret, & cū legū diuinarū autoritas, ac ipsius Ecclesiæ ueteris summa dignitas intercederet, ne quid ex hac ista cognatione maris ac scemine, in ullo genere, neq; ordine, deniq; in ulla etate à quoquā mutaretur: ille tamē ausus est pro nihilo tot res sanctissimas ducere, cui nulla lex fuit, nulla religio, nullū exemplū quod sequi uellet. Et cū omnī sermone existimationeq; cōtempnisset, uerbis tamē honestis, quibus nulla honesta subest res, usq; eò legi suæ patrocinatur, usq; eò iudiciū autoritatemq; uestrā contēnit, ut Paulū ipsum autorem legis suæ uobis uelit uideri. quo quid indignius dici, aut fingi potest? In qua tamē re cū multa cōminiscitur, huc ad extremū euadit, ut nō dissimulet legē se tulisse intolerabile quidē hominis naturæ: tolerabile tamē illā fieri, si id nos impetremus à Deo. Scriptū enim, inquit, est, Nō posū esse cōtinens nisi Deus dederit. O inops cōsiliij ratio, qua te ualere putas: quæ cū naturā ipsam funditus extinguat, uides tamē quā te inuito fateatur se id nō posse, quod tu cupis. Legē intolerabile te ferre dicis, cōtinetes homines esse non arbitraris, nisi hoc Deus illis dederit. quod nō idē est, ac si aperte ita diceret? Ego quidē legē uobis tuli, quā uos ferre nō potestis: sed tamē ut illā feratis, Deum oretis. Quæ technæ quæso Iudices, quæ cōmenta sunt ista? nō uobis Dauus, aut Syrus quispiam in Comædia ludere, & non pontifex in Ecclesia edicere uidetur?  
Quid

Quid ais bone uir? tu mihi rem intolerabilem pœna capitis præscribes. & eam modis omnibus ualere apud me putabis oportere, quam tu ipse non esse in potestate mea fatebere? & quam me cōsequi posse ipse non putes, nisi Deus dederit? Quid si ille non dederit? ego edicto tuo afflictus, prostratusq; pereor? An non hoc edictum simile huic est? attendite quæso iudices: Si me Syricius in aliqua nauī in altum duceret, ac in eum locum ē nauī exturbaret, in quo esset summa ipsius maris tempestatisq; uis, illud mihi uitam deprecanti pollicens, me quidem tranare æquor non posse: sed tamē ut tranare possem, Deum orādum esse: Arionem nescio quem citharœdum Corinthium, Ionam etiam illum Hebræum mihi proponens, qui aliquādo ex simili naufragio euaferunt, ut horum exemplo me tranare considerem. Hæc ista tu fiducia præcipitabis me in altum Syrici? Hisce tu exemplis, tantis periculis me obijcies, quæ superari à me non posse, ipse fatebere, nisi Deus dederit? hoc est, nisi delphinum credo aliquem, aut cetum miserit, qui me seruent, ac in portum reducant? Quid si neq; cetum is, neq; delphinū miserit, quid me fiet, aut quam spem mihi das in tā præsentī periculo? Mittet, inquires. Iā hoc diuinare est, mittet, nec ne. Quid si non miserit? nam & hoc esse poterit. Peribis, inquires. Itā ne tu nos irridebis? Itāne tibi idonei uidemur, quib. sic illudas dolis? ut cū  
nos

nos in tanta pericula cōijcias, & sine remo (quod dicitur) in mare mittas, nibili facias nos perituros. Quid si doceo, Deum omnino hoc quod tu fingis, mihi non daturum? parum ne constabit, nos abs te circūueniri? Quid enim Deo responderes, (iam enim tecum loquar, ac si non in iudicio, sed domi ociosus tecum essem) quid inquam Deo responderes, si tibi ita Deus diceret: Ego Syrici non eam uim homini dedi, qua is tranare æquor possit: naues etiam illum fabricare docui, quibus nauiget. Quare si quis se ē nauī te autore præcipitauerit, ego illi non adero: neq; delphinos illi, neque cetos mittā, quod is stultē cōtra leges meas insoleseat, adiūmēta etiā mea abijciat, quæ ego illi ad tuendā uitā dedi: quod utiq; neq; Arion ille Corinthius, neq; hic Ionas Hebræus fecit: qui cum proditione ē nauī exturbati fuissent, ope mea sunt seruati: ut tu hoc sis sciens, me adesse ijs qui mea lege uiuunt, neq; extra præscriptum illius quicquā moliantur: & qui me non tentant, num hoc & illud uelim aut nolim facere. Hoc tibi (credo) Syrici Deus de naufragio responderet, quod nunc quoq; de matrimonio respondet: nimirum se hominibus non dedisse eas uires, quibus fornicationis superare possint tantum pelagus. Deinde, tanquā nauim periclitantibus, sic uxorem diccret se dedisse incontinentibus, ut hoc sint in naufragio huius uitæ tuti. Quam si quis sper  
nat,



nat, aut abijciat, idē ei eueniet. quod solet illi qui na-  
ui relicta mare tranat, tentans Deum, uelit nec ne  
uelit opem illi ferre. Et certē ita res est, Iudices.  
In omni suscepto negotio Deus nos iuuat, nunquā  
deserit, semper praesto nobis adest in rebus utique  
his, quae rectē atq; ordinē, & ex illius praescripto à  
nobis geruntur. Quod si tu quid praeter id quod il-  
le uelit, aut aliter quā uelit, concēre, nil est quod  
ab illo opem speres. Hoc enim agit & Satan ille,  
qui cū in uertice templi Christum Dominum statu-  
isset, suadebat illi, ut sese deorsum dimitteret. quod  
tamen Christus Dominus facere noluit, & illo no-  
to uobis interdicto Satanam refellit: Non tentabis  
Dominum Deum tuum. Erat enim ibi gradus, qui-  
bus descendi posset: ut causa non esset, cur se illi pe-  
riculo daret. Idem de uxore sentiamus: qua re-  
mota, si quis nos ad continentiam uocet, illud sem-  
per habeamus in promptu, Non tentabis Dominū  
Deum tuum. Ideo enim data est nobis uxor, ut hoc  
adiumento continenter uiuamus: quam si retinue-  
rimus in matrimonio, nunquam defuturus nobis est  
Deus: praesertim cum sciamus esse genus hominū,  
quos Deus non uult extra matrimonium uiuere, imō  
uerō non uult illos cōtinenter uiuere. Id quod uos  
ex ipsius Christi Domini testimonio cognoscetis.

#### TESTIMONIUM CHRISTI.

Nō omneis capiūt uerbū istud, sed qui  
bus

bus datū est. Qui potest capere, capiat.

Iam ego non Arione, neq; Iona legem Syriacj in-  
tolerabilem esse ostendo: sed ipso Christo Domino,  
qui cum non solum sit conditor nostrae naturae, sed  
etiam ipsorum munerum largitor, audistis Iudices,  
quid is dicat: Non omneis, inquit, capiunt hoc uer-  
bum, hoc est, non omnibus ego do, ut capaces sint  
huius mei de continentia uerbi: sed hi tantum ca-  
piunt, quibus à me datur ut capiant. Quod si om-  
neis caperēt, omneis proculdubio cōtinerent. At cū  
nō omneis cōtineant, dubio procul nō omnes capi-  
unt. Cur autē non capiūt? quia illis non datur. Cur  
uerō non datur? Ego nescio: Syriacū querite Iudi-  
ces, quandoquidē is nuper cælo lapsus sciat, quid  
in aurē Christus uirgini matri dixit heri. Nos qui  
humili strati sumus, & qui ab hoc scripto, quod reci-  
tari modò audistis, non recedimus, nō plus scimus,  
quā id quod hoc isto continetur scripto uerissimo  
atq; certissimo: quosdā uidelicet continere posse,  
quosdā nō posse. Quare autē istis datū est ut hoc  
possint, alijs nō est datū? Eōdem redit oratio, Ego  
nescio. Tu Syriaci inquā prodi, nos doce, quādoqui-  
dem tu solus hic regnas, solus edicta Dei rescindis,  
solus ex incontinentibus continentes facis. Vos ue-  
rō qui huic causae sedetis Iudices, hunc quidem in-  
eptire patiamini, si lubet. Nobis autem, quorū ca-  
put, existimatioq; agitur, illud de sententia Christi

Domini

Domini decernatis, ut qui nostrum possit hoc continentia uerbum capere, capiat: & cum hoc poterit, dabitur ei, ut contineat: promissum enim est. Qui uero solus ipse per se continere nequit, uxorem ducat, cum qua contineat: neque spes hunc fallat. intra sortem enim suam degens, id sperat, quod illum sperare fors iubet. Ad hanc rem nos hortatur Paulus ille uir sanctissimus, idemque continentissimus, qui cum illud munus sciret suum esse, ut absque uxore uiueret, rem quidem apprimè commodam illam esse duxit, sed sibi tamen soli cum paucis, non autem per aquam cum omnibus. Et cum is aperte doceret, non omnia data esse omnibus, hoc preceptum in Epistola interposuit, quod recitari audictis.

EX EPISTOLA PAULI.

Volo autem omnes uos homines esse, sicut me ipsum. Sed unusquisque proprium donum habet ex Deo, alius quidem sic, alius uero sic. Dico autem non nuptis, & uiduis, bonum est illis si sic permanferint, sicut & ego. quod si non se continent, nubant. Melius enim est nubere, quam uri.

O uirum Ecclesia dignum. Videte qua equitate, qua etiam moderatione hoc ille nobis precipiat: quem utinam imitatus fuisset Syrici, nunquam tam perniciosus legibus uitam nostram iugulasset. Om-

nes

nes homines sui similes cupit Paulus esse. quid itaque quia uacare curis bonum est, cum ceteris, tum uel in primis his, qui procuracione Ecclesiae susceperrunt: quibus utique uacui in matrimonio esse non possumus. Nam uxorem habere, liberos procreare, alere familiam, & quae huc spectant cetera sustentare, non fit absque cura ac solitudine. Itaque si bonum est absque curis esse, bonum est quoque uxorem non tangere, quae non uacat curis, neque solitudine: sacerdoti praesertim, cui Ecclesia mandatur. At tu qui continere nequis, quid facis? quomodo progrediare, etiam atque etiam considera: ne si uxorem ob curas fugas, in alia grauiora longè incidas incommoda: ut cum Paulum imitari uelis, hoc est incontinens continenter, illud uideas, ne prius intreas, quam ullam partem muneris ipsius assequare. Denique illius Icarici (ut in fabulis est) exitum uereare: qui alienis pennis uolans, nomen prius ponto merisus dedit, quam illud transmisit. Idcirco tu, qui aliena continentia fidis, time, ne tua te incontinentia quasi uentus quidam, quando non speras, abripiat. & in hanc Syrtim atque Charybdim horribilem libidinis atque incontinentiae torqueat, ut pro incontinente scortator, pro scortatore adulter, pro adultero uero reddaris uir inter foeminas, & inter uiros foemina. At bonum est, inquis, absque uxore, hoc est, sine curis uiuere, Bonum sane, sed non tibi. Paulo id bonum erat, & quibus hoc cum illo comune fuit.

c 3



fuit. Itaq; ut Paulo bonum erat carere illis omnibus molcstijs, quæ secum fert uxor: sic etiam tibi, cui diuersum munus Deus dedit, bonum est, hoc isto adiuuamento uxoris effugere illa omnia flagitia, quæ tibi soli imminet, ut sunt scortationes, adulteria, incestus, Sodomæ itē atq; Gomorræ cōcubitus. Quæ multo grauiora, perniciosioraq; sunt, quàm sunt illa quæ ex suo munere incōmoda ducit Paulus, uxore habere, liberos educare, sustētare familiā: quæ nō incōmoda, sed bona potius quæ dā cōsentur esse à sapientibus. Hæc uerò quæ cōsequuntur eū, qui absq; uxore cōtinere nequit, non mala tantum, neq; incōmoda, sed scelera atq; flagitia nefanda sunt putanda. Quibus ne ardeamus, necue illis inflāmemur, matrimonii nobis uir sanctissimus, atq; idē cōtinentissimus Paulus suadet, dū quidē satius esse ducit, eū qui cōtinere nequit, nubere, uxore habere, filios procreare, patrē familiās esse, & illa omnia perferre ac pati, quæ honestā rei familiaris curā sequuntur: quàm ardere libidine, & illis furijs agitari, quæ incōtinentis animū agūt in præceps. At orandus, inquit, est Deus, ut hanc tantā libidinē in nobis frenet, atq; sedet. Si illū orāuimus nos, qui continere nequimus, frustra illū appellabimus. Iudices: nunquā exaudiet, nunquā faciet. Quid ita? quia dedit suū cuiq; munus, quod tueri omni ratione à nobis uult: neq; cōmittere, ut nostra neglecto, de alterius quicquā

quicquā appetamus munere. Itaq; ut illū quē cōtinentem Deus fecit, nunquā uxoriū faciet: sic neq; uxoriū efficiet, nisi cū altero continētē. Vterq; enim horum suo non contentus, alterius abutitur munere: quæ res nunquā cedit bene. Et uerò ita res est lu dices, Deus preces nostras tum exaudit, cum id nos ab illo petimus, quod ille à se peti uult: ut id summū beneficium illius putemus, quicquid ab illo uolente atq; lubētē in nos fuerit profectū. Quod si nos abijciamus id quod nobis ille ultro dat, & id ab eo cōtēdamus quod nō dat, neq; daturū se ostēdit, ut paulo antē audiuitis: quid restat aliud, nisi ut neq; nostrū integrē retineamus, neq; alienum unquā assequamur? Paulus quidē ille, cuius hæc ista sunt diuina præcepta, cū à Satana caderetur, petebat à Deo ut eo liberaretur: & tamē exauditus nō est, uir talis, at tantus. nec aliā ob causam opinor, nisi quòd munus eius nō erat illo Satana, quicquā: tādē ille fuit, carere. At si Paulus orasset, quod illū utiq; fecisse puto, ne illi Satana cōcederet, exauditu fuisse tum absq; dubio illū mihi persuadeo. Intra munus enim suū manens, ut illud cumulatē administraret, petebat: et ideo impetrauit dubio procul, quod uolebat. Idē nobis sperandū est Iudices, si Pauli eius exēplo utemur: quo neq; utilius quicquā, neq; ad imitandū uberius inueniemus, ut recognoscamus ante omnia diligenter ipsi nos, itaq; uideamus ad quā partem

natura nos uocet, ut illā sequamur, illam amplecti-  
mur, illam etiam omni ratione tueamur. Quod ut  
nobis bene ac feliciter eueniat, à Deo petemus: quo-  
is pro ratione muneris, quod largitus est nobis, be-  
nignus rebus nostris adsit: ut si is absq; uxore conti-  
nere nos uelit, ut uitam nostram omni uirginali de-  
core exornet. Si uerò nos ad matrimonium uocat,  
ut nobis bonam det uxorem, secundos liberos, sosti-  
tet familiam, id nos ab eo petemus. Hac nos sanè  
ratione sola sacerdotes continentes habebimus.

Quòd si uos Syricium secuti, omnibus ex æquo  
edicetis, ut si uxores habuerimus, ne in Ecclesia si-  
mus, ne locis cōmodisq; publicis utamur: quid ali-  
ud faciatis, quàm ut summam licentiam incontinen-  
tiæ nostræ detis? quam cū ferre nequeamus, multo  
probro ac multo dedecore hāc ipsam uobis cumu-  
lemus. Sed cum & Deus ipse, & natura nostra, &  
cōmunis infāmia uos hortetur, ut illa decreta anti-  
qua in Ecclesia ualere sinatis, Qui nō se continent,  
qui uruntur, qui astuant, ut nubāt: Syricij quidē le-  
gem uos abrogabitis: potestatem autem nobis facie-  
tis, uxores tutò ducere ut liceat. Quid enim Syri-  
ci, putasti tales uiros, ob calumnias tuas, diutius la-  
turos improbitatem legis tuæ? qui nobis sacerdote  
quasi ex syngrapha instituis, & qualis debeat is  
esse penè ex scripto edicis: nempe sacerdos homo  
ne sit, ne ossa, ne carnem habeat, ne appetat: deniq;  
ne

ne edat, ne bibat. Harum conditionum si quæ no-  
bis defuerint, & si humanitatem nostram, uim car-  
nis, ardorē mentis uxore temperauerimus, tu pro-  
tinus illud quasi ex tripode uociferabere: Qui in  
carne sunt, Deo placere non possunt: fāda atque  
nefāda clamabis, deū atq; hominum fidem implo-  
rabis, quòd contra edictum tuum homines nos esse  
meminerimus: & quòd in carne uiuentes, carnis in-  
cendium, uxoris carne restinguamus: Deoq; cum  
tali ratione, cū secus nō possumus, placere studea-  
mus. Continuiffes, inquires. At me continere nō  
posse dico, affirmo. & id maxima uoce, ut me om-  
neis exaudiant, clamo: abs teq; coram omnibus qui  
adsunt quero, quandoquidem ego tibi notior sum,  
quàm sim ipse mihi, possēne me continere putas, an  
uerò non possē? Si posse dices, facilē te tot stupris,  
adulterijs, atq; flagitijs refellam. in quæ tu me per-  
uim ac fraudē impulsisti, deiecisti, præcipitasti. Mi-  
serū me, Iudices: cōne mihi iā res redit, ut huius libi-  
dinē, quanta sit, demonstrare nequeam, nisi in ca-  
prius me ipsum confitear fuisse: nec uestras cogita-  
tiones extimescam, nec quid uobis audientibus de  
me occurrat, reformidem? Videte conditionē no-  
stram, Iudices: ac illud cogitate, qui horror, quæ  
uox ista sit, ut ne deplorare quidem de nostris incō-  
modis absq; infamiæ cōfessione nobis liceat. Quæ  
infāmia tamen satis declarat, quàm perniciofa lex  
huius



huius nobis fuerit, quæ nos uerbo ad cōtinentiā, re aut uera ad omnē libidinem hortatur: nunquam ea præscribit, quæ à me ferri non posse, tot mea docent incommoda. Quæ cū palam sint, quid restat aliud, quàm ut me cōtinere non posse fateare: id quod et ego cōfiteor, et isti concedunt. Si igitur ego nō cōtinco, neq; uerbū illud cōtinentiæ, quia nō datur, capio: cur mihi uxorem non das? cur prohibes? cur edictum interponis, ne ducam, ne habeam id, absq; quo continere me non posse uides? Quid hic respondebis Syrici, non solū mihi, qui hanc causam ago, sed his etiā qui circūstant, et qui exitū huius iudicij expectāt: qui cū idē sentiant, quod et nos, unum esse tot incōmodis nostris remedium, uxorem nempe ipsam: ab his orāt, ne quid tua lex apud hos ualcat, qua tu non existimationem tantum nostram euertisti, sed etiā domos atq; urbes nostras euerfas atq; extersas nobis reliquisti: quæ scortis atq; adulteris per te patēt, matrib, aut familiās tua lege sunt clausæ. Quid inquam his respōdebis, quos uxores flagitare nūc uides? Aut quid ob stare dices, quo minus illæ restituantur nobis? nū nolle hos restituere, aut nō posse, dices? Si nolle, mirabimur: si nō posse, causam queremus, quæ nā illos impediāt. Nū leges, à quibus hoc nō permissum solū, sed etiā iussum est? Num cōsuetudo, mosq; maiorū: à quibus hoc in Ecclesia usurpatū semper fuit. Nū uerō nos ipsi ad eā rē desumus nobis? qui à natura ad matrimoniū su-

mus facti: et ita facti, ut os, uultus, latera, atq; ipse totius corporis nostri status, nō aliud quàm uxore ipsam cupere, atq; spectare uideatur: quæ res tantū apud uos ualeat necesse est, ut si cetera nos deficiant, tamē istis adiuuētis naturæ Syricius à nobis possit refelli. Quid enim, Iudices, appetitus nostri? quid partes corporis ad procreandū datæ uolunt? Quæ frustra haberemus, si uti illis nullo pacto liceret. Est enim hæc, Iudices, naturæ summa lex, ut nil temerē fieri, nil etiā frustra nobis ab illa dari credamus. Eccecirco nulla corporis nostri pars est, quæ sui muneris sit expers, ne extremus ipse quidē unguiculus. Quod si ceteræ omnes partes corporis munere fungūtur, neq; ulla humana lege ab officio suo excludūtur, qua de causa tadē illa sola ociosa erūt, quæ natura ad procreandū nobis dedit? quæ res, quæ ratio, uim illā in mēbris illis inclusam extinguet: illisq; poena capitis interdicit, ne contactu peccēt? Nihil est, Iudices, quo quis hanc uim aliō deriuēt, q̄ cō quo ipsa natura fertur: nulla lege hæc mutari, nulla ratione auerti potest: in officio aut cōtinere nequit, nisi si uxore: cuius usu circūscripta, sit casta, atq; pudica: hac aut sublata, serpit in libidinē, elatāq; uoluptate facile in omnē turpitudinē delabitur. Quapropter cū uideatis, uxores et uos restituere nobis debere, et nos illas ferre posse, dubitabitis hac ista nō minus intolerabili, quàm perniciofa lege abrogata, illā ueterē aquā ac omnib. uilē nobis restituere?

Quam iste cū de medio remouisset, uidetis quibus nos affecerit contumelijs? Quis enim quæso nostrum est, qui magno cum periculo non sit expertus, quā hęc istius lex ad perferendum grauis, ad probandum difficilis, ad uiuendum uerò incommoda fuerit omnibus? At multi quidem & nostra, & patrum, maiorumq; memoria summi homines, & clarissimi uiri fuerunt, quorum cum tantæ cupiditates essent, ut absq; uxore nulla ratione ab ijs reprimi possent, facile improbitatem huius legis perpexerunt, & de abroganda cogitauerunt. Et quoniam hęc à me oratio habetur Ecclesiæ eius constituendæ causa: & uos ideo huius causæ sedetis Iudices, ut ordinis nostri existimationem amissam recuperetis: paucos è multis proferam oportet, qui cū in omni genere laudis summi atq; ornatissimi uiri fuissent, hoc tamen sibi deesse putabant, quod absque uxore nequibant continenter uiuere. Atq; ego hoc faciam Iudices, non quo cuiusquam magni atq; illustris uiri ullum erratū tanto in conuentu proferam: sed ut uos ex summorum uirorum imbecillitate, de nostra quoq; infirmitate statuatis, qui patres illis firmitate animi ac robore nō sumus. Quo in loco præteribo omnes superiores illos, qui primi hac lege Syricij sunt usi: quorum profusæ libidines à me uerè possent nominari, nisi hunc honorem antiquitati haberem, ut etiam uitia cum illa, si quæ tulit,

tulit. sepulta esse uellem. Istis recentibus, quantum ad rem satis erit, erimus contenti. Quorum primus Paulus Secundus, omnibus, quibus successerat, genere, ingenio, uirtute, ac rebus gestis par, cum eulogium illud Romæ in se scriptum legisset, Sanctum nō possum, patrem te dicere possum,

Cum uideo natam Paule Secunde tuam: illachrymassè dicitur, acerbitemq; Syriciæ legis cum amicis expostulasse, quod is qui non solum Ecclesiæ ipsius, sed etiam cōtinentiæ Antistes esse deberet, filiam in ore atq; in oculis ciuitatis cū summo probro uersari uideret: quæ etsi erat eximia pulchritudine, scortatione tamen ab se ortam dolebat existimari: cum legem Dei sciret esse, qua huic in matrimonio nasci licebat, nisi hic obstitisset. Itaq; consilium illum cœpisse de restituendo sacerdotum coniugio ferunt: quod ille tamē, morte præuentus, exequi non potuit. Quid Alexander Sextus (ut Sixtum præteream) parum ne is Valentino filio, homine nequam quidem illo, ut scitis, sed tamen filio, ostendit, se in matrimonio patrem fieri potuisse, si illi per hunc licuisset? cum enim Valentini pater matrimonij lege dici potuisset, parentis legitimi nomen istius lege amisit. Sed quid ego horum exemplis utor, quorum memoria cum uita penè iā abiit? Paulus Tertius, uir clarissimus atq; amplissimus, adest, de te sententiam laturus est: qui cum summa sapientia,



sapientia summaq; prudentia existimetur, illud tamen uerè de se dici putat, id quod literis posteritatis memoria scriptum reliquit diuus Paulus. Recita quas is ad Hebræos literas misit.

EX EPIST. PAULI CAP. IIII.

Non enim habemus pontificem, qui nō possit compati infirmitatibus nostris: tentatum autē per omnia, pro similitudine. Adeamus ergo cum fiducia ad thronum gratiæ eius, ut misericordiam consequamur, et gratiam inueniamus in auxilio opportuno.

Hæc tametsi de Christo Domino scripta sunt, Iudices, tamen de se quoq; hic Paulus Tertius commemorari uult, quē diuina quædam fors dedit huic quæstioni iudicem: ut si aliorum exemplis dubium nobis esset, quas notas, & quæ uestigia scelerū hic sua lege in hominum uita constituisset, hoc tamen recens atq; adeo uiuum exemplum clarissimi uiri, ad condemnationem huic ualere apud uos deberet. Cuius adolescentia summis rebus gestis ornata, cū quo niteretur non haberet, suo lapsu nos docuit, quantum mali istius lex haberet. Qui cum æstum illius ætatis non ferret: necessariò aliundè quæsiuit, quo illum restingeret. Cuius rei testem produxit hunc uirum bello clarum, ac populi Romani imperatorem, Petrum Aloysium, quem uidetis: ut tibi

nil

nil sit reliqui Syrici, quo nos illo tuo continentia nomine insidioso diutius eludas, cum uideas eū uirum huic quæstioni præesse, qui scit compati infirmitatibus nostris: qui tentatus per omnia nobiscū est: qui de nobis iudices se ipse respectat: deniq; qui omneis tuas calumnias refellit hoc solo Petro Aloysio: quem propter summam illius dignitatem, atq; amplitudinē, qua is inter homines est, dolet in matrimonio editū abs se non esse: cū id nulla lex prohiberet, tua autē sola uetaret. Vnde intelligis, quantū apud hūc lex tua ualeat, qua tu matrimoniū nefariè expugnas. Et ne multa, iam tandem ipse prodi, & in rē præsentē ueni: do tibi horas meas: tēpore etiā, quod mihi ad dicendū datur, abutere si lubet: hos doce, quomodo hic Paulus Tertius, quē intueris, & qui in te iudex sedet, in illo adolescentiæ suæ feruore cōtinere potuit: cū corā uideas natu grandē filiū imperatorem Po. Ro. huius Alexādri atq; Octauij patrē, quos hic stare cum patre uides, uiros in urbe Roma autoritatis summæ & potestatis, quorū alter aui opera prætor est Trāspadane Gallie: alter uerò summus est Cæcellarius Ro. ecclesiæ: quib; auis hic Paulus Tertius nō solū patrē Petrū Aloysiū, sed etiā nomē ipsum Phernesia gentis dedit. Parū ne tibi uidetur hac ratione scelus legis tuæ notasse, cū is patri primum ipsi, deinde ex hoc natis nepotibus, ac pronepotibus (nā & hos habet

ex

ex Octauio genitos) honorem debitum generi, nō  
 minū ac familiæ Pherneſiorum, maxima uoluntate  
 tribueret, idq; beneficio ſuo liberis ſuis ſuppleret,  
 quod tu illis per ſummam iniuriam ademerat: ut ui  
 delicet nil ad ingenuitatem illis obſit, quod in ma  
 trimonio non ſunt nati? Itaq; ſunt, & quod ſpera  
 re uideor, ſemper erunt in Italia ſummo propter  
 amplitudinem generis, honore, & nomine: neq; ue  
 rō ſoli: ſed etiam Anna Aloyſij Soror, Pauli filia,  
 fœminaq; primaria, quæ in familiam clariffimam  
 Sanctæ Floræ cum nupſiſſet, genuit hunc Cardina  
 lem, ſummum quaſtorem Eccleſiæ. Cui ad ſummā  
 muneris & ſacerdotij dignitatem nil obſuit, quod  
 is Pauli Tertij natus ſit nepos. Hoc tu tantum ge  
 nus clariffimi uiri, atq; hanc familiam, cum uideas  
 tam illuſtrem, tam potentem, tam nobilem, conti  
 nere Paulum Tertium potuiſſe dicere: qui ſi olim cō  
 tinuiſſet, caruiſſet nunc Eccleſia his tam claris ac  
 honoratis uiris. Iactabis continentiam neſcio quā,  
 à nobis omnibus pœnis & interdictis uxores abdu  
 ces: cum nos te tam notis, tamq; præſentibus argu  
 mentis cōuincere poſſimus, nos neq; continere, ne  
 que uxore carere poſſe: ita ut quoties tu aliquid  
 pro tua lege contra nos attuleris, toties nos tibi  
 in iudicio Paulum Tertium demonſtrare poſſimus.  
 qui ſi legem tuam probaſſet, nunquā in familia ſua  
 correxiſſet fraudem legis tuæ. Cuius incommoda  
 quanta

quanta ſint, re ipſa eſt expertus. In nunc, & nos cont  
 tinere iube Syrii: quorum infirmitas quanta ſit,  
 Paulus Teruius cum ex aliorum, tum ex ſua inſimi  
 tate iudicat. Quod ſi ſummi illi, atq; ampliſſimi ui  
 ri, quos cōmemoraui, propter infirmitatē carnis  
 uacare muliere nō poterant, quos utiq; curæ atq;  
 ſolicitudines rerum maximarum à libidine reuo  
 care poterant: quid de nobis plebeijs ſacerdotibus  
 dicere, quorum ſumma eſt infirmitas, ſummumq; eſt  
 ad uxorem ocī? Et ſi in his qui ſummæ rerū præ  
 ſunt, & ad gubernacula Eccleſiæ ſedent, firmitas  
 ea animorum non fuit, qua tuā legem ferrent: quo  
 modo illam ferremus nos, qui rationem habemus  
 cum plebe, & qui cum ipſis mulieribus neceſſario  
 iactamur in turba? Quapropter Iudices, cum ui  
 deatis hanc Syrii legem talem eſſe, quam nō ſum  
 mi, nō medijs, nō inſimi unquā ferre potuerūt, quid  
 eſt, quod ē renoſtra magis facere poſſitis, quā  
 ut legem hanc ex Eccleſia cum uestigio ipſo tolla  
 tis? Quod cum cæteris, tum tibi in primis Paulē  
 pontifex curandum eſt: quem non fruſtra ad ſum  
 mam ſenectutē ſeruat Deus, non fruſtra etiam te  
 per omnia tentatum Eccleſiæ ſuæ dedit pōtiſicem:  
 non fruſtra deniq; tam numerosam ſobolem, tam il  
 luſtre genus tuum in hoc Concilio adeſſe uoluit: ſed  
 ut ( id quod recitari modò audiſti ) ſcires compa  
 ti infirmitatibus noſtris, quos uexatos atq; afflictoſ

f Syrii



Syricij lege esse uides: & ut non solum ratione sermoneq; nostro, sed etiam cogitatione ac sensu tuo uideres, quàm intolerabilis hæc ista lex Syricij esset, quàm contraria nobis, quàm Deo ipsi atq; naturæ aduersa. Quamobrè ut ex tua libidine, non quæ nunc est, sed quæ olim fuit, nostræ infirmitati prospicias, ad te uenimus, ad thronum tuæ gratiæ nos abijcimus, à te opem petimus, ut misericordiā abs te consequamur, & gratiam inueniamus in his tantis miserijs atq; calamitatibus nostris, in quibus & tu fuisti olim, & nos nūc isto autore sumus. Noli Paule pontifex præmittere hoc tempus, quod tibi datur ad benemerendū de nobis. Neq; est quòd te aliorum exhortentur exempla: satis enim exemplorum tu ipse tibi es, ad omnis nostros casus. Expertus enim es integra adhuc ætate, quàm malum sit hominem solum esse, quàm incommodum sine uxore uiuere, quàm miserum ac periculosum alienam tangere. Id quod tu olim fuisti, nos nunc esse puta: & si fortè hæc tua summa senectus te illa uetera cogitare non sinit, aspice hos filios tuos, filias, neptes, nepotes, & horum liberos: fac isti admoneant te antè exactæ uitæ, ut eo benignior, æquiorq; iudex nobis in hac causa sis, quanto perspicias magis, tot infirmitatis tuæ nobis adhuc extare exempla: ut uxore per te nobis restituta, offensa existimatio nostra priorem honoris gradū in Ecclesia Dei recuperet.

recuperet. Nos etiam his legibus uiuamus, quas ferre possimus: quas cum nobis ereptas esse uideas, curandū tibi est, uobisq; iudices, ut primo quoq; tempore restituantur nobis. Quod tum fiet, cum nobis exemplo, institutoq; ueteri uxores, liberos, familiam, genus deniq; ipsum legitimum restitueris, ut cū his castè pudiceq; in Ecclesia Dei uersemur. Præsertim cum id ad summam existimationem iudicij uestri pertinere uideatis. Cū enim parati sint, qui concionibus & legibus inuidiam ordinis nostri inflammare conentur: quid est quod in ipso discrimine ordinis, iudiciorumq; uestrorum plus ad perniciem nostram ualeat, quàm si hoc ab illis Pop. Romano demonstratum fuerit, uos eas leges cōprobare, quæ Deo primum ipsi, deinde naturæ nostræ, postremò reipub. aduersentur? Quomodo quæso iudices hanc tantam labem atq; infamiam sustinere poteritis? Aut quomodo id uerum erit, quod de uobis uultis perhiberi, uos Ecclesiæ personam in hoc Concilio sustinere, constituendæ religionis gratia conuenire, leges perniciosas abrogare, utiles cōstituire? si uos ipsius Ecclesiæ persona abusi, ita notas, ita testatas, tam antiquas de matrimonio leges, irritas iubebitis esse? & si hanc legem Syricij comprobaueritis, cui tã apertè uerbum Dei repugnat, atq; aduersatur? Quis erit omnium, qui uos abuti nomine Ecclesiæ, religionem etiam euertire noti

putet? Nemo erit profectò, qui autoritate huius uestri iudicii stare uelit, et qui dubitet alias partes sequi, in quibus bene ac pudicè uiuat, si uos uerbo Dei tam uehementer fueritis aduersi. Nam per Deos immortales, si barbari, homines impij, & (ut nunc loquatur) pagani, legem huiusmodi ferrent, qua tanta necessitudo naturæ tolleretur, quis nostrum non indignum atq; nepharium putaret? Nunc uerò si uos Episcopi, religionis patroni, ac uerbi Dei antistites, legem tam atrocem atq; turpem nobis imposueritis, qua tadem turpitudine, qua ignominia, quanta etiam infamia dignum erit factum hoc uestrum: aut quomodo homines desinent de relinquenda urbe Roma, ac de negligenda uestra autoritate cogitare? In speculis (mihi credite Iudices) homines sunt, obseruant diligenter iudicium hoc uestrum, quantum in eo religio, quantum leges, quantum iusiurandum ualeat uident. Vident adhuc in tanto rerum metu nihil à uobis esse actum, quod pacem polliceatur nobis. Intelligunt ab illo Leone Decimo, ad hunc Paulum Tertium, causam Ecclesiæ ita duci, ut inani spe consilij sepe ostentata, cetera quæ ad summam rei spectant, in eodem situ iaceant à uobis relictæ. Itaq; cum spe delusos se homines sepe arbitrentur, hoc tamen iudicium solum, ac postremum adhuc restare putant, in quo uos de matrimonio nostro, & illi de uobis iudicabunt.

¶ Quod

Quod si quid à uobis in hoc iudicio fuerit titubatum, desinent homines de alio Concilio cogitare, si hoc uestrum spem illorum sefellere: quo neq; splendore maiore, neq; dignitate Concilium ullum fuit. Tum etiam facile concedent, id quod multi uolunt, opinione omnium rationem ueritatis, integritatis, fidei, religionis ab hoc uestro ordine abiudicari, si uos nullam rationem earum rerum ducetis, quibus cum ex ordine nostro, religio, fides, integritas, ueritas, deleta atq; sublata est. Neq; etiam homines putabunt, Ecclesiæ constituendæ causa uos conuenisse, neq; M. Lutherum hostem Ecclesiæ propterea iudicasse, quòd incommodis ipsius Ecclesiæ moueamini: sed, id quod pleriq; iam dictitant, emolumentum uestri gratia, quod uobis Lutheri seditionibus peribat. Cui enim probabit, uos uiolati uerbi Dei poenas ab alijs poscere, si uos ipsi decretis, edictisq; uestris illud delere uidebimini? & si hanc Syricij legem ualere uolueritis, qua ipse, ut iam docui, non leges tantum diuinas, neq; legum ipsarum uerba, sed syllabas, atq; legum ipsarum literas mutauit, extinxit, ac deleuit? Deniq; qua fronte ipsum aspicietis Lutherum, quem ideo cõdemnastis, quòd is contra omnes leges Ecclesiam perturbauit, multaq; in ea mutauit: si uolentibus iubentibus uobis, Syricius tot res sanctissimas sua lege euerterit, si matrimonium ex Ecclesia eiecerit: si fornicationes, adulteria,

f 3



adulteria, incestus, deniq; concubitus uarios atque  
exquisitos in Ecclesiā introduxerit, non modò ui-  
dentibus, sed etiam approbantibus uobis: quis non  
dicet tum iniquè à uobis damnatum esse Lutherū,  
qui harum fœdissimarum cupiditatum grauis ad-  
uersarius, asiduus & acerbus fuit: qui primus in  
Latīo Syricij legem improbatam esse, non solum  
dixit, sed re ipsa ostendit, cum quidem scortatio-  
nem uxore ductā fugeret? Nemo erit, credite mi-  
hi, Iudices, qui damnatione Lutheri non mouea-  
tur, & qui non putet uos Ecclesiā ipsam tueri, non  
quia illa uobis sit curæ, sed ut hac uos abutamini  
uestro arbitratu: ut uerum uideatur esse id, quod  
de uobis uulgo uult existimari Lutherus, quod etiā  
ille iactare solet, se initio stultè fecisse, quod uobi-  
scum ita pactus non sit, ut si ille matrimonium sa-  
cerdotum non attigisset, & si uiam hanc ad sacer-  
dotia trita intactā nobis reliquisset: hoc est, si cōmo-  
da nostra integra nobis præsstitisset: cætera sanè quā  
uis sint magna, ut sunt purgatoriū, diuorum cultus,  
ac ieiunia, soluta illi esset ac libera. Quæ ut ille falso  
de uobis queri uideatur, hodierna die demonstran-  
dū est uobis Iudices, ut Syricio dānato, lege etiam il-  
lius abrogata planū fiat, uos Ecclesiam ipsam, non  
uestra cōmoda in hoc Concilio defendere: ut uitij  
ipsis infensi, & Lutherum damnasse, & has hære-  
ses, quæ ortæ iam creuerunt, extirpare uelle uidea-  
mini.

mini. Quod cum nobis utile, gloriosum Ecclesiæ,  
uobis etiam honorificum sit futurum, illud etiam  
atq; etiam uidete, et diligenter prospicite Iudices,  
ne quid non tantum in re, sed nec in suspitione cu-  
iusquā relinquatis, uos Lutherum condemnasse cō-  
modorum uestrorum gratia. Quod utiq; erit, si ma-  
trimonium sacerdotum autore Syricio ex Ecclesiæ  
cieceritis: cuius autor, patronus, atq; defensor acer-  
rimus, M. Lutherus fuit. Qui si non alio, tamē hoc  
uno uerè posset de uobis gloriari: se ideo damnatū  
esse, quod matrimonio scortationem ab ordine no-  
stro exclusisset. Quis enim est, qui tali querela Lu-  
theri non moueretur? cum is ita quereretur, ut cer-  
tè questus est: Condemnatus sum, quia sacerdotes  
castè in Ecclesia uersari uolebam: quia matrimoni-  
um incontinentibus suadebam: quia ordinem sacer-  
dotalem scortatione infamem esse dolebam. Hæc  
certè querimonia, Iudices, iusta uideretur de uobis  
esse: hæc etiam eadem ad omnia uestra decreta om-  
nium aures occluderet. Quid enim querētī respon-  
deretis? aut quis uos ferret, si ita Luthero quæren-  
ti responderetis? Condemnauimus te Luthere, quia  
matrimonium sacerdotibus suastisti: quia uxore in-  
continentibus dedisti: quia ueteres leges de matri-  
monio retulisti. Quæ cū ita diceretis, nemo uos pro-  
fecto audiret Iudices, etiā si omnib. glossis, paragra-  
phis, atq; ipsis decretalibus pugnaretis. Indignum

facinus clamarent: omnes iniquè atq; iniuste Lutho-  
rum damnatū esse dicerent. Heret enim hoc in ani-  
mis omnium, ac in cōmuni sensu hominum defixum  
manet, Deo obediendum esse, matrimonium sanctū  
esse, honestum esse, permissum esse: ut hac tali sen-  
tentia nil sit hominibus certius, nil etiam explorati-  
us: nullaq; uis ingenij, nulla autoritas potest esse,  
quæ hanc sententiam nobis eripiat, aut etiam è no-  
bis euellat: ut qui huic aduersetur, neq; audiendus,  
neq; ferendus sit ullo modo. Quam rem ita confide-  
retis. Si in Ecclesia Latina mansisset sacerdotibus  
matrimonium more, institutoq; ueteri, ut nunc ma-  
net in Græcia, Alexandria, ac in Antiochia: si illud  
Lutherus rescindere fuisset conatus, ut nunc cona-  
tur Syricius: quid tum uobis faciendum putaretis?  
taceretis ne in tam præsentī periculo, tantaq; homi-  
nis improbi audacia? An uerò potius omnibus poe-  
nis atq; interdictis repelleretis illum ab hoc scele-  
re nefario: furem tum credo, quadruplatorē, scor-  
tatozem, ac nebulonem appelleretis Lutherum. Et  
iurè quidem. Cum enim omnibus legibus remotis,  
honesti nomina turpissimis rebus imponens, scor-  
tationi ad nos aperiret uia, quid est quod à uobis  
uerè de illo dici non posset? quemadmodum de Ta-  
tio heretico olim dicebatur. Quem enim luctū Iu-  
dices à patribus nostris illū fuisse accepimus? Quo  
gemitu, quàm graui & acerbo Tatiū ille à ma-  
ioribus

ioribus nostris auditus est, cum is uxore & uiris adi-  
meret? quòd nefas esse putaret, hominem uxori con-  
iungi. Si ergo neq; Tatiū illum maiores nostri tu-  
lerunt, neq; uos ferretis Lutherum, si quid tale au-  
sus fuisset: quid tandem est, cur hoc scelus, quod in  
alio uindicandum uobis putaretis, uos ipsi admitta-  
tis? ut illa omnia probra uicissim à Luthero audia-  
tis, quæ paulo antè in Lutherum à uobis dici posse  
ostendi? Ne hoc sinat Deus Opt. Max. ut uos prin-  
cipes Ecclesiæ, patroni, atq; duces, ad uos hæc reci-  
piatis, & ita Syriciæ legi locum apud uos detis,  
ut illa probra in uos redundent, quæ redundarunt  
olim in Tatiū: aut redundare potuissent in Luth-  
erum, si quid tale in matrimonio moliri ausus ille fu-  
isset. Verum cum & Lutherus à uobis damnatus  
sit rerum capitaliū: & uos in hoc iudicio nil queri-  
tis, nisi ut existimationem ordinis nostri amissam  
recuperetis: detis operam, ut exterminetis omnia  
hæc incōmoda, quæ in Ecclesiam Syricius introdu-  
xit. Ita uerè uidebimini et mala Lutheri damnare,  
& bona nostra recuperare. hac lege abrogata, qua  
is uos decepit, ordinemq; nostrum circumuenit.

Sed hoc loco occurram tacitæ uestre cogitatio-  
ni, quæ mihi obloqui uidetur. Quomodo Syricius,  
Pōtifex Maximus cum esset, & cum certis legibus  
Ecclesiam gubernaret, tam improba lege, tā atro-  
ci edicto nos circumuenit? Est hoc quidem monstri



simile iudices: sed tamen circūuentos nos esse uidetis neq; sanè id uasfrè, neq; maliciose ab illo est factum: sed cum ille esset cum summa potestate, opinio autem huiusmodi in Ecclesia temporibus illis uersaretur, de edicto Pontificis Romani iudicare nulli phas esse, Pontificem supra Concilium esse, in eius pectore conditum ius esse: illius omneis, illum nullius iudicio stare: à quo qui dissentiret, hostem iudicari, ac in sceleratorum sedem certò mitti: itaq; istis sententijs Syricius in pontificatu electus, cum uideret beneficio Constantini ingentes pecunias ecclesiæ uenisse, quod uerebatur ne illo sacerdotum matrimonio, quod tum cuncta in Ecclesia legitimum erat, redirent eò unde illa uenerat, hanc legem tulit, qua ille sacerdotes non coniugotantum, sed etiam legitima posteritate priuauit. Nam quamdiu honos paupertati in Ecclesia Latina fuit, tamdiu sacerdotes matrimonio sunt usi. At postea quàm paupertas pecuniæ cessit, cum auaritia hac ista hianti atq; imminenti, luxuria quoq; in Ecclesia influxit, cuius neq; finem ullum neq; modum uidemus. Hanc ergo legem cum pontifices minores, sacerdotes item omnes insidiosam esse, atq; nephariam iudicarent, primi tamè Itali illam receperūt, quod minime liberi, minimeq; iuris sui sint, utpote pontificis Romani potestate ac ditione undiq; conclusi. Germani uerò nunquā probauerūt,

Hispani

Hispani autem multo minus. Græci uero funditus repudiauerunt, quorum semper fuit prudens de rebus Ecclesiæ, sincerumq; iudicium, nil ut possent, nisi incorruptum, ferre, et elegans. Itaq; cum hanc legem repudiarent omnes, probaret nemo, hic homo omnibus pœnis exarsit, atq; interdictis, auctoritatem suam negligi: illas etiam sententias, quarum modò mentionem feci, agi dicebat: non diem, non noctē interim remitti t Græcos anathemate ferire, Germanos interdictis terrere, qui Maguntiaē magno clamore atq; concursu istius legatos hac de re ad se missos uiolauerunt. Apud Hispanos etiā instat, orat, minatur, quò legem latam recipiant, ne si reciperet nemo, non uerè illud de ipso dici uideretur: Quicquid solueris, erit solutum. Hoc ergo metuens, negocium non discebat. At cum neq; terrore, neq; lege ulla assequeretur, ut homines legem ipsius, institutumq; sequi uellent (quid enim tam nouum non solū re, sed genere ipso fuit, quàm id iube re, quod etiam si homines tacerent, res tamen repudiaret ipsa per se) magnitudine tamen potestatis perfecit, ut hac lex illius à solis Latinis reciperetur. Nam ceteri omnes, quorum sunt Græci, Alexandrini, atq; Antiocheni, in eo sanè liberi fuerūt, non receperūt. Quid enim quaeso reciperent? aut quomodo iustè non repudiarent talem legem, qua Ecclesiam euerti uidebant? Constituitur ergo uix tandem

92  
tandem aliquando, in solo Latio, hæc lex acerba  
& misera, & grauis toti Latine Ecclesie, quæ non  
uoluntate, non suffragio, deniq; nõ scito communi-  
tum Latini susceperunt: sed imperio, metu, ui, ma-  
lo adducti imposita adhuc pertulerunt. Quam tan-  
dem calamitatem hanc putatis fuisse, Iudices? Quid  
lachrimarum ipsos sacerdotes tu profudisse? quem  
fletum totius Ecclesie fuisse? quæ luctu & gemitu  
parentum, atq; maritorum: uxores è uirorum am-  
plexu, liberos ex sinu parentum euelli, atq; eripi  
propter huiusce legis nequitiam, atq; improbi-  
simam cupiditatem? Quæ malum ista fuit amentia?  
Bellu uel sacerdotes illi Deo facere conabatur, Ec-  
clesiam ne euerterant, phana spoliauerat, sacra pro-  
phanauerat. ius ipsum postremo diuinum uiolau-  
erant, ut illorum factum, liberorum sanguine, atque  
uxorum exterminio lui uelles? Iccirco ne tibi illa  
potestas data fuit, ut tua ui atq; crudelitate uiri u-  
xores, liberi parètes suos amitteret? Tantæ ne tuæ  
Syrici pecunie erant, ut cum illarum retinendaru  
gratia eas leges tuleris, quas capere ac sustinere nõ  
potuimus: tu, nisi ad nutum tuum præsto tibi fuen-  
mus, aqua & igni nobis interdices? euerter domos,  
bona publicabis, nos etiam ipsos, uxores, ac libe-  
ros nostros abripies ad supplicium? ut nulla ratio-  
ne crudelitatem tuam à nobis, uxoribus ac liberis  
nostris propulsare possimus? Idq; cum feceris, lega-  
time

91  
time, & ex præscripto sacrorum Canonum facere  
te dices? Græcos schismaticos, Germanos hereti-  
cos, rebelles Hispanos pronuciabis, quod dicto tuo  
audientes non sint? quoru nemo tum legem tuã pro-  
bavit, imò uerò omni ratione illi tanquã tempestati  
uenienti omnes obstiterunt. Nam quæro abs te, ui-  
olarint ne legatos tuos Maguntini? cõtempserint ne  
interdicta tua Hispani? defecerint ne à nomine La-  
tino Græci? negare non potes. Habeo enim t estimo-  
nium Græcorum, ac illorum in te decretu. Habeo  
etiam quæ in Hispaniam interdicta misisti. Recita  
hoc testimoniu Græcoru, & illoru Decretu: tu etiã  
eas literas, quas is ad Hispaniæ Episcopos misit.

#### EPISTOLA. TESTIMONIVM.

##### DECRETVM.

Auditis Iudices, ut maritorum sacerdotum bo-  
na in Hispania publicentur, utq; Græci se per sum-  
mam contumeliam à Romanorum nomine abalie-  
natos esse querantur. Qui utiq; motus rerum nun-  
quam factus fuisset, nisi edictum istius nouum, &  
perniciosum esse omnes putarent: ut quiduis esse  
perpeti satius ducerent, quàm in tanta ui atq; acer-  
bitate uersari: qua iste omnes leges sustulit, atq; irri-  
tas apud omnes iussit esse. in cuius lege cum nullum  
pudorem, decorum nullum, summam autem libidi-  
nem atq; turpitudinem homines inesse uiderent,  
merito illam tanquam contagionem quandam hor-  
rebant



rebant omnes. Cū enim à maioribus traditum ita accepissent, à diuo etiam Paulo illa didicissent: **Honorable** connubium in omnibus, & **thorus** immaculatus: fornicatores enim, & adulteros iudicabit **Deus**: nil tam pugnare cum ipso Deo, quàm istius legem putabant. **Quare** pro se quisq; , ut in quoq; erat autoritatis plurimum, resistebat huic legi: ad extremum inuentus est nemo, qui aut apertè legem hanc nō sperneret, aut nō acciperet inuitus. **Quapropter** cum iste uideret, quantos motus sua lege concitasset, quòd illam acerbam omnibus atq; aduersam esse uiderat, ut illius acerbicatem temperaret, & quasi tantarum rerum iacturam compensaret, audite cuiusmodi postea legē is tulit, qua lenire offensas omnium mentes, & collapsas erigere, ac nobiscum in gratiā redire uelle uidetur. Cape hāc legem, quam is pudoris oblitus, de concubina tulit. *Recita.*

#### LEX DE CONCVBINA.

Is qui non habet uxorem, & pro uxore concubinam habet, à cōmunione non repellatur: tamen ut unius mulieris, aut concubinæ sit coniunctiōne contentus.

Proh sancte Iupiter, ubi gentium sumus? quam tandem Ecclesiam habemus, cui tales leges à Syriaco dantur? Non uobis media in Sodoma dictaturā

gerere,

gerere, ac in conuentu meretricum ac lenonum cōscribere has istas leges uidetur? quæ nobis nō occulte, sed apertè & palām pro matrimonio scortationem, pro uxore dant concubinam. In qua tandem urbe pontificatum te gerere putasti, ut nobis honestissimas ac pudentissimas leges eriperes, & has sceleratissimas, flagitiosissimasq; imponeres? Sodomitis' ne te, aut Gomorraeis, hominibus scelestis, leges has ferre putasti, & non nobis, quorum corpora templum Dei sunt: quibus nil tam est aduersum, quàm est ipsa fornicatio? Deinde non sentis, in quos te laqueos inducas? Cum enim sacerdotem absq; uxore ideo uelis esse, quòd illum continere solum posse putas: cur etiam eum, cui in uxoris locum scortū subdis, eadem continentie lege nō comprehendis? cur das concubinam? cur absq; hac hominem continere non uis itidem, ut absq; uxore uoluisti? Aut si concubina usus legitimus nobis est, cur uxoris non sit, causam abs te quererē, nisi ita esset nota, ut te mutato, ipsa tamen per se loqueretur. Cum enim erepta uxore uideres, qui dolor, qui mœror omnium mentes atq; animos occupasset: et cū ipsius naturæ uox atq; clamor obrueret te, homines absq; muliere cōtinere non posse: & ne hac illis in uniuersum negata, in uetitos sexus, ac alienum genus prolaberemur: ideo tu homo castus atq; sanctus, nos lugentes consolatus hoc isto scorto es: quod ne horreremus, mitigasti

mitigasti in eo asperitatem meretricij nominis, dū quidem illud concubinam appellasti, ut hac ratione uidelicet gravior nobis te autore ipsa redderetur scortatio, cuius dulcedine adimeres nobis omne uxoris amissæ desiderium. & ne id alienum esse à Christiano nomine uideretur, ideo etiam alia lege nobis Christianis scortum sancis. Atqui ut omnes intelligāt, quanto furore hic in Ecclesia Dei sit uersatus, legem hanc illius aliam proferam, in qua ipsum ganeum, ac ipsum lupanar prorsus inclusum esse audietis.

#### LEX DE CONCVBINA.

Christiano non dicam plurimas, sed nec duas simul habere licitum est, nisi unam tantum aut uxore, aut certe loco uxoris, si cōiunx deest, cōcubinā.

Videtis Iudices, ut techna technam irudat, posuerit superius uniuersè de his qui non habent uxores. Nūc, ne fortè infinite loqui uideatur, ponit generale: & addit, Christiano homini. Ne barbaris, aut paganis illū leges dare putetis, Christianis se dare profitetur. Deinde, ne ipsos sacerdotes in sua lege preterire uideatur, cautè sanè illud addit, Aut certè loco uxoris, si cōiunx deest, habeat concubinā. ut sacerdotè innuat, quē scit sua lege absq; uxore esse. O cœlū, o terrā: clamare nunc illud Iudices lubet, dum tantam turpitudinem, tantumq; scelus

in

in istius legibus perspicitis, in quibus matrimonium ipsum scortatione exæquatur: & in quibus omnes illæ sanctissimæ connubij leges, scortationis legibus non solum pares sunt, sed etiam illis cedunt. Atqui ego nō dubito Iudices, quin ut mihi, cui pudicitia maxime cordi est, res hæc acerbā uideatur, atq; indigna: sic unicuiq; uestrum, qui simili sensu atq; specie honestatis cōmouemini. Quid enim natura nobis cōmendatius, quid dignius esse uoluit, in quo omnis diligentia nostra consumeretur, quam ut honestatem cum uerecundia omni nostra opere tincamus in uita? Homo omnium impudentissime, cur tantam iniuriam matrimonio fecisti? cur hunc dolorē Ecclesiæ inuisti, ut nobis uxores, liberos, familiam, omnibus legibus traditam eriperes, ut scortationem matrimonio exæquares? Tu ne impune hoc faciās? ita ne huc paratus uenis, ut uxorebus remotis, meretricios amores nobis conglutines? perficiasq; , ut desiderium uxorū meretricū cōmercio lentamus? Ne uxorem, inquit, sacerdos habeat: nēue, si habuerit, cubile illius inuadat. Eripies igitur ex sinu meo uxorem, quam natura ita sum amplexus. ut absq; hac uitā acerbā putem?

Non est, inquit, quod querere. En tibi à me scortum datur: & si te una lege læsi, alia id tibi suppleui. Nam ita iussi: Habeas loco uxoris, si coniunx deest, concubinam. O cœnum, o portentum in ultri

g

mat



mas terras deportandum. Ita non dico decernere, sed cogitare omnino ista tibi fas fuit, ut tāta obscenitate non iam rerum, sed etiam uerborum, omnium, etiam improbiſſimorum aures offenderes: idq; in tua lege, perscriberes, quod post homines natos nemo tā improbus est inuentus, ut scriberet, ne in ipsa quidem urbe Sodoma, in qua summa fuit peccatorum stuprorumq; licentia. Miramur ab isto defecisse Græcos? Miramur Ecclesiam illam, non nomine tantum, sed re uniuersalem, nunc solis penē finibus Latinis censerī: cum antea ijsdem, quibus orbis terræ, finibus censeretur? Vbi sunt Græci, quos à maioribus acceperas? ubi Alexandrini? ubi Antiocheni, Syrici? Nusquam comparent, repulsi à Latino nomine, tua iniuria, alienatiq; omnes sunt: qui tamen ante te pontificē in fide atq; in amicitia Romana manserunt, & Ecclesiam ipsam catholicam cum Latinis equaliter defenderunt. At cum tu contra leges Dei insoleres, tuāq; edicta uerbo Dei anteferras, discessio hæc est facta, ut parteis fierent. & alia Orientalis, alia Occidentalis Ecclesia abs te diceretur: sic enim iste in suis decretis queritur: Orientalem Ecclesiam uotū castitatis non suscepisse. Propterea ne tibi Orientalis repente esse cepit, quod continentiam suam, tua incōtinentia permutare noluit? quod uerbo Dei contra tuum edictum paruit? quod tibi non obedivit, cū tu Deo

Deo obedire nolles? Augustini est: Indignū uideri ut ei obediat minor: qui suo nō obedit maiori. Quare cum tu Deo nō obedias, sed illi apertē resistas, cur tibi homines obedire uelis, causam memora: præsertim cū tu Syricius, nō Paulus: Romæ natus, non cœlo ortus esse uideare. unde etiam si esses, tamen tibi palām Deo aduersanti, non obediremus. Quis enim unquam tam palām de iusto, tam uehementer de honesto contendit, quā tu, atq; subscriptores tui, ne nos mandato Dei uiuamus? Deus dat uxore, tu prohibes: leges sinunt, tamen te interponis. E'rebus omnibus hæc nobis ita Deus dat, ut ab iure nostro non recedat: tu tamē uoluntatem Deo, uxorem nobis ita eripies, ut quicūq; tibi edicto audientes non sint, hos tu hæreticos, hos schismaticos, hos deniq; ethnicos (si dijs placet) appellabis: proscribes Græcos, eijcies Alexandrinos, damnas Antiochenos, quod hi mandato Dei uxores quā scortum malint. in nos etiā, quos diuina sors adhuc Latinos facit, ita sæuies, ut conscribas exercitus, effundas ærarium, Italiam in Germaniam immittas: ut expugnentur sacerdotum domus, ut liberi ante ora parentum, parentes ante liberorū mactentur, iugulentur, extinguantur? Et cum nos miseri atq; calamitosi, desperatis omnib. legibus, nos nō teneri tuis tā atrocibus edictis dixerimus, protinus nos cum ipsis Græcis, Alexandrinis, atq; Antiochenis,

chanis, hoc est, cum ipso terrarum orbe in scelera-  
torum insulas deportandos curabis? Bona, fortunas,  
ac sacerdotia nostra inter scortatores tuos diuides:  
solos catholicos illos (si dijs placet) solos continen-  
tes, solos etiam obedientie filios appellabis? Id  
quod tu non in Germania solum, uerumetiam in Po-  
lonia fecisti, cum uiro clarissimo, summo ingenio,  
summaq; nobilitate praedito, Ioanni Laski, am-  
plissima sacerdotia propter ductam uxorem eripe-  
res. Tu uero consurge nunc quaeso Ioannes Laski,  
perfer hunc dolorem commemorationis necessariae.  
Hoc homine iudices, quem nunc in squalore miserum  
atq; calamitosum uidetis, neq; uir melior quisquam,  
neq; nobilior in Polonia fuit. Qui cum illustri gene-  
re ortus esset, fratremq; Hieronymum summis rebus  
gestis ornatum, ac omnibus laudibus cumulatum  
uirum: atq; hunc Stanislaum, ordine, existima-  
tio ne, uirtute praestantissimum senatorem cum ha-  
beret, nil tamen illi profuit genus, nil fratres, nil auo-  
rum maiorumq; memoria: nihil etiam Ioannis Las-  
ki Archiepiscopi Gnesnensis recens recordatio,  
quo minus ille ab hoc omnibus fortunis propter du-  
ctam uxorem euerteretur, patria priuaretur, ac om-  
nibus ornamentis spoliaretur. Hem mihi Laski, tu ne  
es illius Ioannis Archiepiscopi nepos? Tu ne ille in  
omnes tuos liberalis? Cuius multos bonitas locu-  
pletauit: in cuius uita nullum flagitium unquam,  
nullam

nullam libidinem quisquam notauit? Quod tuum sce-  
lus, quod peccatum tantum fuit, ut & patriam amit-  
teres, & in ijs miserijs esses, & hi tecum, quos mu-  
tata ueste consurrexisse uidemus? O miserum, accu-  
sumq; nobis conspectum tuum. Ecquid nam qua-  
eso tantum de te meruisti? Cui tantum de te licuit, ut tan-  
to malo plecterere? Vxor causa ait se hoc pati. Ni-  
hil ne praeterea? Nihil uero ait esse. In hoc ne tu ho-  
mine statuisti eiusmodi exemplum, quod cum pro-  
pter iniquitatem rei, tum etiam propter hominis  
dignitatem acerbum omnibus, atq; intolerandum  
uidetur? Est ne hic Laski? Qui in Polonia maxima  
sacerdotia facillime cum adeptus esset, amplissi-  
me atq; magnificentissime gessit: qui Poloniam lite-  
ris, monumentisq; plurimis ingenij sui decorauit:  
de cuius ingenij ac uirtutis praestantia, E R A-  
S M V S primum ille, deinde omnes docti certa-  
tim scripserunt: & istius nomine ornari libros su-  
os, ac posteritati mactari uoluerunt? Est ne hic Las-  
ki, qui apud Sigismundum, clarissimum uirum, ac  
sapientissimum regem, magnus Secretarius fuit? po-  
stremo, est ne hic, qui a Francisco Galliae, ac Ioan-  
ne Ungariae rege saepe accersitus, saepe summis ho-  
noribus dignus est habitus, & ita habitus, ut illum  
inuidere Sigismundo, ac ipsi Poloniae regno uide-  
rentur? Hunc ne tu, talem ac tantum uirum, tanta  
nobilitate praeditum, atq; dignitate, attingere, &



in hunc squalorem conijcere ausus es? & hos cum illo, quos flentes ac sordidatos uides: idq; nulla alia ipsius de causa, nisi quod is mulierem, quam habebat, interrogatus abs te, uxore esse respondit. Quid si hanc eandem scortum dixisset: retinisset patriam, bona, ac fortunas suas. Ita opinor, nam hoc illi tua lege licebat: neq; uero negare potes, te scortum illi permissurum fuisse, si quid ille confiteretur. Ostendisti enim in alijs, quid Laskio sperandum fuerit, quibus sacerdotia illius diuisti: quos tacitos confiteri, & ipsos in illo loco uides: quibus cum mihi & amicitia uetus, & hoc ipsum quod Laski negauit, commune est. Itaq; Iudices, errore hic suo miser est: & quod pleriq; in eo desiderant ridiculi homines, cum stomachantur, nesciuisse illum literas, dum de illa muliere quaereretur, nam si interrogatus respondisset, Scortum est: rebus omnibus nunc potiretur saluis. At quia respondit, uxor est: uidetis, hisce duabus syllabis de quantis rebus decidit. Hic tamē ego scire ab illo peruelim, aut hanc Laskij mulier scortū illius, aut uxor fuit? Si uxor, sacramentū hoc magnum est: dissoluere noli, abstine manus ab hoc scelere nefario. Si uero scortum illa fuit, aut segreganda tibi ab isto fuerat: aut certē, id quod tuas sacrosanctae leges uolunt, illi cum sacerdotijs permitte, ut illi tantas res amittere non esset necesse. Expecto quid uelis: haeret homo, auersatur, rubet:

at non

at non hic Laski tanti fortunas suas facit, Iudices: neq; se ita à me defendi uult, ut uxorem suam castissimam sceminamq; lectissimam, scortum dici uelit. Uxorem esse palam profitetur. Quam ideo dicit se duxisse, ut scortis secundum leges istius ne uteretur, neue scortaretur amplius. Idq; se beneficio huius istius suae uxoris affectum esse testatur, ne in scortatione aut adulterio moreretur: quam etiam uxorem angelum diuinitus sibi missum appellare solet, quae illum porrecta ac data manu ex hac ista legis tuae eduxit Sodoma, prius quam super illam plueret Dominus sulphur & ignem de caelo. Idcirco maluit omnia amittere, quam tua lege uiuere. Itaq; in Polonia primus est inuentus, qui dijs hominibusq; approbantibus, periculo capitis, & omnium fortunarum suarum iactura, tuae legi restitit, uxoremq; duxit: ob quam etiam causam ex locupletissimo pauperrimus, ex pecuniosissimo egentissimus factus, sola conscientia praeclari facti se sustentat: & illud simul sperat, quoties uos intuetur, quoties quemq; uestrum recognoscit, se in hoc uestro iudicio bona, parentes ac patriam recuperaturum. neq; uero metuit, ne hic homo ab omni non modo honestate, sed etiam simulatione honestatis relictus, aliquid illi ad recuperandam pristinam dignitatem apud uos obsit. Nec uos hoc illi, nisi obliuisci uestra mansuetudinis uolueritis, negare diu-

g +

tius

tius potestis. In hoc enim homine cōstituatis, quan-  
tū sibi de uobis reliqui, qui simili malo à Syricio  
sunt isti polliceri debeāt: qui huius iudicij exitū ex-  
pectāt, atq; ita expectāt, ut si in hoc Ioanne Laski  
spē nostrā fallitis, certū sit cuiq; quas partes sequi,  
quid sperare debeat. Nam hi qui adsunt, & qui  
uos circumstant, cū uirtuti Lascij faueant, tum de  
se, de liberis suis, de patria, de fortunis hodierna die  
decertari putant. Habetis tempus Iudices, quo  
aliud opportunius nunquam erit, ut ostēdatis quan-  
tum Ecclesie prodesse uelitis. Quam si uerē uni-  
uersalem efficere, si nomine ipso Romano illam  
consecrare uultis, hodierno die cū in ceteris, tum  
uerō in hoc Ioanne Laski statuendum uobis est,  
utrum nos, qui semper hoc uestrum iudicium expe-  
ctauimus, semper miseri lugeamus: an diu uexati à  
perditissimis hominibus, aliquando per uos ac ue-  
stram fidem, uirtutē, sapientiāq; uereamur. Quid  
enim nobis laboriosius Iudices, quid calamitosius,  
quid afflictum magis dici aut fingi potest? qui am-  
plissimo munere suscepto, non solum prēmia amisi-  
mus, sed etiam illa priuata quæ domi erant perdid-  
imus: non genus, non familia, non domus, non lectus  
deniq; certus aut pudicus nobis est. Facite enim  
cogitetis Iudices, & paulisper uitam nostram inspi-  
ciatis. Digni uobis profecto uidebimur, quorū uos  
capiat misericordia, & quos ex his malis eximen-

dos atq; ope uestra subleuandos uobis putetis. Nul-  
lam uitæ nostræ partem uidebitis, quæ summæ tur-  
pitudinis sit expers. Nil flagitiorū usquā, neq; libi-  
dinum fuisse reperietis, quorum iste aculeos in nos  
non immiserit, & quibus nos non confecerit, dum  
nobis nil reliquit quo nos consolemur, & quā oculo-  
s ac animos nostros conuertamus: dū soli in stra-  
tis relictis. huc atq; illuc uersamur: dum incensi libi-  
dine tota urbe uagamur, inuestigantes ecquæ uir-  
go sit aut mulier, in quā euomamus illud uirus in-  
natae libidinis. Quo etiam fit, ut cum impuris ho-  
minibus uiuamus, qui in mulierum corruptelis ex-  
ercitati, inuestigare, adire, appellare, corrumpere,  
somno maritorum, diligentie parentum insidia-  
ri, & quiduis facere in adducendo scorto norunt:  
in quo adipiscendo ut summa inest turpitudine, sic  
summum est periculum. nam sepe cedimur, sepe  
occidimur, ac miserandum in modum trucidamur,  
cum aut corruualium amorem interpellamus, aut  
coniugum fidem. Nihil fingo Iudices, res ipsa est:  
exempla non solum uctera, sed etiam noua atq; re-  
centia ostendunt, quas mortes, quos morbos, quas  
cædes in ordine nostro uersari istius lege uideatis.

Iam uerō, qui pudor, quæ religio, qui metus no-  
bis obstat ad stuprum? Nullus Iudices. Omnia uin-  
cit amor, non frustra bonus canit poeta: quod illi  
omnia sint peruia, pateant omnia, aperta q; cun-



etia sint. Quid uerò illi profusi sumptus nostri si-  
 bi uolunt? quid tubæ? quid conuiuia? quid uestis ua-  
 ria, & exquisita, ac ne ipso iā aulico digna? Omnia  
 hæc sunt (credite mihi Iudices) illectamenta libidi-  
 num, ac ipsarum meretricum esca: hic gurgēs, hæc  
 Charybdis patrimoniij Christi, atq; Syrtis est. huc  
 conijecitur quicquid opum nostrarum est: huc pro-  
 uentus nostri, huc fructus spectant, cupito ut potia-  
 mur amore. Quare non solum miseri tantis flagi-  
 tijs sumus, quæ nobis inuitis ipsa ex se fert natura:  
 uerum etiā in summa omnium rerū affluentia, postre-  
 ma laboramus inopia. Et quod interim pudeat,  
 cum equiti, qui uxorem alit, educat sobolem, qui ge-  
 rit bellum, centum floreni iustus sic census: nos qui  
 soli sumus, qui uxore caremus, qui liberos non edu-  
 camus, neq; bellum gerimus, mille florenos exiguum,  
 & uix sacerdote dignum cēsum putamus esse. Ne-  
 que ob aliam causam, ut quidem ego arbitror, nisi  
 quod cum domo, lecto, uxore careas, hæc à uicino  
 sumas, & emas, si uti uelis. Quæ quoniā nimio uen-  
 duntur, pecunia tibi cōcilianda est, quantum potest  
 ad eas res maxima: & ut hanc lacunam rei fami-  
 liaris expleas, sacerdotium unum parum est, ne-  
 cesse est ut plura habeas. Vniones, dispensationes,  
 cōadiutoria, necessariae tibi sunt querendæ. Nam  
 cupiditates naturales, quæ uxore sunt constrictæ,  
 expleantur facile: neq; enim apud uxorem opus est  
 cantu,

cantu, neq; symphonia, neq; ueste, nec conuiuio, ut  
 illa utare, paratus hic amplexus tibi semper domi  
 est, absq; quouis sumptu, at scorto ut placeas (ma-  
 gno meo malo edoctus hoc dico) pugnandum om-  
 ni ratione est. Quo fit, ut in rebus illis quas fert a-  
 mor, infinitis, infinitæ sint cupiditates, & ita infi-  
 niti sumptus. Cuius rei exempla ex ipsa urbe Ro-  
 ma multa sumi possunt, quæ documenta nobis erūt  
 quantum bonum sit uxor. Date hanc ueniam lu-  
 dices, neq; molestum sit audire id quod tantopere  
 Ecclesiam offendit: ut his incommodis cognitis, fa-  
 cilius Ecclesiæ mederi possitis: quam læserunt isti,  
 qui quæstum putant esse pietatem: qui foenerationi-  
 bus, usuris, ac dolis urbem ipsam Romam infamem  
 apud omnes gentes reddiderunt: qui mercede ac  
 precio constituti in urbe officijs, in illo uberrimo  
 ac quæstuosissimo Cancellariæ loco, mensas illas re-  
 tulerunt, quas olim Christus ex Ecclesia eiecerat:  
 in quibus precium isti, imò uerò sanguinem ipsius  
 Ecclesiæ sorbent: aureosq; illos numos longè accu-  
 ratius atq; acerbius exigunt, quàm quispiam foene-  
 rator suum exigit creditum: quorum illa est impu-  
 dentissima oratio in reprobanda pecunia, Hoc ego  
 noctem non emam, illud amica nō capiet mea. Ve-  
 stra admurmuratio facit Iudices, ut agnoscere ui-  
 deamini hoc scelus. Ego etiam me non mentiri cer-  
 tō scio. Quoties ego, Iudices, ab his repulsus sum?  
 quoties

quoties contumeliose appellatus, quod mala mone-  
ta urbem replerem, quam ne ipse quidem Bariscel-  
lus caperet à scortis tributi nomine? ita enim ap-  
pellant præfectum lictorum. Itaq; cum isti ad suum  
questum, nundinationemq; Ecclesiã traduxerint,  
summa auaritia atq; luxuria incenderunt urbem:  
easq; res in urbem Romam introduxerunt, quæ  
euertendæ Reipub. causa solent esse. Nam ibi conti-  
nencia fornicationi cessit, matrimonium adulte-  
rio: nec propter aliam causam, nisi quod centesima  
uix urbis sit pars, quæ in matrimonio degat. Cœli-  
bum ingens est numerus, quibus quasi pro pœna  
ementiæ continentia dantur scorta ut alant, pecu-  
nia utiq; grãdi. Quæ ut suppeditet illa nundinatio  
in urbe, & illa usura, banchus item, & officiales  
sunt constituti. Itaq; hoc tanto mercatu urbis indi-  
cto, cõcurrunt undiq; scorta Romam: flagrat urbs  
tota uoluptate meretricum, ac libidine. Nec mirũ,  
omnibus cœlibibus tot gentium atq; nationũ unam  
in urbem reuocatis, tãtaq; libidine ipsius orbis ter-  
re in una ciuitate inclusa. Et cum tot sint in ea ur-  
be sacerdotes, adolescentes, pecuniosi, nobiles, ita  
undiq; ad eos confluunt scorta, ut locus matribus  
ipsis familiis uix iam in urbe sit. Neq; enim est lo-  
cus in orbe terrarum ullus, unde meretrix Romæ  
non sit. Quarum censum cum anno ab hinc sexto  
ageret præfectus lictorum urbis, censa sunt mere-  
tricum

tricum capita XLV. millia: quod uos ex ipso cen-  
su cognoscetis, quem recita.

### CENSVS MERETRICVM.

Ex hoc censu perspicitis Iudices, quam lernam  
hic nobis in urbem Romam introduxerit: unde tot  
libidinosissimæ oriũtur hydrae, quibus matrimonio  
urbs ipsa purgetur necesse est. Quod si hic in eccle-  
sia stare uoluisset, licebat sacerdotibus, pro mere-  
tricibus has easdem mulieres uxores nunc habere.  
quarum mulierum numerus, cum ipsorum cœlibũ  
in urbe numerum non excedat (nam hoc quoq; est  
cognitum) tot essent uxores, quot sunt inibi sacer-  
dotes. Nunc uerò matrimonio sublato, tot sunt sa-  
cerdotes, quot sunt in urbe meretrices. Et meritò  
quidem. nam tu id quod in manu tua fuit, nempe li-  
gare fide uirum cum uxore, tollere potuisti: ius ue-  
rò ipsum naturæ tollere non potuisti. Nam Aristo-  
telis est illud uetus, ut materia formam, sic mulier  
appetit uirum: & ut forma absq; materia esse ne-  
quit, ita nec uir, & planè uir, potest esse absq; scœ-  
mina. Quare sacerdos mulieri fidem ne det, prohi-  
bere credo ui potuisti: ne uerò is mulierem appe-  
tat, neue cum illa cõcumbat, prohibere non potui-  
sti. Frustra uisitatores, frustra archidiaconos tuos  
scortatoribus custodes posuisti. Quis enim ipsos cu-  
stodiet custodes? quos tu oculos tuos appellare so-  
les: qui si oculis pleni essent, ut Argũ quendã fuisse  
serunt,



ferunt, & si cōtinentissimi ipsi essent, tamen caligabit mihi crede in stupro oculus hic tuus, ubi nō cen-  
seas: obrepet etiam scortum, ubi non putes, quod mi-  
hi etiam ipsius Archidiaconi (si sit necesse) pre-  
mat supercilium, ut mihi illum placatum reddat.  
Qui si scruerit, tamen tribus marchis acceptis abi-  
bit libens, illud in aurem mihi canens: Si non caste,  
tamen cautē. Sic ille delinitus à me, non tantum me  
non accusabit corā te: sed etiam continentissimum  
me dicet esse omnium clericorū apud te, dignumq;  
me esse ducet omnibus gratijs & dispensationibus  
tuis, & cui des ea quæ sacerdotibus maritis abstu-  
listi. Deinde hic tibi laudabit meretricis meæ for-  
mam, ingenium, mores etiam cōmendabit: dignāq;  
esse dicet, quæ in urbe cōmoretur, & quæ tibi sit  
tributaria. Nam & hic quæstus Romæ est uberri-  
mus. scorta enim Romæ (ut scitis) ex censu quot-  
tannis tributa conferunt. In censu habēdo, potestas  
omnis æstimationis habendæ, summæq; faciūdæ Ba-  
risello permittitur: quo sanè censu ingens pecunia  
conciliatur, dum pro ratione scortationis, atq; mo-  
do, cuilibet meretrici tributū imponitur. Ea enim  
urbis est disciplina, ut scortū tāto plus in tributū  
cōferat, quāto pluris noctē uēdit. Et ne quis me for-  
tē accusatoricē fingere rē tam impudentē putet, co-  
gnosce ex rationib. relatis ipsius Bariselli, ut Ro-  
mæ in singula scortorū capita tributū describatur.

RATIO-

KATIONES BARISELLI.

Gryssa, Elaminia, Saltarella, aureæ: Betina, Fara  
resa, Fornara, diobolares. Hic quæro, cur tibi illæ  
aureæ, istæ uerò diobulares uideantur esse: nisi for-  
tē, quod illæ maiorum cœlibatum sustineant, istæ  
uerò minorum, ut ita tributum illarum ex æques  
pondere. Sed dum numeratur hoc istud Romanum  
pecus, non uobis in mentē uenit Iudices, cogitare,  
quanta hæc lues atq; labes Latine sit Ecclesiæ: cū  
censum fieri, ex quoq; peccata in illa uersari, quæ  
non tantū esse, sed ne nominari quidē inter nos uult  
diuus Paulus? Scorta etiam certo tributo notari. et  
in ciasses istius lege describi, quātum tandem dede-  
cus hoc esse nominis Romani censetis? nō uobis Sar-  
danapalus quidā, aut Heliogabalus, & nō Ponti-  
fex Ro. in Ecclesia uersari uidetur? qui nō solū nu-  
tu, uolūtateq; sed etiā legib. atq; decretis scortatio-  
nē matrimonio antetulit, aluit, atq; auxit? qui cor-  
pora Christi lota sanguine, tēpla Dei, habitacula  
aut Spiritus S. lege sua cōstuprauit, fœdauit, inquit  
nauit omni scelere? illaq; ne quid fortē prætermi-  
teret, tributo etiā notauit nefario? Homo omnium  
amentissime, tantū ne tibi de nobis licuit, ut nos tot  
notis, ac tātis infamijs notares? ut genus nostrū, ouī-  
le Christi, prostitueres, ac precio libidini addice-  
res? Cur nō potius, id quod traditū à maioribus ac-  
ceperas, ex meretricibus matronas, ex scortatorib.  
maritos

maritos sacerdotes fecisti: ut hæc genera libidinum sacrilega, hac ista parua immutatione ex Ecclesia Dei funditus tolleress: ut in ea uitam pudicā, quam acceperas, constituueres, atq; adco retinercs: tantine tibi hic quæstus fuit, ut puellas ingenuas, honestas matronas, quæstui proposito ad stuprum uocares, & tantum scelus portis patentibus in urbem reciperes? totumq; illum puellarum atq; mulierum infelicem cœtum impurissimo liçtori subijceres? ut hac ratione Sodomam illam nobis, atq; Gomorram uerem in ea urbe referres, quam omnium gentium arcem, atq; lumen summi imperij Deus esse uoluit? In qua urbe olim omnes illæ præclarissimæ uirtutes, iustitia, fortitudo, temperantia, atq; modestia, natæ, atq; esse dicuntur: huic ne tu urbi hanc tam calamitatem inuissisti? hanc ne tu urbem solam ex omnibus tibi delegisti, in qua plurima stuprorū ac flagitiorum tuorum monumenta constitueres?

Iam uerò illa probra atq; dedecora, Iudices, quæta sunt, quæ ue hac ista quasi quadā lerne a palude, hoc autore, & quasi parente gignuntur? Hic enim incertum est genus: non noti parentes, ignota soboles, incerti fratres: non notæ sorores, fratrum ac sororum hic certus est concubitus, ob incertum genus. Ex hac tali confusione atq; turba qui nascuntur, quàm foedi sint, quàm miseri atq; calamitosi, facile perspicitis Iudices. Partus aut eduntur cū probro,

bro, aut flagitiose supprimuntur: dum quæ paulo pudentiores sunt, aut ueneno partū abigūt, aut ubi pepererint exponunt: interdumq; in lacunas ac piscinas, atq; in ipsum Tyberim, ut lateant, abijciūt. Id quod Gregorio pontifice compertum est, cū ex piscina quādam ad Tyberim sita, uerriculo tot infantum demersorum corpora extracta sint, ut eo conspectu Roma territa, ne terra illi dehisceret, ad Gregorium cuncta concurrerit. illiq; tot cadaueribus præsentibus fructum huius impuri cœlibatus exprobrauerit: cum coram uideret tam præsentem non iam corporum, sed animorum interitum: qui prius occiderunt, quàm ab Ecclesia baptismum recipere potuerunt. Quantum hoc uenenum sit Ecclesiæ, quanta contagio, uideris: dum natura scortationem fugiens, ius suum à nobis tanta strage, hominumq; innocentium interitione repetit: neq; ea occulti finit, quæ contra illius nutum nefarie, malicioseq; geruntur: profert in lucem, ac in oculis omnium, cōspectuq; ponit, ut argumentis præsentibus ulciscatur, se à nobis læsam. Quid uerò illi, quos nō ipsorum parentū uoluntas, sed diuina quædam sors seruat, meliore ne conditione sunt? Non multo quidem Iudices. nam illi cum uita sensum quoq; infamiae amittunt: hi uerò cum acerbissimo ipsius infamiae sensu uiuunt, easq; pœnas scortationis dant, è qua sunt orti, spreti, cōtempti, abiectiq; ita sunt,



ut præter auram hanc cōmunem nil illis leges cum ingenuis cōmune uelint esse. Inquinari omnia publica munera non solum contactu, sed etiam conspectu illorum putantur: nulla his testimonij dictio est, nullus ad honores aditus, nulli magistratus his mā dantur. à sordidioribus etiam artibus arcentur: deniq; nullo sunt in repub. loco, neq; numero, ut umbrae potius quàm homines, intertrimenta ciuitatum, quàm ullæ illarum partes esse uideantur. à sacris uerò ita arcentur, ut spurio neq; aram tangere, neq; sacra facere, neq; sacerdoti esse, ullis legibus Ecclesia liceat. Tanta ignominia notarūt scortationem omnes mortales: has etiam notas inusserunt huic generi sacrilego omnes leges ueteres. Quas tamē leges, quod uehementer scortationi essent aduersæ, hic noster præclarus autor omnes sustulit de medio, ne quid fortē ad scortationem nobis obstaret. Cū enim tāta esset in urbe scortatio, quanta ab his qui Romæ non fuerunt, uix credi potest, & cum inde ingens turba spuriorum quotidie ederetur, & in his suos etiā atq; suorum uersari iste uideret, re ipsa admonitus legem tulit, qua hi legitimi posent reddi: quos cum aduersus omnes leges iure liberorū donaret, nil differrent ab his qui ingenui sunt nati. Iussit enim, ut eosdē honores in repub. cum ingenuis gererent, easdem etiā artes pertraherent: sacrisq; non solum interessent, sed etiā sacrifici-

sacrificium, quod sit pro salute populi, si illis uideretur, facerem. Videtis Iudices, quā hoc pulchrum sit: intelligetis illum eis hominibus locū in Repub. atq; in Ecclesia dedisse, quibus ne cōmercium quidem esse oporteret. Infames illos, inquit, esse dolebam. Adiuuo te, mei quoq; testes idem dicunt, scortatione infame genus edi. Sed illud tamen abs te quero, hæc ista infamia, naturā ne in spurijis tuis hæret, an uerò opinione cōmuni? Si opinione, quid te futurum est? quod confuges? ubi nitere? aut quomodo perficies, ut quem omnes detestantur, omnes contemnunt, ac uix hac luce dignum putant, ei nos tua lege adducti, locum inter nos demus, ac illum parem nobis subitō factum esse putemus genere, nomine, familia? At uide quid intersit inter meā opinionem, ac tuam. Ego si causam proferre non possem, cur tua lege infamia spurijis hic tuus non leuetur: tamen mihi illud satis esset, eum quem omnes mortales oderunt, quem infamem esse scito cōmuni decreuerūt, odio omnibus esse debere: tibiq; pugnare cum animis atq; cōmunibus sententijs hominum non licere, neq; istam legitimationē tuam, (utamur enim hoc uerbo, ut in re noua nouo) quicquam apud nos ualere oportere. Nunc uerò cū causam uideam cur hoc ita sit necesse, & quod scortationē matrimonio nunquam parem fuisse reperiā: propterea neq; seruum libero, neque spurium ingenuo

genuo parē ego unquam putabo. Quod si hæc infamia natura in spurijis inest, scriptumq; ita sit, Nō erit hæres filius ancillæ cum filio liberæ: quæ tandem tua lex ista erit, quæ hanc legem naturæ immutet? Nulla ratione profecto Syrici, ne si cupias quidem, neq; enim protinus quod tu cum Bartholo aut Baldo, aut cum illo monacho affirmaueris, res ita erit: cum qua oratio conuenire, non illa cum tua oratione debet. Quapropter ut ancilla Dei lege nunquam par erit liberæ, sic neq; seruus libero, nec spurius par erit ingenuo. Et si erit, tibi erit: habe tibi tales ingenuos, in honore apud te sint, atq; in precio, si lubet, facile nos tibi illos remitemus: modo res pub. nostras nō attingant, artes nō tractent, neq; honore liberorum apud nos sese uenditent. In quo tamen illud est præclarum, cur eos quos in matrimonio è sacerdotibus nasci non uis, ingenuos à nobis uis existimari? Et quorum legitimum odisti genus, cur illis legitimum nomen imponis? Cur emen-  
tiris? Cur eos, ita ut sunt, spurios appellari non sinis? Hoc monstri simile est Iudices, à re abhorrere, nomine uerò rei gaudere. Equidem interdum audiui rem nonnullam esse honestam, quæ tamen honesto nomine careat. sed honestum nomen ut rem turpem habeat, hoc ego non audiui: atq; adeò nil tale esse in rerum natura contendo, quod nomine honestum cum sit, re ipsa sit turpe. Quamobrem cum  
tua

tua lege sacerdotis filio legitimum nomē imponas, cur res ipsa legitima ne illi hæreat prohibes? cur interdicis? cur seuis tāto perē in eos qui rem ipsam legitimā amplectuntur? cuius tu nomen tāti facis, ut illo rem turpem honestes. Non hæc uobis portenta uidentur esse Iudices? nomen ipsum probare, in laude ponere: rem uerò ipsam, cuius hoc nomē est, turpem existimare? Iam illud cuius tandem est dementia? homines infames honesto nomine ornare, à re uerò honesta illos arcere? Nō hæc uobis infania eleboro digna esse uidetur, quæ ex hoc homine purgetur: non Margetes hic uobis quisspiam stolidus hæc loqui, ac sancire uidetur? quem dubitasse ferunt, pater ne, an uerò mater illum aluo ediderit: ut hic quoq; spurium ne nasci, an uerò legitimum, addubitare uidetur. Habe tibi istas tā præclaras leges Syrici, et ijs perfruare si lubet, cū tuis: nos illas nolumus, quibus tu non solum obscœnitatem tantam in urbem introduxisti, sed etiam res turpes honestis uocabulis permutasti: primusq; omnium excogitasti, quomodo id quod nomine esset honestum, re ipsa sit turpe. Valeat hæc tua improbitas, in illo meretricum conuentu misero atq; calamitoso. Medcantur sanè præclaræ matres familiās illæ, hoc tuo inuento suæ infamiae: pariant tibi tales liberos ingenuos, cum ita sit necesse: urbem etiam Romanam repleant hoc tali genere. à nobis certè repu-  
diatur



dietur hoc tuum scelus, qui naturam ducem sequi-  
mur, & quæ honestatem ipsam, pudicitiamq; omni-  
bus legibus constitutam tuemur. Vnde etiam nil scæ-  
dius scorto, nil turpius spurio, nil obscœnius legiti-  
matione hac tua flagitiosa & infami arbitramur  
esse, honorabile connubium esse ducemus, cū ux-  
oribus pudicè uiuimus: uerè liberos, uerè ingenu-  
os è nobis edemus, quib. Ecclesiā Dei illustremus,  
respub. ornemus, honores mādemus, et quos ad oēs  
artes applicemus: deniq; quibus è uita decedentes,  
uitā hāc mortālē gerendā ac curādā tradamus.  
Nil iā Syrici, in tāta ueritatis luce patefacta, apud  
nos ualebūt decreta, nil edicta neq; interdicta tua.  
Et ne fortè mē aliorum nominibus in hac causa niti  
putes, & quoniā cōmotus rumore ducta à me ux-  
oris fortunis meis inhiās, atq; immines, audi quā-  
m ego defugiam autoritatē huius facti. Animadu-  
erte quæso, quanta spe in hanc causam sim ingressus,  
& quā ego me decretis atq; interdictis tuis pro-  
hiberi ab uxore putē. Vide quāta lux libertatis di-  
cendi mihi apud hos affulserit: quantum potero uo-  
ce contendā, ut hoc oēs exaudiāt. Adestote omnes  
animis, qui adestis corporibus. Et qui mecū unā ab  
hoc oppressi estis, erigite mentes, auresq; uestras:  
& me de inuidiosis rebus (ut ille putat) dicentē at-  
tēdite. Ego sacerdos in Ecclesia Præmisiensi nu-  
tu Dei Opt. Max. factus, cū Syricius legibus latis  
crudo

crudelissimū et luctuosissimū exitiū Ecclesiæ cōpa-  
raret, cum matrimonium expugnet, cum scorta-  
tionem in Ecclesiam introduceret: cū uirgines in-  
genuas, honestas matres familiās ad stuprum uoca-  
ret: cum tot partus supprimeret, tot spurios ede-  
ret: cum me nefarijs amoribus, uetitisq; amplexi-  
bus implicaret: cum mihi uxorem, liberos, familiā  
eriperet: ausum esse profiteor, cōtra ipsius imperi-  
um, uxorem ducere. Itaq; duxi: meisq; consilijs ac  
periculis multos, cum secius non possem, sacerdo-  
tes scortatione liberaui: multis uxores reddidi:  
multos adulterio, multos Sodomia, multos pecu-  
dum concubitu liberaui, ac data uxore ab interitu  
seruaui. An tu me existimasti ueritatem à me patefa-  
ctam contaminare uelle aliquo mendacio? Nec si id  
à me nondum factum est, iccirco etiam non debere  
fieri isti statuunt: in quorum tu oculis tantorum sce-  
lerum non iam uestigia, sed cubilia reliquisti. Quid  
enim est quæso Iudices, quod in tam immuni scele-  
re faciendum censeatis? iam ego uos consulo. Scor-  
tationē corrupisse omnia uidetis: in quanta etiam  
infamia simus stuprorum gratia scitis. Hic ego im-  
ploro sensus uestros, uniuscuiusq; imbecillitatē obte-  
stor, peto ut mihi consilium detis ex intimis uestris  
cogitationibus, atq; ex humanitate communi. Lex  
lata fuit nubendi, per hunc sublata est. Continen-  
tia mihi non datur, ergo illam non capio: Scorto  
h 4 uitor,

utor (iam enim meipsum uobis aperiam) adulterio  
 pereo, libidine in præceptis uado: uxor deest, quæ  
 manum porrigat, & quæ me inde eruat. Hic ego à  
 uobis peto, ut de me statuatis, priusquam peream: u-  
 xor ne mihi mandato Dei, an scortum lege Syricij  
 habendum sit statuere. nam nil est tertium. In coram  
 enim numerum me aggregetis, qui non continent:  
 & qui uerbum illud continentie, quia non datur il-  
 lis, ideo non capiunt. utrumlibet tandem mihi cen-  
 sueritis, sequar. Sed illud tamen hac in re cogitate,  
 atque diligenter prouidete. non multum fortasse ue-  
 stra interest, scortum ego, an uxorem habeam: sed  
 ad dignitatem atque existimationem uestram pluri-  
 mum hoc pertinet, Iudices. Si enim Syricij lege cō-  
 cubinam, hoc est scortum mihi dederitis: cum Sy-  
 ricio opinione omnium iam damnato, facere uide-  
 bimini. Si uero mihi uxorem reddideritis, omnes  
 leges antiquas in suum locum restituetis, quibus ma-  
 trimonium in hominum uita ab initio est constitu-  
 tum. Illud primum nolunt: hoc alterum à uobis cum  
 et petunt, non solum isti qui circumstant, sed etiam  
 illi qui absunt: qui cum alias res nunc agant, de uo-  
 bis tamen crebro recordamur. Itaque arbitrantur  
 uos illis uxores suas hoc uestro iudicio esse reddi-  
 tutos. Nolite Iudices hunc nuntium tam acerbum  
 illis mittere, si uxores speratas illis iugaueritis: ne-  
 que hos qui adiunt, à uestro iudicio mæstos ac de-  
 missos

missos redire ad illos patiamini, quos erectos &  
 alacres coram stare uidetis. Nil impedit Iudices,  
 quo minus hoc tantum bonum, quo ab isto priuati  
 sumus, restituatis nobis. Audistis recitari ueteres  
 leges, prophetas item omnes, Christum postremo,  
 atque Paulum legi audistis. In omnibus autem ijs Deum  
 aperte, quid sequendum sit uobis, monstrare cogno-  
 uistis. Quare cum tot præiudicia, tam clara atque  
 manifesta habeatis, dubitatis ne id sequi, quod De-  
 us iubet, & lex ipsa mandat? Tum etiam illud fa-  
 cite cogitetis, quæ autoritas uestra, quæ cōditio no-  
 stra, quis status Ecclesiæ sit futurus, si hæc multitu-  
 do quæ ad hoc iudicium ex toto orbe terrarum cō-  
 uenit, fracta desperatione hinc dilabatur: si libidi-  
 nem pro continentia, scortationem pro matrimo-  
 nio secum domum retulerit. quæ tempestas erit ista,  
 quæ acerbitas Iudices? quomodo huius tantæ cala-  
 mitatis inuidiam sustinere poteritis? Quis uestras  
 partes tuebitur? quis sequendos, ac non potius re-  
 linquendos uos putet esse, iam nunc cogitate. In  
 sermone rescitote esse Iudices: omnium hæc sententia  
 est, & oratio, non esse dubitandum, si uos istius nefan-  
 diam legem comprobaueritis, quin quisque Lutheram  
 se dici, quam Romanum malit. Cuius Luthe-  
 ri, etsi pleraque decreta ueteri Ecclesiæ repugnent,  
 tamen hæc corrigi facile posse priuatim in illo pu-  
 tant: hoc uero de matrimonio quod ille suaserit, tan-



ti apud omnes est, ut si comparatur, uestra bona si-  
ne hoc sint nobis relinquenda: mala uerò Lutheri,  
cum hoc eodem, sint à nobis ferenda. Quid enim  
proderint ista nobis obsecro Iudices, quòd Romæ  
Petri sit sedes, quòd ibi sint claues, si nos ipsi scorta-  
tores, si adulteri fuerimus? quibus Paulus scribit cœ-  
lum clausum esse: quò ergo claues erunt? aut quid  
proderit nobis Petri sedes, si nos scortatio ipsa pri-  
us absorbeat, quàm Petrus nobis cœlum aperiat?  
At uidete, ne in matrimonio castè ac pudicè cum  
Luthero uiuendo, iustè de uobis cum nonnulla ue-  
nia queri possimus: Claues quidem penes uos esse,  
sed illis tamen frustra cœlum aperiri, in quod scor-  
tatione graues uos ipsi uiu, nos uerò nullo modo  
possimus intrare. Id quod testimonio hoc isto Pau-  
li liquet.

#### TESTIMONIVM.

Nolite errare, neq; fornicarij, neq;  
idolis seruientes, neq; adulteri, neque  
molles, neque masculorum concuba-  
tores, & cætera, regnum Dei possi-  
debunt.

Quare si in turpi scortatione, postremaq; no-  
stra desperatione nil aliud quàm sedem uestram,  
atq; claues cõmentemur, quid quæso proderit no-  
bis? At si bene & pudicè extra urbem Romam ui-  
xerimus,

xerimus, & à uobis ideo reijciemur ac proscribe-  
mur, quòd impudicè Romæ uiuere nolumus, quòd  
uerbo Dei contra uestrum edictum paruimus,  
quòd Romæ claues quàm honestam uitā relinque-  
re maluimus, non ueremur ne in nos grauius Chri-  
stus animaduertat. Facile nobis dabit hanc ille ueni-  
am: & alijs clauibus, quibus non putamus, cœlos  
nobis ille aperiet: præsertim cum hoc illi querenti  
respondere possimus. Recessistis à nomine Roma-  
no? Recessimus. Quid ita? Quia alligabant nobis  
onera grauiora, & importabilia, et imponebāt in hu-  
meros nostros, digito autè suo nolebant ea mouere.  
At ibi sedes et claues sunt? Sunt, fatemur, quibus  
illi clauserūt regnū cœlorū ante nos, in quod nec ip-  
si intrāt, nec nos introeūtes intrare sinūt. At obe-  
diēdū illis fuit. Minimè uerò Domine: Tu enim  
ore Pauli serui tui præcepisti nobis hisce uerbis,

#### EPISTOLA DE COELO.

Sed licet aut angelus euangelizet  
uobis, præterquàm quod euangeliza-  
uimus uobis, sicut prædiximus, anathe-  
ma sit. Et nunc iterum dico: si quis uo-  
bis euangelizauerit, præter id quod  
accepistis, anathema sit.

Quare cum tu præciperes ( sic enim cum  
illo sermocinaremur ) ut contra fornicationem,  
uxorem

uxorē haberemus, & quod hāc illi nobis suis decre-  
tis eriperēt, parēre illis nolimus, maluimusq; ex-  
tra urbē cū uxore, quā cū scorto in urbe tuo man-  
dato uiuere: ideo ab illis profugimus, ideo etiam se-  
dem illam cum clauibus reliquimus. Quod etiam  
ante nos fecerūt hac eadem de causa serui tui Græ-  
ci, Alexandrini, Antiocheni. Ligati estis igitur  
ab his: Ligati, Christe domine tu soluas nos opor-  
tet, contra uerbū tuum compeditos, ac uincula no-  
strā iniusta dirumpas. Hæc nos illi ita responde-  
remus, & iuste opinor. neque enim uos in hac sede  
ideo consediſtis, ut ex ea uerbum Dei mutetis, ho-  
mines etiam ipsos omni malo mactetis. Claues etiā  
ipse, uestre fidei tradita, ad salutem, non ad perni-  
ciem hominum debent ualere. Quod si uos his per-  
peram fueritis uſi, clauium nomen ac uim amit-  
tent: quam si etiam retinerent, tamē inueniet Chri-  
stus alias, quibus uobis inuitis posset seruare suos.  
Hoc enim homines scelerati, quibus cum continen-  
ter Christus bellum gessit, pharisei etiam illi age-  
bant, qui clauē utiq; habebant. homines dicto audi-  
entes Christo ex synagoga proſcribebāt, claudēbāt  
illis cœlū, aperire nolebant illud, id quod illis sæpe  
exprobrat Christus. Inuentas tamen habuit Chri-  
stus alias præter illorū clauē, quibus nobis cœlum  
patefecit: & illis qui clauē tenebant, exclusis, in  
cœlum nobiscum introiuit. Malē enim ſeres habe-  
ret,

ret, Iudices, si tu clauē habens, omnia nefariē de-  
cernas, & illa mihi imponas, quæ ego quod fœda  
ac intolerabilia ſint, cum ferre nolucro. tu protin-  
us iactabis Petrum, proſeres plumbū, ostentabis  
clauē, quibus me mandes Orco. Quapropter non  
ſolū quid poſſitis, ſed etiā quid uobis facere ſit neces-  
ſe, uidere debetis: ut cū ego decreto ueſtro uerbo  
Dei firmato nō ſtetero, tum uos has iſtas clauē, tan-  
quā gladiū cōtra me proſeratis, quib. me arbitratus  
ueſtro feriat. quod ſi quid uos aliter, quā Deus  
uelit, iuſſeritis: & ſi ego uobis nō obediucro, hære-  
bit hic gladius ueſter in uagina, Iudices: et ſi aliqua  
ui inde educetur, ſua tamen acie carebit, ac hebes-  
cit. & ſi feriet, uulnus tamē nō ducet, illo prohibē-  
te qui dixit: Vos ligabatis, ego ſoluebam. Hinc iam  
uos perſpiciſtis Iudices, quā nobis pateāt portæ,  
ut egrediamur ex urbe: ſcortoq; Romæ relicto, u-  
xorem ubiuis gentiū quæramus, cū qua bene ac pu-  
dicē uiuamus. ſi uos illā nobis Romæ negaueritis.  
Nil nobis ad eam rem obſtabit ſedes Petri, nil etiā  
ueſtræ clauē oberūt, quo minus uxorē capiamus,  
quæ à Petro ipſo huius ueſtræ ſedis principe. atq;  
huius collega Paulo nobis datur. Deniq; ſi pereun-  
dū mihi in utralibet parte eſſet, tamen extra urbē  
Romam, ſine clauibus, in matrimonio honeſtē cade-  
re, quā in urbe Roma cum clauibus, in ſcortatio-  
ne turpiſſimē, malim perire. Nam ego uel apud in-  
feros



feros Acacū atq; Rhadamanthū equiores puto esse iudices, maritis, quā sint illi scortatoribus. Nūc uerò cum periculum nullum sit in causa, si connubium fuerimus secuti, ita ut si in alteram partē peccandum sit, Romam quā uxorem relinquere malimus: uestrum est praeuidere, ne nobis ad hoc consilium postremum confugere sit necesse. Non est causa cur nos ad hanc postremam desperationem adducatis. omnia uos hortantur, ut uxores nobis restituatis: omnia suadent, urgent, ac monent omnia. Deus primò ipse, parens atq; creator maris ac foeminae: ipsa natura, nutricula matrimonij atq; comes: imbecillitas postremò nostra, quæ misera atq; afflictæ uos orat atq; obtestatur Iudices, ut illi quā primum opem feratis: ut erecta recreataq; per uos, unā uobiscum in urbe Roma, in cōmuni omnium gentium patria etatem degat: ut uacua libidine, soluta scelere, ab hac quoq; desperatione liberetur, ne illi uel Lutherū sequi matrimonij causa, uel Roma fugere scortationis ergò sit necesse. Possumus hæc nos utraq; simul retinere Iudices, Romam cum matrimonio nempe ipso, quo nitamur, & quo nos consolemur. Quod nobis facilius permittetis, si cogitaueritis illa probra atq; dedecora, quæ & uos ipsi uidetis, & à me iam sunt cōmemorata, quæ ne in ordine nostro essent, omnibus diuinis atq; humanis legibus prouisum fuit: quæ leges quādiu in Ecclesia

clesia manserunt, tamdiu summo honore atque estimatione habiti fuimus: istis uerò sublati, omnia cum illis amissimus: non fidem, non existimationē, non ullam denique opinionis bonæ de nobis partem reliquam habemus. Vidit hoc sanctissimus ille, & grauißimus Concilij Niceni autor Paunnius Aegyptius, & quantū his in legibus ordini nostro situm esset, longè prospexit in posterum: dum senex, libidinisq; expers, patribus autor non fuit, ut aliquid de sacerdotū patrimonio immutarent, cum nonnulli de abrogādo illo referrent. Cuius tamen auctoritati paruerūt patres illi, & illius sententiā pro lege nobis perscripserunt, quam recita.

#### LEX PAVNVTIA.

Nicæna Synodus uolens corrigere hominū uitam in Ecclesijs cōmorantium, posuit leges, quos Canones uocamus. In quorū tractatu uidebatur aliis quibus introducere legē, ut Episcopi, presbyteri, diaconi, subdiaconi, cum cōiugibus non dormirēt. Surgens autē Paunnius cōfessor, contradixit: honorabiles cōfessus nuptias, & castitatē dicēs esse cum propria coniuge cōcubitū. Suasit itaq; Cōcilio, ne talem ponerent legē: grauem esse asserens causam, quæ aut ipsis, aut eorum cōiugalibus occasio fornicationis existeret. Et hoc quidē Paunnius, licet nuptiarū esset inexpertus, exposuit, Synodusq; laudauit sententiā eius: et nil ex hac parte sanciuit, sed hoc in uni-

in uniuscuiusq; uoluntate, non necessitate permisit.

Quid expectatis, quid queritis amplius Iudices: dubitabitis ne eam auctoritatem sequi, quam Synodus illa, qua constituta esse religio nostra dicitur, tanta auctoritate secuta est: quæ auctoritas si non esset, & si omnes mortales à legibus illis, quas prius recitauimus, discederent, tamen uobis standum illis esset, neq; ab his quopiam discedendum. Nunc uero cum etiam accedant decreta, institutaq; maiorum, dubitabitis ne id sequi, quod in Ecclesia sanctum atq; à maioribus usurpatum fuisse confitemur? Quomodo quaeso Iudices, uestrum hoc dicitur esse Concilium: si à tam uetusto, à tam sancto, tam exemplorum pleno Concilio, uestrum hoc Concilium dissentit? cum hoc norma sit, atq; regula quædam, ad quod cetera Concilia sint uobis referenda, ac exigenda. Quod ut nobis quoq; apud uos pro sit, à uobis petimus Iudices, non gratia, non temeritate. non ulla potentia à uobis hoc contendimus: sed lege, usu, atque maiorum exemplis à uobis petimus: ualeat idem nunc apud uos, quod apud illos ualuit. Hoc etiam idem nobis in hoc iudicio pro sit, quod illis in Niceno concilio profuit maioribus nostris, qui defendente Paunutio, uxores suas in Ecclesia retinuerunt. Quo illi omnia illa effugerunt uitia, quæ in nos crudelissimè, luctuosissimeq; redundarunt. Quare si illis qui continenter in presenti matrimonio uixerunt, patres illi

illi propitii fuerunt quid à uobis nos non impetrebimus, quos perspicitis incontinentissimè, flagitiosissimeq; uiuere: qui hoc isto impuro coelibatu nostro dictum Paunutij sapiens comprobauimus? Nam cum hac ista Syricij lege, omnis fornicatio, quam Paunuius prædixit, in Ecclesia illapsa est: qua ut leuemur, hac lege excludamur, matrimonium in Ecclesiam reducat necesse est: unde multa bona capiemus, estimationem autem ante omnia recuperabimus: quam amisimus, dum contra Paunuciam legem Syricie legi paremus. Hoc à uobis cuncti petimus: hoc etiam pro iure nostro à uobis poscimus. Date hoc nobis, quod potestis, Iudices: & cum dederitis, uolente Deo, iubente natura, omni etiam uetustate concedente nobis dederitis, feremus hanc legem facile: honestè ac tranquillè in matrimonio uiuemus: contemni etiam desinemus. nam ita nunc despicimur, ut sacerdotij ac honoris nostri amplissimi nomen plus inuidie nobis, quam honoris asferat. Satis iam. satis à nobis factum est Syricio, Iudices: satis ille iam nobis ad omnem infamiam abusus est. Desinat aliquando, ac tantis malis nostris satur quiescat. Quid enim illi restat, aut quæ turpitudine fuit, & infamia, quam nos illius lege non tulerimus? quæ mala illi, aut incommoda expectanda à nobis sunt, præter hæc quæ iam cernit? Vidit flagrantem libidine Ecclesiam, uidit ardentem inuidia



uidia sacerdotem, uidit libidinis nostræ participes  
 puellas, matronas ac pueros ingenuos: uidit spurios,  
 ac subditos: uidit deniq; suppressos nefariè ac  
 sceleratè partus. Quid superest illi de nobis? aut  
 quas poenas adhuc à nobis poscit, cum sua lege nos  
 prostratos, ac iugulatos uideat? sit iā eo contentus:  
 patiatur aliquādo recreari nos, et nos à uobis subleuari  
 nō molestè ferat: neq; suam legem tantū apud  
 uos ualere uelit, ut uos uestri obliti, legē illius diutius  
 in Ecclesia grassari patiamini. Satis diu fuimus  
 in miserijs Iudices: satis multos annos ex inuidia  
 laborauimus. Vos, qui in hoc iudicio patroni  
 Ecclesiæ estis, si scelus odistis, prohibete aditum  
 huius à nostro sanguine. date hunc illi incredibile  
 dolorem, ex salute Ecclesiæ, et ex uictoria nostra.  
 patiamini illum uictum potius, quā uictorem ex  
 hoc iudicio abire. Vos etiam adeste nobis Iudices,  
 exonerate hac inuidia ordinem nostrum: restituitis  
 nobis dignitatem amissam. Hæc etiam mala atq;  
 incōmoda cōmuni uestro præsidio tollatis de  
 medio: ut hic tantus sacerdotum numerus, qui adest,  
 latus hinc discedat ad suos finemq; adesse iam  
 nunciet omnibus hisce malis, quæ tot seculis tulimus,  
 ut hoc uestro uno iudicio Ecclesia in perpetuum  
 stabilietur. Nomen etiam ipsum Romanum,  
 suam pristinam dignitatem apud omnes gentes recu-  
 peret: ut omnibus pacatis rebus, atq; constitu-

tis, uerè possimus gloriari, nos in optima Ecclesia  
 hoc uestro iudicio constituta uiuere: extra quam  
 non est salus, & in qua sola datur id quod nobis  
 per filium suum promisit Deus: qui ut uobis quoq;  
 in hoc iudicio præsens adsit, oramus omnes:  
 nosq; in primis, quos uxore carere  
 non posse, scitis.

Dixi.

i 2 AD

AD IVLIVM III. PONT. ROM.

Stanislaus Orichonius.



Beatissime Pater: Testor  
coram Deo, & Christo le-  
su, & electis angelis eius,  
ut hæc legas, ac secundū  
ea mihi citò respondeas,  
sine præiudicio sacramentorum Ec-  
clesiæ Dei, nihil faciens in alterā par-  
tem declinando. Pecuniā pro respon-  
so nullam mitto, ne emissæ, non impe-  
rasse responsum abs te uidear. Gra-  
tis ergo cum respondendi munus  
acceperis: gratis quoq;  
mihi respondeas.

STA-

STANISLAI ORI-  
CHOVII RVTHENI AD IVLII-  
um Tertium Pont. Max. Supplicatio  
de approbando matrimo-  
nio à se inito.



I per tuam potestatem, Iuli pa-  
ter, uitam honestam tueri mihi li-  
citur fuisse, in uxore abs te pe-  
tenda operam nunc non abute-  
rer. Sed quoniā tua potestas Pon-  
tificia obstat nobis, supplicabo tibi, non quo me ad  
id ulla cogat culpa: aut quòd credam uxore ducta,  
scelere obligari me ullo: sed quòd metum eos, nisi  
tu eius retinendæ autor fueris, qui in Russia Pro-  
pōtiffices, sanctas dirimunt nuptias, morte, exilio,  
uinculis, atq; damno. Ideo horum metu impulsus,  
ad te uenio, abs teq; peto, ut mihi eā uxore permi-  
tas, quā ego lege naturæ duxi: cuius præscripto ita  
uxore licet ducere, quā licet nasci, quāq; uiue-  
re. Cui quidē legi qui repugnāt, nihil aliud agunt,  
quā Gigantū more bellant cū Deo: ut iurē pro-  
pterea plectatur poena, apud Deū exitio, apud ho-  
mines uerò infamia. Quæ quātā iā sit, testatur tot  
gentes atq; nationes: qui se à Latinis ideo secessis-  
se dicunt, quòd eorum nefariū cōcubinātū diutius



ferre non potuerunt: qui eiecto matrimonio, scortationem in ciuitatem receperunt, summo cum cōtēptu uestre pontificiæ potestatis: quæ quàm propterea iaceat, sentis Iuli. Expertus enim es, cum in Germania legatus à latere esses, nec iniuria sublatam enim ex urbe pudicitia, cunctoq; Latio unâ prostituto, reuerentia quoq; aduersus uestram potestatem stare non potuit, quæ solutæ gentes obedientiâ uestri abiecerunt, cui erant subiectæ Ecclesiæ Ro. præcepto, cuius tu administer & dispēsator es. Ita ij qui fuerunt Romæ ante te, cum cōtra naturam uniuersam contenderent, communi quoq; naturæ ipsius sensu ab hominibus repudiati sunt, atq; cōtempti. Quæ quidem ex re non facîle dixerim, quæ mala sunt exorta. Tot enim hæreses inde natae sunt, quot ferè inter nos sunt homines. Illa enim ipsa urbis Romæ infamia, atq; ipsorum Pontificiū contemptio, excitauit nobis ab inferis ueteres illos Manicheos, Pelagios, Donatos, & ceteros homines impios, quorum furor multis plagis impositis seminuam tibi Ecclesiam reliquit. extincto enim in Latio sacerdotum pudore, deleta etiam Pontificum existimatione, excitata sceleratorum hominū audacia est: quæ cō usque nocendo est progressa, quò ad illam impunitatis spes est prosequuta. Ad quam coercendam, autoritas Pontificum quamuis potens & imperiosa, sine opinione tamen uirtutis

tutis minimum momenti cum haberet, furori illorū cōcessit, licentiâq; agendi quæ quis uellet dedit.

An ego Iulium illum Secundum, à quo tu uinam tantum re distes, quantum distas nomine, quæ noui amo metuam? qui cum nequiter domi, crudeliter bello uiueret, Ecclesiam bellis ciuilibus impleuit. Quid de Leone dicam? de quo illud etiam Romæ apud uos est: Vixit ut leo, mortuus est ut bestia. Tatum enim ille Epicuræis deditus fuisse ferre batur, ut ad eorum modum futuram resurrectionem negaret. Successerat huic Adrianus, qui quòd contra morem Romanum consuetudinēq; Ecclesiæ regere cogitaret, opinione citius nobis est creptus. Quid Clemens? qui cum urbem Romam præde ac direptioni proponeret, Gallumq; cum Casire inter se cōmisteret, ad extremum patriam suam Florentiam oppressit: quo quid detestabilius dici, aut fingi potest? iam Paulus ipse Tertius, cui tu successisti, cætera bonus ac prudens uir cum esset, ita tamen tacitus Pontificatus illius fuit, ut nisi in eo magistratu Perusinos domuisset, ac nisi totus spēs illam Concilij habendi nobis ostentasset, Pontificem Max. nesciremus fuisse. Ita istorum uita omnis partim remissa in munere Pontificali, partim etiam inimica tranquillitati cōmuni cum esset, in summam inuidiam adduxit sedem hanc uestram: quam domicilium non iam religionum, sed fornicationum

tionum cum arbitrentur gentes, discesserunt à uobis, ac dictis atq; scriptis uestrum quoq; Papale nomen ita sunt detestati, ut ij qui Papam sequantur, tanquam malefici Papistæ per contumeliā uocentur. Quorū tamen ipsorum, Papistarū inquam, mira est inter nos paucitas. atq; talis certè quidē, ut nisi retinerentur à uobis translationibus, gratijs atq; dispensationibus, ac ceteris modi istius præmijs, muneribusq; uestris Romanis, ipsos quoque Papistas, quos nunc uix tenetis, iam diu nullos haberetis. Hoc namq; istud pecus putidum ac sordidum, quā sit uobis fidum experire, cedit nullis gratias ipsi esse amplius daturum: pūcto temporis dilabemur tibi omnes isti, hoc isto pabulo ac glande Romano abs te illis subtracto.

Nam illa uestra Confessionalia, Indulgentiæ, Iubilei, atq; Petri limina, parum iam ualent ad alliciendos in urbē homines, ac in fide uestra retinendos. Frigēt enim hæc iam ubiq; ac omnium irrisione luduntur, ut Papistis etiam ipsis uideantur hæc esse præstigiæ quædam ad decipiendos homines imperitos, à Datarijs, Copitis, atq; Officialibus Romanis inuentæ, atq; excogitatæ turpis lucrigratia. Quare harum rerum fiducia, ne Papistas quidem ipsos sperare debes in tua clientela fore diuturnos. Perta sum enim harum rerum iam est, in quib. aliud uidetur inesse nihil, præter illud

meret

meretricium. Da mihi, atq; offer mihi.

Quapropter si auctoritatem priorum Pontificum culpa amissam recuperare tibi cogitas, intellige id tibi negocij antè dari. ut uitam pudicam in Ecclesia constituas: qua exornatus ipse, nos et urbē exornes: ut cum te non solum cum summa potestate sed etiam cū summa uirtute uiderimus in Ecclesia esse, obliuiscamur illorum qui fuerunt ante te, hoc est, Iulij, Leonis, atq; Clementis. Qui cum omnia metirentur emolumentis et cōmodis suis, ipsius honestatis nullam rationem habebant. Licebat enim illis pontificibus, ære dato sororem in matrimonio habere uxorem patris ducere, sacrilegum Episcopum esse, sacerdotem absq; uxore fornicari, adulterari, ac meritorijs etiam uti. Ad summam, ne agam de singulis, cum consimilia tetra quædam et obscena illorum permissu ita passim cōmitterentur, ut dictu quoq; uiderentur esse turpia, dimiuerent pontificiam dignitatem, auctoritatis etiam tibi tantum reliquerunt, quātum ex omni hoc isto naufragio fidelis Petri, illius inquam primi, recordatio inter homines retinere potuit.

Atqui hæc cōmemorantur à me, non quòd uel illis mortuis inultem, qui patrum loco fuerunt: uel illorū peccatis cōmemorandis aliquid tibi exprobre, quem quouis honore dignum multi putant: sed ut intelligas, quantam expectationem sustine-



as, quantumq; onus susceperis eius sedis curanda, quam tãtis uitij priorum pontificum conuulsam uides esse: ut uidelicet à me quoq; homine Rutheno, & si ita uis Barbaro, fideli tamen quoad uoles filio, eas uoces pater audias, quæ iactantur quidem de uobis passim à multis, perferuntur tamen ad uos à paucis. Quibus sanè uocibus in hoc isto ceu theatro Ecclesiæ aperto ac exposito, excitandus nobis es, ut post tot pontifices aliquando cuiusles ad salutem nostram, cui subuenire opitulariq; debes. Eò enim iã sumus adducti, ut aut subleuandi, aut certe amittendi abs te simus. Neq; enim diutius possumus perferre ac pati ea uitæ uulnera, quæ imposuerunt nobis illi ante te nomine pontifices, re autē uera acerbissimi exactores uestri, qui imbecillitatem nostram non ad cõmunis naturæ regulam exigebant à nobis, sed ad crudelia sua edicta atq; interdicta: quibus dum paremus, omnes quasi Sodoma atq; Gomorra facti sumus. Neq; enim iam præ illorum edictis naturā sequimur, neque Deū reueremur: cui apertè fides ab illis abrogata est illa urbis clausula, Non obstandum in cõtrarium constitutionibus quibuscunq;. Qua sanè clausula omnes partes ipsius moderationis, ueræcundie atq; pudicitie, sunt ab illis sublata de medio: quæ ne ullæ inter nos essent, prouisum est cùm cæteris pontificum decretis, tum uerò libro tertio

Decre-

Decretalium diligenter: quo in libro Alexander Tertius simulatione ipsius pudicitie, ueram pudicitiam ex Latina Ecclesia eiecit. Cum enim contra mandatum Dei, contraq; cõmunis naturæ sensum in eo libro edicit, ne homo clericus, neue sacerdos cum sua sit uxor: id agit utiq; ut si is non contineat, sit cum aliena: ut hac uia eos homines perditos Ecclesia habeat, quibus salutem suam scilicet relictissimè committi putat. Neq; uerò opus est nobis in hac re testibus non necessarijs: perspicuum enim est, quam pestem decretales istæ in hominum uitam inuexerint: quæ tanta est, ut Lutherani, genus hominum acre, ac ingeniosum, & dicax, ijsce decretalibus Alexandri contendant, regnum Papæ cum regno Sathane idem esse. Neq; enim alias leges in suo regno ualere uult Satan, quàm eas quæ contra uim naturæ late, hominibus ad perferendum intolerabiles cū fuerint, illis causæ ad delinquendum existant: cuiusmodi esse has istas de cõlibatu sacerdotum Alexandri leges cõstat, quibus legibus demersa sunt mandata Dei, natura etiam nostra est obruta: libertas uerò Christiana tremefacta, tantum destitit à uictu cultuq; ueterum Christianorum, ut si ij resurgeret, nos esse ortos à se negarent. Et certè nisi uobis uehementer addictus essem, tot uitia tantaq; flagitia publica & manifesta, quæ ijsce decretalibus Alexandri cõmittuntur.

me cogerent, Luthero contendente Romā nō aliud esse quā cathedram pestilentiae, confiteri: ex qua profluxit omnis hāc ista honesta uitae pestis, tantāq; audacia, ut non dubitarit Romanus Pontifex contra illud decretum Dei, Non est bonum hominem solum esse, Decretales suas perscribere, in quibus impiē decernit, legitimam illam coniunctionem maris ac foeminae, in homine sacerdote nō matrimonium, sed contubernium dici. Atqui cum tali potestate Antichristus uenturus nobis a Daniele propheta praedicatur, qui mutet tempora & leges, & qui decretis suis omnem legem mandatorū Dei euacuet, nihil inter homines tranquillum neq; pudicum relinquens, sed cuncta libidini suae peruia faciens, ut in hunc modum omnem uitam nostram inquinat atq; constupret.

Ex hoc ergo tali & Satanae & Antichristi regno, ut cum uestigo fugamus, iubemur a Deo, ne illius sceleribus pereamus. Quod quidem iam fecerunt Graeci: quos etiā imitati Bohemi, deinde Germani, ciuitates suas amittere maluerunt, quā in hac ista fornicatione Romana contra mandatum Dei perdurare.

Quos ego quidem homines antequā iisdem de causis sequare, statui supplicare tibi, ne mihi uxorem eripi sinas decretalibus ijsce Alexandri, impijs atq; sceleratis, quibus Dei & hominum iura ab illo

ab illo sunt uiolata: ut si id negetur abs te mihi, inuocem contra te caelum ipsum, quod uidet, ac terrā, quae iam uix sustinet pondus iniquitatum Romanarū: ut si propterea aliquo scelere obstringar, quod profugero abs te, tu omnem culpam huius errati sustineas, qui me retinere uxore data in fide tua cū posses, hac eadem negata amittere maluisti. Ut autem facilius mihi subuenias, idq; quod peto concedas, omnem uitā, ac genus meū tibi iudicabo: quod dū breuiter facio, diligēter pro tuo officio attēdes.

Sum gente Scythia, natione Ruthena, utroq; autem modo Sarmata: quod ea Russia, quae mihi patria est, in Sarmatia Europae sit posita, dextra habens Daciam, sinistra Poloniam. ante illā est Ungaria; post uerō Scythia uergit ad orientem solē.

Haec natio religionē ritu Graeco sequuta, Christum est professā annos abhinc sexcentos. Serō Latinas literas didicit, quod a Latino ritu uehementer abhorreat: in quo cū alia multa, tum illa duo cum primis damnat: unū, quod apud Latinos ignota uulgo lingua Deus colitur: alterum uerō, quod Latinorum sacerdotes absq; uxoribus flagitiose uiuant. Quare cum illi neq; Amen super ignotam sacerdotis benedictionem possent dicere, neq; Latinorum sacerdotum tanta flagitia perferrent, relictis Latinis sequuti sunt Graecos: quod eorū permissu Ruthenis liceret & lingua patria Deum colere,



lere, & sacerdotes continentes cum proprijs uxori-  
bus habere.

Ex huiusmodi hominibus maiores mei orti cum  
essent, falsa persuasione Latinorum sacerdotū, qui  
uictoribus Polonis in Rusiam uenerant, circum-  
uenti, è ritu Græco cōmigrarunt in Latinū: quod  
illis persuaserant, nisi baptizarentur à Latinis de-  
nuò, baptisatos illos à Græcis non uideri.

Hac ista uia sacrilega maiores mei Latini facti,  
parentes meos in municipio Præmisliensi edide-  
runt: qui cū essent honesti et copiosi, me ex se ortū  
doctorib. Græcis atq; Latinis erudiendū tradide-  
rūt. ac deinde exquisitoris doctrinæ gratia, cū ab  
illis missus esē in Germaniā primum, deinde in Ita-  
liā, summis doctoribus magistris usus, nullā partē  
eius doctrinæ quæ quidem homine libero ac inge-  
nuo digna esset, inauditā mihi uolebā esse. Et cum  
pater septimo post ac decimo anno me ex Italia re-  
uocaret ( tantū enim Germanicis ac Italicis præce-  
ptoribus datum fuerat temporis, domum redij  
ex urbe, Paulo Tertio Pontifice Maximo: à quo  
uiri præclari Hieronymi Gynutij Cardinalis ope-  
ra, gratias ( ut uocant ) non paucas, neque modi-  
cas domū meā deportauerā. Quirū scē, ut sit, de-  
ceptus pater, quod apud reges expedita hæc esset  
uia tū ad opes quā ad gratiā, me quoq; adigere  
cepit, ut pro more patriæ, ac institutis Poloniæ,

cui

cui Rusia paret, hac ista opportunitate gratiarū  
Romanarum usus, & me augerem, & honestarē  
meos. Cui ego aduersabar sedulò, quod mihi uide-  
retur esse cum omnis ambitio turpis, tum uerò illa  
sacerdotalis fœdissima: est enim apertè sacrilega.

Sed cum pater, cætera prudens ac grauis, insta-  
ret quotidie, illaq; iactaret quæ sunt peruulgata  
patrum, se senem esse, sumptus se fecisse, in me autē  
plurima rerum faciendarum uideri, uelle se quoq;  
laboris ac diligentiae suæ fructum capere, quod cō-  
fieri posse hac ista trita sacerdotali uia: aliter se  
sumptuū uehementer poenitere. Quæ ego rerum  
imperitus, ac tum rudis, sæpe eadem & grauiter  
audiendo, uictus sum. Itaq; patris impulsu ad uirū  
optimum ac innocentissimum, Petrum Staricho-  
uium, Rusiæ Archiepiscopum Latinū, cui Præmi-  
sliensis diocesis suffragatur, adij: ab illoq; sacerdos  
absq; Diocessani consensu sum factus, quod id ni-  
hil ad rem pertinere existimarem: quæ tamen res  
postea mihi fi-audi fuit. Episcopus enim ordinatio-  
nem illam ratam non habuit, sed in hac tamē mea  
siue renunciatione, siue ordinatione sacerdotali,  
nullo rogatus sum ab illo Archiepiscopo continen-  
tiæ sacramento: adeò libera fuit illa ordinatio, ni-  
bilq; habuit neq; coacti, neq; extorti. Hac uia at-  
que hoc modo sacerdos factus, cū pater aulas atq;  
præbendas assidue iactaret: ego tamen à studijs do-  
ctrinæ

trina non discedebam. Pater interea moritur, una cum filiis: e quibus sex, fratrem unicū mihi reliquit, eumq; ducta uxore sterilem. Qui cum assidue obtunderet me de familia ad se unum redacta, cui subuenire lubenti possem, si uellem. cumq; uitā mihi turpem ac flagitiosam absq; uxore proferret, exemplisq; Græcorum, e quibus orti essemus, pugnaret: apud quos patrium esset, sacerdotibus cum uxoribus uiuere: ad extremū impellit, ut uxorem ducerem. Itaque duxi Ioannis Chelmi filiam, Magdalenam nomine, re ipsa uirginem, loco autē ac genere nobilem. Ad quam ducendā ne quid mihi obstaret sacerdotia, quæ obtinebam, omnibus ultro abdicaui me: quod scirem Romanis decretis ita caueri, ut sacerdoti, qui post consecrationē uxorem duceret, in ministerio ecclesiastico nullum ius esset: quā autem id rectē, nihil ad hoc tempus mihi certē, qui uxorem ducenda omnes leges præstare, ne hæc quidem qualescunq; fuerant prætermittenda. Sacerdotia itaq; quib. erā præditus, alijs tradi quo expeditior uidelicet mihi esset ad uxorem uia.

Sed illud tamē unū huic rei deesse Ioanni Dzizuski Episcopo Præmisliensi erat uisum, quo ius uidelicet pro auctoritate Papali eius matrimonij auctor fieres, diplomateq; illud ualere oportere decerneres, quod summa fide atq; ipsius naturæ lege inter me et uxorem meam est contractum, iussu sponte ualet.

te ualet: sed tamen quoniam ita conuenerat, ut Romanam supplicatum ad te mitterem, magis ut stem conuentis, quā ut alicui necessitati pareā, peto abs te supplex, coniunctionem hanc cū uxore meā, ut ap probes, ratamq; habeas: ut hac fretus aliquando, ea fornicatione liberer, quæ (ut ne quid te celem) meæ uitæ æqualis adhuc fuit. Quæ quidem in uxore summa mihi omnia sunt posita, uita primò pudica, spes deinde familiæ, tum uerò æternitas ipsa, quam speramus et optamus futuram. Quæ tria ut firma nobis certaq; sint, curare debes, atq; ad hoc efficere pro officio atq; munere hoc isto pontificio, quod tibi ad ædificationem corporis Christi, quæ Ecclesia est, cuius pars et ego sum, concreditum est à Domino. Neq; uerò est, quod ego præterea abs te expectem, quā ut agente et procurante te, et ipse honestus uir sim, qui esse absq; uxore nō possum: et mortalis uiuam semper in successione stirpis immortalis: postremò, ut ex hac uita præscripto naturæ ad hunc modum recta, cōmigreñt in illam uitam, ad quam fornicatores et adulteri non peruenient. His igitur tribus partibus cum mihi definitus sit omnis pontificatus tuus, uxorem mihi permittas oportet, quæ summa sit omnis eius curæ, quæ ad te de me pertinet. Nam ego translationes, uniones, atq; gratias nullas abs te petam: seruentur sanè hæc ista abs te alijs, eis autem in pri-



mis, quorū uita à nulla re turpi abhorret ob qua-  
stum. Pro ijs ergo omnibus rebus id solum abs te  
peto, ut me cū uxore in matrimonio ponas, in quo  
solutus omni fornicationis formidine, certus expe-  
ctem beatam illam spem & aduentum gloriæ ma-  
gni Dei, & saluatoris nostri IESU CHRI-  
STI, qui dedit semetipsum pro nobis, ut nos redi-  
meret ab omni iniquitate, & mundaret sibi popu-  
lum acceptabilem, sectatorem bonorum operum.

Quare cum intelligas & me cupidum esse illius  
beatæ spei, & ad eā peruenire non posse, nisi mun-  
dos & rectos corde existimare debes rem tui offi-  
cij esse, me ex hoc isto fornicationis cœno uxore da-  
ta ereptum pudicæ uitæ quamprimum reddere.

Egidem huius istius uitæ potiundæ causa uxo-  
rem duxi: quam ita retinere statui, uti ius fasq; est.  
Neq; mihi hanc, dum uiuo, ulla ui extorqueri un-  
quam sinam, neq; etiam me diuelli ab illa patiar.  
Id enim cū religiosa ipsius naturæ lege iura ue-  
tant, tum uerò illa præcepta Pauli diuina ad talem  
constantiam nos adhortantur: Alligatus es uxori,  
noli querere solutionem. Et item: Is autem qui ma-  
trimonio iuncti sunt, precipio, non ego, sed Domi-  
nus, uxorem à uiro non discedere. Quorum præ-  
ceptorum ui adductus, ita me comparare debeo,  
ut fidem uxori datam conseruem, præsertim cum  
illi nullo uitio à me datam esse sciam, uel eodem

Apo-

Apostolo teste, qui ita decernit: Si acceperis uxō-  
rē, non peccasti: & si nupserit uirgo, nō peccauit.

At uouisti castitatem, inquires. Primò dicam, me  
nullam omnino uouisse: cuius rei testis superest Pe-  
trus Starichouius Rusiæ Archiepiscopus, qui or-  
dinationis illo tempore ne uerbo quidem de conti-  
nentia appellauit me, quemadmodum paulo an-  
tè exposui.

Deinde fac uouisse me, tamen non plus me hu-  
iusmodi uoto teneri putarem, quàm si uouissem di-  
gito cœlum attingere, aut aliquid tale facere quod  
in mea manu situm non esset. Eiusmodi enim res  
fingi & optari possunt, præstari uerò quia extra  
captū nostrum sunt, à nobis non possunt. Quid  
uerò, cum talia uota eius generis sint, quæ multa-  
rum turpitudinum sint causæ, etiam ne apud nos  
ualebunt? Minimè opinor. Talia enim uota Hero-  
dis regis impij fuisse perhibentur. ille enim uoto  
adductus est in conuiuio à scorto, ut Ioannem Ba-  
ptistam gladio feriret. Quanto autem melius fuc-  
rat, in hoc uotum Herodis non esse seruatum? Cui  
cum simile hoc istud uotum continentie, quod cō-  
tra me profertur, existat, à me seruari etiam datum  
non deberet. Hæc enim legitimorum uotorum  
ratio adhuc fuit: primò, ut turpia ne sint: deinde,  
tolerabilia ut sint: postremò uerò, facti facilia.  
Quale uotum hoc istud continentie non esse, mul-

k 2 tit

tis argumentis conuincetur: quod ea turpitudine est ut omnia illa præcepta delectat, quæ olim digito suo scripsit Deus: Non est bonum hominem solum esse, Non omnes possunt capere hoc uerbum, Qui potest capere capiat, Quod si se non continent nubant, Melius est nubere quàm uri: deniq; Propter fornicationem unusquisq; uxorem suam habeat. Hæc inquam, et multa alia præcepta diuina, quæ prætermitto, hoc isto insidioso uoto deleta, extinctaq; sunt planissimè. Quàm uerò tolerabilia fuerint hæc ista uota, ac factu facilia, plena exemplorum est urbs Roma: quæ cum sit procreatrix ac quasi parens talium uotorum, quàm infirma ad ea ipsa præstanda fuerit, quæ procreauit ac peperit, fornicationes illius atq; adulteria publica ac manifesta testantur: quasi ita necesse esset, ut illa princeps pœnas eorum uotorum daret, quibus ad omnem turpitudinem Ecclesiam Dei pertraxit: in eaq; ipsa quæ inuenit, euidentius extaret uotorum eiusmodi uis atq; culpa, quàm in cæteris. Quare ut ad caput reuertamur, si hoc istud uotū continentia ex infirmitate uitæ imbecillitateq; nostra interpretemur, nec metiamur illud ( ut quidam Hypocritæ ) uerborum magnificētia, nihil aliud profectò illud esse reperiemus, quàm latebram quandam nequitia, in qua omnia flagitia, supra atque libidines impune delitescunt. Nolo rem augere uerbis:

bis: perspicuū enim est, quàm sit hoc uerum, quod scribo. Tibi certè homini multa etate docto, ac cōmuni infirmitate prædito, ita esse, omnino debet uideri.

Quamobrē quis negauerit, talia uota nihil aliud esse quàm aperta periuria? propterea opinor, quod uerum illud atq; integrum uotum cum ipso dono debet conuenire, ut non plus sit in uoto nostro, quàm in dono ab ipso Deo sit nobis concessum. id quod uult existimari diuus Paulus, cum qui dem de continentia loquens, ad hunc modum scribat: Volo omnes homines esse sicut ego sum, sed unusquisq; proprium donum habet ex Deo, alius quidem sic, alius uerò sic. Quod idem est opinor, ac si dicat: Volo ut eam tu quoq; uirginitatem despondeas uiro, quàm despondi ego: sed si tibi non est dono data eadem uirginitas, quæ data est mihi, despondere illam Deo noli: sallet te spes, uoti compos non eris. Donum ergo relinque meum, et sequare tuum: uxorem ducas, neq; te peccare in eo existimes: est enim honorabile connubium in omnibus. ac uxor ex contraria parte uirginitati respondens, donum est alterum, quod ab ipso Deo paratum est incontinentibus. Iure igitur hoc istud uotum dono cassum, si ullum à me datum fuisset ab incontinente me, irritum esse deberet: quod ea uouerem Deo, quæ neq; capere, neq; præstare ullo



modo possem. Nūc uerò cum nullum sit à me datum, non debeo compelli uoti prætectu, ab uxore discedere, ut hac repudiata in deterius cadam, scortatorq; improbus aut turpis adulter de integro reddar. Dimittatur ergo à nobis hoc istud inane insidiosumq; uotum, qui uolumus aperte ac pie uolueret: ad eos autem homines relegetur, qui omnib. delicijs affluentes, Curios simulant, et Bacchanalia uiuant: & qui sibi sumunt personam ueteris cuiusdam sanctitatis, eamq; reddunt spectabilem regulis atq; uotis, & id genus alijs periurijs, cū sint pleni stupro, atq; omni flagitiosa nequitia. Quorum perditam libidinem uoti atq; castitatis simulatione contectam, quoties manifestis criminibus conuincimus, toties ab illis audire illud cogimur, nos ducenda uxore contra Decretales Romanas committere, quas illi uniuersalis Ecclesie leges appellat: quasi uerò ulla sit Ecclesia uniuersalis, quæ Deo ac natura repugnet, legesq; ferat contrarias hisce legibus, quas à parente rerum natura acceperimus. Quæ appetitu ad procreandum nobis dato, quid aliud egat, aut iussit, quàm uxorem ducere, unde legitime nostrum extet genus?

Quam si sacerdoti fas non esset ducere, neq; appetitus ille ad procreandum naturalis scelere ac culpa in nobis careret. At cum is in nobis instituto natura sit legitimus atq; sanctus, nemo negauerit, leges

leges illas nefarias haberi, quæ prohibent nubere: eos etiam impios esse ac sacrilegos, qui damnant eos qui uxore ducta naturam sequuntur, optimam uiuendi ducem. Quod cum ita sit, alienissimas eas dicemus leges omnes ab uniuersali Ecclesia, quæ legitimis nuptijs sacerdotum aduersantur. Vera enim illa & integra Christi Ecclesia, nunquam à natura, uerboq; Dei discedit: ijs enim illa duobus uiuit, uiget, regiturq;. Quod si tu aut à natura usquā deslectas, aut uerbum Dei ex Ecclesia tollas, nihil nisi concilium malignantium & conuentum operantium iniquitatem in illa relinquas.

In quo quidem iniquitatis cōuentu, pace tua ac sedis Romanæ dixerim, Alexandrum Tertium ducem fuisse, aperte constat, cū illas decretales promulgaret, quibus connubium sacerdotū contubernium appellat, contra omnia diuina atq; humana iura. Neque enim aut lex Dei iussisset sacerdotem Leuit. 21. uirginem ducere uxorem, aut Apostolus honorabile connubiū esse in omnibus pronunciasset, si sacerdotis cum uxore, ut cum meretrice, coniunctio, contubernium esset.

Quid Nicæna synodus, Paunutijs Aegyptij ore, sacerdotis cum propria uxore concubitum castitatem esse tanta autoritate professā, parum ne declarat, Alexandrum Tertium oblitū naturæ atq;

Dei, in Decretalibus suis apertè esse mentitum; quibus ille vim talem hominibus infirmis intulit, ut palàm discesserit à fide, attendens spiritib. erroris & doctrinis demoniorum, in hypocrisi loquens mendacium, & cauteriatam habens suam cōscientiam. Qui quidem Alexander nullam, si uiueret, causam asserre queat, cur nam homini sacerdoti matrimonio iungi fas non sit: cum æquè matrimonium, ut sacerdotium, sit legitimum, sanctum, ac ipsi Deo gratum. Alterum enim horū non aduersatur alteri, neq; pugnat cum altero. Stare igitur simul hæc duo in uno homine possunt, ut olim in patriarchis, prophetis, atq; in alijs sanctissimis sacerdotibus stabant: & ut nunc simul stant in cuncta Græcia, Alexandria, atq; Antiochia. Illa enim, quod te non fugit, in uno atq; eodē non stant, neq; coniunguntur simul, in quibus contrarietas repugnantiq; inest. Quorum nihil reperitur in sacerdotio, ac in ipso matrimonio. soluta enim hæc duo sunt libera, ac inter se finitima, humanoq; usui nomine sacratissime Trinitatis ambo pari modo consecrata. Quæ duo cum separet Alexander, alterumq; horum cum altero minimè admisceri uult: quid quæso aliud facit, quàm ut ea quæ Deus coniunxit, separet?

At uicarius Christi Alexander ille fuit, inquires? Euerit sanè uel angelus de cœlo, tamen cum is aliud

aliud Euangelium de matrimonio, præterquam quod traditum est nobis, prædicauerit, sacramentumq; illud magnum uiolauerit, contuberniumq; appellarit: id agens utique, non uicarius Christi, neq; Papa, sed Antichristus, atq; ipsissimum fuit in Ecclesia Dei anathema. Memini ego Iulii, principem sedis uestre Petrum Galileum modò clauigerum, modò Satanam à Domino dici: utrunq; enim fuit. Cum enim sapiebat ea quæ erant hominum, Satan à Domino iurè uocabatur. Ad quem modum clauigerum ego fuisse Alexandrum profiterer, si de matrimonio præcipiens ex sede hac uestra, ita iussisset: Si non contines, nubas. At cum is capitali odio ab hoc isto præcepto apertè discedat, uxoresq; legitimas per suspensionis ac excommunicationis sententiam sacerdotes abijcere cogat, contra illud præceptum Pauli: iis autem qui matrimonio iuncti sunt præcipio, non ego, sed Dominus, uxorem à uiro non discedere: Satanam illum atq; anathema fuisse, autore Domino pronunciare cogor. Neq; enim hoc ius in Ecclesia Christi uobis Pontificibus est, ut nobis contra præcepta Dei, contraq; nature iura leges imponatis, pœnaq; capitis sanciatas, uerba etiam ad arbitrium uestrum fingatis, quo rerum naturā eueratis. Quod quidem apertè Alexander in Decretali sua impia facit, dum quidē legitimas sacerdotis nuptias uer-



bo Dei contractus, contubernium, per summū matrimonij dedecus uult nuncupari. Cuius incredibilem audaciam in fingēdis nominibus, ac cōmutandis rebus, quā irriferit Græcia, Alexandria, atq; Antiochia, Germania item, Bohemia, ac etiā Russia, testantur matrimonia sacerdotum, quæ apud eas gentes non damnata contubernia, sed iusta (uti sunt) appellantur connubia.

Quamobrem peto abs te Iuli, per CHRISTVM IESVM, de quo cœlitus est dictum, Hic est filius meus dilectus, ipsum audite: ne quid matrimonio meo decretales istæ Alexandri apud te obsint: quæ graues aduersariæ Christi, ac ipsius templi, quod & ego sum, cum sint, locum apud te habere non debent. Memento Iuli, te non Alexandri, sed Christi uicarium dici: qui te cum summa potestate ad nos ideo misit, ut nos Euangelium ipsius, non autem Alexandri Decretales doceres. Quo sanè Euangelio cum uxor mihi detur, non debet Decretalium istarum præscripto abs te improbari. Quæ quidem Decretales, ut ab Alexandro Tertio cum publica omnium pernicie latæ sunt, ita quoq; abs te Iulio Tertio cum salute omnium possunt dissolui: ac multo etiam magis. Si enim illius Decreta tantum ualent ad pestem, quanto magis tua debent ualere ad salutem? Et si potuit ille Decretalibus suis constuprare Ecclesiā Dei, quanto po-

to poteris magis tu illis abrogandis Ecclesiā honestare, ac ex prostituta castam quasi matronam reddere? Si non ea dedecora, stupra, adulteria, cœdes, ac ueneficia orirentur ex Decretalibus istis: si homines etiam ipsos sacerdotes, ea cōtinentia temperantiq; libidinum haberemus, non quæ nunc est, sed quæ fingi potest: tamen eam legem indignā Ecclesiā Dei existimare deberes, quæ matrimonium eximium Ecclesiæ sacramentum habet, quod contubernium appellet: ut quod in parentibus meis fuerat sacramentum legitimum, id in me translatum sit maleficium detestandum. Nunc uerò cum infamia scortationum ac quotidianorum maleficiorū sacerdotalis ordo summa inuidia prematur, & cū omnia sacra ac prophana cōstuprentur, etiam ne eam legem in Ecclesiā perferes, qua Ecclesiā Dei non solum diminutam, sed etiam cūuersam uides esse? Ne hoc concedat magnus ille summusq; Iupiter, qui te in hac ista celsa sede seruandorum hominum causa collocauit, huicq; isti stabulo Ecclesiastici præfecit, in quod nos ille seniuuios detulit, ac tibi curandos reliquit, ut nostra uulnera sanares uino ac oleo, hoc est doctrina ac sacramento. Habes enim doctrinam traditam à Domino, qua mihi ita præcipias: Non mœchaberis. habes etiam oleum, quo mœchum me sanes, illud nempe: Propter fornicationem habes uxorem tuam. Si enim, Iuli, infidelis

fideltas mea baptismo diuini illius Samaritani  
 p̄scripto curata est, cur quæso eiusdem instituto  
 fornicatio mea matrimonio abs te nō curetur? p̄se-  
 sertim cum ita matrimonium pro oleo uulneri for-  
 nicario sit à Domino in Ecclesia p̄paratum, ut  
 est infidelitati baptismus. Vt enim à Domino de  
 baptismo est dictum, Qui crediderit, & baptis-  
 tus fuerit, saluus erit: ita quoq; ab eodem est p̄ce-  
 ptum, Quod si se non continent, nubant. Neque  
 uerò audiendi sunt hoc loco quidam hypocritæ tri-  
 stes ac fornicarij, qui hoc de solis laicis ( sic e-  
 nim dicunt ) non autem de clericis dictum à Do-  
 mino uolunt esse. Quasi uerò Dominus non aper-  
 tē dicat, Qui potest capere capiat: ut quacunq; e-  
 tate ac ordine sit is qui fornicetur, illi sit dictum, Si  
 non capis nubas. Quod si tantas autoritates, tam  
 notas, tamq; testatas non haberemus, tamen scelus  
 esset nefarium, putare id quod in uno homine bene-  
 dictio esset, illud ipsum in altero trāslatum male-  
 dictionem esse. Etenim quæro, num in laico matri-  
 monium ipsum sit benedictio? est sanē, nec quæuis,  
 sed summa. Quomodo igitur quæso hæc ista bene-  
 dictio in sacerdotem translata, maledictio existit?

Quæ res repente hanc tantam, tamq; constantē  
 uim mutabit, in maledictionemq; conuertet? Num  
 Deus? At is benedixit mari ac scēminæ, illisq; Cre-  
 scite & multiplicamini, dixit. Num uerò, quod in  
 suo

suo loco non sit positum? Primum quæro, quare,  
 Num sacerdos homo non est? num ille hominem ob  
 id exuit, ac sensum omnem humanitatis propterea  
 deposuit, quod is sacerdotio fungitur? Minimē ue-  
 rò. manet ergo in illo plena integrāq; natura, tam  
 apta ad generandum, tamq; conueniens, quā ma-  
 net in cæteris omnibus eiusdē naturæ hominibus:  
 quam naturam cōmunem Paulus apostolus animo  
 complexus, illam honestis nuptijs inclusit, ac ho-  
 norabili cōnubio terminauit: Episcopumq; ita, ut  
 & laicum, unius uxoris uirum esse oportere, pro-  
 nunciavit, filios habentem fideles: nō in accusatio-  
 ne luxuriæ, aut non subditos. Si ergo neq; Deus da-  
 tor, neq; sacerdos ipse acceptor matrimonij in no-  
 mine Dei patris, & filij, & spiritus sancti, aliquid  
 de benedictione hac ista immutauit, fateantur ali-  
 quando Sanniones isti atq; Phormiones Romani,  
 ut in laico, ita etiā in clerico collocatum matrimo-  
 nium, benedictionē esse, nihilq; de natura hac ista  
 immutari hominum etatibus, aut ordinibus. Hæ-  
 ret enim hæc in ipsis medullis, ac in nobis intima  
 adeo est, ut neq; mutari, neq; euelli ē nobis ullo mo-  
 do possit.

Quod si mens illorum stupri plena, hanc tan-  
 tam ueritatis lucem non capit, age nobis responde-  
 ant, inesse ne ita credant in clerico ad procrean-  
 dum semen, ut illud inest in laico? Si negabunt, con-  
 uincemus

Tit. 2.



uincemus illos fornicationibus, adulterijs, incestis atq; Sodomia, ipso deniq; seminis fluxu, ac alijs multis peccatis, quibus illi in rerum naturam peccant, dum sancti atq; continentes absq; uxoribus legitimas aspernantur ac damnant nuptias. Ergo semen in me quoq; clerico ita inest, ut in laico: si inest, debetur ergo à me alteri. Hec enim ratio seminis est, ut non sit eius in quo est, sed sit alterius ab eo in quo est. Cui uis ergo illud deberi, aut à me tradi? Iam tu me hoc loco Iuli doce: Semen in me est, foras prominet, retineri à me non potest, uis ut tradam illud scortis: uis ut puero? At utrunq; horum alienum est ab homine Christiano, alteri etiā à Rutheno. restat ergo, ut illud aut uxori à me ductæ tradatur, aut effluat, dilabaturq;. At effluere ac dilabi illud pati, quod propagandæ soboli à Deo est datum, scelus est, ac facinus nefarium. Restat igitur, ut reddere illud, tanquam debitum uxori, ius fasq; sit. Idq; præcepto apostoli Pauli, qui hoc istud nostrum semen ad hunc modum in nobis dispensat: Vxori uir debitum reddat, similiter autem et uxor uiro. Vxor ergo sola erit receptrix legitima eius seminis, quod in clerico ad procreandum est: in quam uxorem sine scelere ac crimine nefario homo sacerdos ita semē abijciet, ut abijcit in terram subactam agricola, ut inde edatur creturq; ex illo aliquid procreanti simile.

Cum

Cum igitur rerum natura cum præcepto diuino æqualiter nos ad matrimonium deducant, concedant isti nobis ita in clericis, ut in laicis, sanctas esse nuptias, neq; matrimonio nostro aduersentur ne ut Sodomam ac Gomorrā olim, sic illos repente deuoret terra uiuos, quod illi naturam quasi matrem quandam matrimonij, Deum uerò tanquam patrem illius, impiè contemnant, ac contra illius instituta sceleratè contendant. Tu etiam Iuli, memento te in hac ista uigilia Ecclesiæ non aliud esse, quàm custodem legum naturæ, ac Dei, ut nunquam ab his neq; ipse discedas, neq; alios discedere permittas. Neq; uerò existimare debes ullā rem aliam esse, qua nitatur tua Pontificia autoritas, quàm ijsce legibus præstandis, quibus honestas inter homines, pietasq; seruetur. Inde enim cognoscimus te non solum uicarium, sed etiam amicum eius Christi esse, cui credidimus: qui cum ceteris, tū præcipuè tibi dixit, Vos amici mei estis, si feceritis omnia quæcūq; dixi uobis. Porro inter omnia præcepta, hoc istud de matrimonio præceptū præcipuū est. coercet enim naturā nostrā, præcipitem ad omne nefās. Integrū igitur te præstare hoc nobis æquū est, si te non uicariū solū, sed etiā amicū eius Christi, qui hoc præcepit, uis à nobis perhiberi.

Ac fuerunt ante te, qui in ista sederunt sede, uicarij Christi: qui tamen amici illius, ut res ipsa declarat,

clarat, non fuerunt. Nunquam ego Hildebrandū illum, qui Gregorius Septimus est dictus, amicum Christi fuisse dicam, qui ea asperitate & immanitate naturæ fuit, ut non solum futuras, sed etiam præfentes uxores sacerdotibus eriperet. Quid de Alexandro Tertio dicam? qui etiam legibus latis matrimonium ex Ecclesia in perpetuum exterminauit. Prætereo Bonifacium, ac ne Nicolaum quidē primum cōmemorabo, qui munus hoc istud matrimonij humanum, assignatum à Deo nobis, eripuerunt suspensionibus, excommunicationibus, proscriptionibus, atq; bonorum publicationibus, contra Christi Domini mandata atq; instituta. Fuerint ergo uicarij Christi in Ecclesia Gregorius, Alexander, Bonifacius, Nicolaus, atq; Calixtus: amici certē illius nō fuerūt. si enim fuisset, nunquā aduerso illi institissent uestigio, neq; de instituto illius aliquid mutassent, neq; sponsam illius ad hunc modū fœdissime prostituisent, cū ignominia ipsius sponsi sempiterna: qui ob fornicationes atq; stupraministrorum Ecclesiæ suæ, blasphematur à Iudæis, à Turcis uerò atq; cæteris gentibus negligitur. Ioannes Bocatius certē quidem festiuius autor, memorie scriptum reliquit, Iudæum quendam Gallum cum magnis præmijs sui regis adduci nō posset ut nomen Christo daret, subito ac Romam uenisset, illamq; sacerdotum horribilem libidinem uidisset, esse

esse baptisatum. putabat enim unum necesse esse, è duobus: aut Christum derelictum ita esse à Deo, ut bene ac malè serui illius uiuerent, idem esset Deo: aut illum summè charum esse Deo, quod illius ergò in illis sacerdotibus tāta flagitia impunè essent, quæ olim in idololatriæ diluuiio, in Sodomitis igne, in Hebræis uerò serpentū iētibus Deus puniuit. utruncq; horū esset, suā causam in peccatis tutā fore sub Christi nomine putabat. Vides quem locū siue historiæ, siue fabulæ dederint illi Pontifices, qui sponsi potius sponsæ, hoc est Ecclesiæ Dei, quàm amici ipsius sponsi Christi Dei nostri fuerunt: qui nobis leges præscripserunt alias quàm Christus dominus, uerus animarum nostrarū sponsus, nobis tāto antè præscripserat? Non gauidebat ergo propter uocem illam sponsi: Qui non continet nubat, Melius est nubere quàm uri, Honorabile coniugium in omnibus, sed contrā clamorem Sodomorum ediderunt: Sacerdotum matrimonium contubernium est. Et item: Sanè prouideas attentius, ne deinceps clericus coniugatus ad sacros ordines admittatur. Et item: Eos uxores dimittere per suspensionis & excommunicationis sententiam compellere procuretis. Quæ quidem non leges, sed Sodomorum clamores, ascenderunt ad Deum: quos ut cognoscat, descendit iam Deus. Meritò ergo isti non sponsi, sed impudentes proci, iam non



stant merito etiam illorum manes à cuncta nunc Ecclesia exagitantur, eo quòd non audierunt uocem sponsi: sed nos inuentis suis traxerunt ad æternum nefas, ut illis autoribus sexus contemnatur à sexu. ut masculi in masculos turpitudinem operentur: ut omnes parochiæ, præbendæ, atq; Canonice scortis, adulteris, atq; spurijis redundent. Et breuiter ut tot sint lupanaria, quot ferè sunt iam inter nos sacerdotum domicilia.

Hi sunt illi fructus Iuli, quos produxit nobis cœlibatus ille, quem ui atq; armis Syricius in Hispania, Hildebrandus in Germania, ac Alexander Tertius in cuncta Latina Ecclesia instituit. contra uocem sponsi, qui in Chana Galilæe stupèdo prodigio comendauit nobis nuptias. Non ergo amici illi sponsi, sed adulteri sponsæ: non patres, sed uitrici nostri: non pastores, sed lupi ouium Christi fuerunt: quibus ita uisi sumus animæ uiles, infleta ac derelicta turba, ut nos palàm prostituerent, laqueosq; fornicationis nobis iniicerent, quibus illi reddiderunt nos (proh dolor) ex membris Christi apertè membra diaboli.

Quis igitur reprehenderit Græcos? quis Alexandrinus? quis Antiochenus? Germanos, atq; melios Ruthenos? qui ut hos laqueos euitarent Hildebrandos atq; Alexandros istos cū ipsa matre fornicationum omnium Roma reliquerunt: uitam autem honestam

honestam atq; mores pudicos anteposuerunt illorum non auctoritati sed libidini, quæ per simulationem obedientie ad omnem inobedientiam Dei et naturæ nos traduxit. Quare non tantum non reprehendendi, sed iurè etiā illi sunt laudandi, quòd Papam, quàm uitam honestam, deferere maluerūt: quam dum illis extorquere minis atq; interdictis Pontifices illi conantur, æquum fuit illos iura Dei atq; naturæ iuribus Papæ antepondere: qui in loco Dei sedens, nō erubuit loqui palàm cōtra Deū, ac tabulas proferre cōtrarias Dei tabulis, illis inquā in quibus olim digito Dei NON MOECHA BERIS scriptum erat. Quòd illorum facinus si tu quoq; approbas, et si nos coges secundum illos uiuere, quomodo quæso socius furum non eris? aut quomodo cum adulteris portionem tuam non pones? Mihi certe consimilē culpam effugere posse non uideris, nisi apertè has istas Decretales Alexandri, tanquam tabulas impijs confregeris ac abrogaris. Imò uerò deterior etiam erit tua causa, quàm illorum fuit. Illi enim quamuis arrogantia deprauati, tamen nullo exemplo superiorū transierunt omnis honestæ uitæ finem, atq; modū. Tu uerò, quod illi errore admiserunt, non solum confilio, sed etiā exemplo admisisse uidebere. Fortasse enim illi possent dicere, se opinione ac spe continetie in sacerdotibus futuræ deceptos, illas Decreta

tales scripsisse. Tu contrā, quam spem aut opinionem poteris tuæ culpæ prætexere? Nullam omnino desperatam enim uitam nostram palam uides esse: nos etiam opinari alios esse quàm sumus, non potes, qui cum naturæ repugnamus, et cū ab Alexandro coacti, id sequimur quod assequi nequimus, non solum bipedum, sed etiam quadrupedum nequissimi facti sumus. Multæ enim pecudes norunt genus, norunt sexū suum: at hæc inter nos confusa multis modis, adeoq; incerta sunt, ut etiam Romæ libellos publicè circumferri uideas, quasi quasdā fornicationum isagogas, in quibus genera concubitus, atq; modi, cum stuprorum simulachris descripta sunt, cum illa regula: ne quid matrem, sororē, nurum, glotem, amitam, ac ipsam cum puero infami materteram, aliud in rebus putemus esse, quàm mulieres explendæ libidini natas. Hæc itaq; presentia, tantaq; ob oculos posita dedecora, non tibi pecudum ipsarum libidines superare scelere suo uidentur? Quæ tu nisi matrimonio inter nos constituto quàmprimum curaueris, non opinione deceptus, sed inductione animi adductus, nō solum ferre, sed etiā iubere ac approbare uidebere. Quod si pergis facere eadem, nobis causa ad deferendum te ac urbem Romam iusta fuerit, quæ fucrat olim Græcis, Alexandrinis, atq; Antiochanis: quæ nūc etiam est Latinis, Bohemis, atq; eundem iam exitum

tum spectantibus Polonis. Quid enim quaeso nos in tua fide retinebit? Num corona hæc ista uestra trifida: at ea terrori nobis magis est, quàm amori. Nūc crux tuo affixa pedi? At hoc etiā modo Christum à uobis putamus, cum ipsius præceptis, cōcalcari? Num uerò ipsius Bullæ Iubilæi? At hic iste Iubilæus, quum scortatoribus portam Bonifacij instituto in Vaticano pandat, illā uerò ad regna Christi claudat, tam prodesse nobis putatur, quàm prodest thus mortuis. Restat igitur sola uis uobis, quæ iam sola nituntur res uestre. Si enim hanc istam uim remoueas, paucos omnino clientes uobis reperias. Excipio illos, quos suprà dixi, Papistas, quos uilis mercedula pertraxit ad omne speratum à uobis nefas. Sed tamen hæc ista uestra armata uis uacillat iam mirifice. Vt enim hominū uoluntate stabat antea, ita etiam hæc eadem cōmutata, in præceps dilabitur. Eò enim uobis res uenit, ut homines Turcicum, quàm Romanum, tolerabiliorem putent esse dominatum. Turca enim apertè uiolentus est, nullam pietatem aduersus nos simulat, nullam etiam mansuetudinem. Roma uerò ad ipsam uim acerrimam, hypocrisim etiam insidiosissimam addidit. habet enim potentiam, habet urbes, habet municipia, habet exercitus atq; duces, nec pauciores, nec ipso Turca inferiores: sed habet præter hæc, illa quoq; quæ sunt ex summa mansuetudine



ac submissione Christiana deprompta, ut seruos seruorum, sanctissimos, reuerendissimos, reuerendos, ac uenerabiles Christi uicarios: quib. sanè nominibus quid mansuetius, aut submissius fingi aut dici potest? Quæ tamen ipsa nomina quam apta sunt, quamq; congruunt cum bellis, cædibus, gentium atq; urbium euerfionibus, tum uerò fornicationibus, Sodomis, ac omnis generis Simonis, ne Oedipus quidem, aut ipse Apollo Pythius explanare possent. Hæc ergo cum plurimum distare alia ab alijs, uehementerq; pugnare inter se cogantur: alterum horū uobis homines concedūt, uos uidelicet dominos, principes, duces, reges ac tyrannos esse & uideri: alterum uerò omnino negant, uos uidelicet seruos sanctissimos, reuerendissimos, ac reuerendos, uenerabilesq; Christi uicarios esse.

Quare ucrendum est uobis, Iuli, ac magnopere pertimescendū, ne eo quod erat ordinis uestri proprium, à uobis amisso, illud unā amittatis quod alienum uobis assumpsistis: hanc loquor istam armatā uim, qua septi estis, & qua religionem Christi partim mutastis, partim uerò funditus euertistis. Quis enim amplius fretus homines contra Deum ac contra conscientiam, ut uestra inuenta sequantur, à uobis cogi, non ratione aliqua, neq; ulla probabili doctrina, sed illo Phalaridis decreto: Volumus, iubemus, mandamus? Cui si non obtemperamus, ex-

templò

templò profertis illum secularis potestatis gladium, quem uobis nullo exemplo arrogastis. Christus enim dominus, cuius uos estis uicarij, cum raptè plebs uellet ut regem illum faceret, hoc est, ut secularem illi gladium daret: ne rex esset, ne uetalem gladium haberet, aufugit. Vos uero serui ac uicarij scilicet illius, pro hoc isto gladio dum pugnatis, quid intentatum reliquistis? aut quos Imperatores, Reges, Tetrarchas, ac Dynastas bello non lacestistis? Pro hoc enim gladio Iulius secundus cum Venetis certans, Italiam bello concussit. Clemens uerò, ne patriæ quidem suæ Florentiæ percutit. Ita illi serui (si dijs placet) seruorum, ac ipsius Christi uicarij, dum pro isto gladio contendunt, ea appetiuerunt, quæ ipse dominus dominantium atq; princeps omnium Christus non solum uoluntate, sed etiam fuga deuitabat. Qui sanè terror huius istius alienissimi à munere uestro gladij, quam perterrefecerit homines, ac ipsam Ecclesiam dissiparit, uidetis. Diffugerūt enim cuncti, dispersiq; sunt, ac ab Romanis tanquam à furiosis dominis illorū nomen detestati profugerunt. Quam uerò illos facti pœniteat, & quam excommunicacionibus Romanis adducantur ut redeant, uides Iuli. Summa (mihicrede) constantia contemnunt id, quod in illis semel oderunt: seseq; meliore cōditione nunc esse arbitrantur, cum uestro liberati sunt imperio,

imp-rio, quàm dum illo fuerunt constricti. Sunt enim primò vita pudica, deinde religione integra, in qua plebs calice, sacerdos uerò potitur uxore: quorum utrunq; à Pontificibus fuit nobis ereptū.

Iam in Ecclesijs nihil est apud istos absconũ, neq; absurdum. uulgi enim lingua publicè Deus colitur, ac uerbum Dei syncerum in templis traditur. Cuius illa est summa, ut sciamus CHRISTVM IESVM mediatorem esse Dei atq; hominum, solum patronum illum esse, atq; intercessorem nostrum: quem etiam propterea unicam spem, uitã, ac dulcedinem, ac præsidium nostrũ una uoce atq; ore in templo congregati canunt, prædicant, ac docent: ut in tali ueræ pietatis occupatione facile uobis remittant has istas indulgentias, quæ tu ex Iubileo hoc isto Romano cõfessis ac cõtritis promittis. Semper enim ij qui ad hũc modum Deo seruiunt, confessi & contriti sunt censendi, ut facile illis etiam absq; uestro Iubileo Deus indulgeat. At dices, Hæc nihil prodesse absq; Pontifice. Fac Iuli, Pontificem in Ecclesia non sine cõmolumento esse: tamen si alterutro carendum est, satius esse arburor Pontifice carere, quàm hoc eodem autore negare Christum solum esse uitã ac spẽ nostram, mediatorem item atq; intercessorem ad Deum patrem nostrum illum esse: quod sanè ut negemus, passim hic cogimur à Propõtificib. tuis. Quid uerò illa,

rò illa, calicem saluæ perpetuæ abijcere, ut sacrilegus sis: aut uxorem dimittere, ut adulter: etiã ne satius erit, quàm Pontifice carere? Imò uerò ualeat Pontifex, & abeat quòuis potius gentiũ, quàm ut nos uel præter Christum dominũ ullum aliud nomen ad salutem profiteamur, uel fœdus illius quod calice continetur transgrediamur, uel uitam pudicam relinquamus Pontificis Romani gratia.

At capite carebitis, inquit: secundario fortasse certè quidem, quod tamen sua sponte, nulla nostra culpa, ipsum se absceidit à nobis. Ad primum ergo caput recurremus, ad Christum uidelicet Dominum, qui dedit semetipsum pro nobis, cuius nos sumus solius peculium, & nullius præterea alterius. Pontifices uerò ipsos, qui pro seruis domini, pro ministris tyranni Ecclesiæ uolunt dici, comprecabimur, ut sese colligant, ac ad se redeant: aut si hoc impetrari ab illis non potest, nos quidem ualere sinemus, illa uerò uel illis inuitis retinebimus, quæ amitti à nobis nisi detestabili scelere nõ possunt. Cuiusmodi sunt, certa ueniæ per solum Christum spes, tum huius istius spei symbolũ ac fœdus certum, corpus ac sanguis Christi uerus: denique uxor ipsa, quæ custos est eorum operũ quæ gignit ea charitas, quæ in hac ista quã dico spe atq; hoc isto fœdere in nobis exardescit.

Quæ tria si fideliter absq; Pontifice retinebimus,



mus, erimus quidē nos oues sine tali pastore, attamen nō serui absq; domino, illo inquā, qui (ut apud Ezechielē est) requireret gregē suū de manu pastori, et cessare eos faciet ut ultra nō pascant gregē, nec pascant amplius pastores semetipsos, et liberabit gregem suū de ore eorū, & non erimus ultra illis in escā. Horribilis sanē oratio, & illis in primis pertimescēda, qui Pōtificiæ potestatis arrogantia, quasi absolutissima sit, ita subnixi ambulāt, ut licere sibi abuti eo grege putent, quē sanguine emptiū suo tibi tradidit Christus: qui ut nos in pascuis ipsis uberrimis ac in mōtib. excelsis Israel, hoc est in lege Dei, ac in uera doctrina Christi, non autē in Decretalib. Alexādrī, ac in ceteris modi istius inuētis hominū pasceres, & te pastore, & nos oues tuas esse ac dici uoluit. Quod si tu ex ijs pascuis ad alia nos adduxeris, uespresq; illas Decretalium pro hoc isto Euangelico cytiso nobis proposueris, quid restat aliud, quā ut te tāquā alienū desermus, ac tibi etiā illa utilia relinquamus, quæ in pascuis Romanis orta, hircorū sunt iā potius, quā ipsorum arietum pabula: plebanatus loquor, Canonias item, atq; præbendas. Vt enim quisq; audacia & pecunia maximē excellit, ita expeditiorem illi ad hæc apud nos uia. Vidi ego Romæ, & magno quidem cum dolore uidi, homines doctos, atq; pios, in sacerdotiorum petitione hominibus indo-

ctis

ctis atq; impijs saepe cefisse. Quāuis enim illi scelerati fuissent, sicuti fuerunt pestiferi homines, supplicioq; digni: tamē palām anteponebantur ab auditoribus ac ceteris Officialibus, Romanis ijsce hominibus, quos sanctissimē uiuissē constabat. Quorum cum in Rotæ iudicio dijudicarentur controuersia, tanquam ageretur de fundis & de possessionibus rusticorum prædiorum, non autē de una re omnium sanctissima (id autem est, de ministerio ac dispēstatione Ecclesiastica) ita lis inter eos transigebatur, ut is causa caderet, qui cum omnibus rebus ad rem diuinam instructor esset, ipso tamen iure inferior uideretur. Ex qua ratione uidemus in Ecclesia extitisse turbam istam purpuratā, quæ omni modo contendit, ut exclusis ac remotis ab omni administratione Ecclesiastica doctis atq; spectatis uiris, ipsa in Ecclesia omnia occupet, atq; sola omnibus rebus dominetur. ac omnibus intersit, cunctaq; ad se cōuertat. In quem usum quasi quædam uenialium uendendorum leges Romæ componuntur regulæ, instituitur Officiales, ac tota ipsa Cancellaria Romana instruitur, ut inde ueneant dispensationes, proueniant gratiæ, ac quasi à fonte quodam profluāt omnes nundinationes rerum sacrarum. Quæ cum doctis atq; pijs uiris scelus sit petere, nefas etiam emere, pro præda sunt derelicta hominibus sceleratis, supplicioq; dignis. Quo

rum

rum multi uiginti aut eo amplius curatis ( ut uocant ) beneficijs contenti non sunt, plura petunt, cum ne uno quidem sint digni : quæ illi miserrimi mortales omni conquirunt pecunia, seruitute, lite, atque morte.

Circumspice omnem hanc Cortisanicam turbam Iuli, quæ tuū Romæ lābit tribunal: potest ne quicquam detestabilius tibi uideri, & hac ista sede inlignius? de ijs loquor, quorū quasi in messe quadam aurea, ea est Romæ pecuniæ cupiditas, ut cō plures annos miseras omnes perferant, à nulla turpitudine abhorreant, pro præbendis dum litigāt: ita ut etiam si quid obstat, ueneficijs ac cædibus occultis emulum renouent, ac litem abbrevient. Quid uero? extra urbem Romam isti ijdem obedientiæ filij quas miseras non perferunt, ut beneficiati fiant? penetrant enim aulas, & limina regum: officijq; ac nominis sui obliti, turpes sunt atq; infames, dum unum ex alio beneficium ementuntur à regibus. Quos consecretantur eo fastu atq; supercilio, ut illorum diuina illa spiritualitas, omnem superbiam exuperet aulicam. Si enim arrogantissimum aulicum cum aulico sacerdote in aula consecretas, hæcudum cum leone, agnum cum lupo, honestatem deniq; ipsam cum incredibili turpitudine conferre uidebere. Ita enim noctes & dies in scelere urgentur, ut facile flagitio superent omnem aulicorum

rum intemperantiam: in quo diem nocti iungendo, ut assidue perseuerent, officium atq; munus suum sacerdotale prorsus abiecerunt. Nunquam illi, aut raro sacerdotia reuifunt: nec mirum. neq; enim illi sacerdotia, sed sacerdotiorum pecunias cōcupiuerunt: per sacrificulos uiles, uili cōductos ad id mercedula, omnem illā sacerdotalem curā absolunt, nihil prorsus cogitantes: quā pudicē, quāq; piē in sacerdotio uitam plebs illis cōmissa degat. at uerò fructus annui atq; uectigalia ut integra proueniant, mirificē sunt solliciti. Si enim uel tantillū de decima, aut de aliquo cōmodo in terrā illis defluat, subito omnibus interdictis exardescunt. excōmunicant enim, ac proscribunt, uitam etiam atque fortunas depaciscuntur, proq; libertate Ecclesiastica se certare iactant, se uidelicet Ecclesiæ catholicæ custodes esse, hæreticos pati nolle, exterminandos, tollendos clamant protinus: brachium etiam seculare implorant cōtra hæreticos, eorūq; fautores. ita illi cum non solū alienissimi sint à catholica Ecclesia, sed etiam ipsius Ecclesiæ catholicæ hostes, prætendunt tamen suæ auariciæ sacrosanctum ipsius Ecclesiæ catholicæ nomen, ne quid non tam de honore, quem contemnunt, sed de sperata pecunia, quam concupiuerunt, deperdant.

Quorum hominum furor ac intolerabilis nequitia cum diu multumq; Ecclesiam Dei eluserit, quasi



quasi maturum ulcus ipsa se iam frangit: & quod ad summum sit perducta, cum exitum spectat, ut cadat, ac intereat funditus. Quod quidem præstet aliquando nobis ille, qui est pastor pastorum, Christus dominus: ut hac sentina sceleratorum hominum relicta Ecclesia Dei, ueterem suam dignitatem atq; libertatem recuperet: quod & nos optare, & te præstare pro tua rata parte æquum fuerit, ut submotis à comodis Ecclesiæ hisce hædis petulcis, uiros bonos hac ista pia utilitate, magna ratione Ecclesiis collata iuues, ac ornes, inq; tua fide retineas. Qui nunc cum apertè uideam Romæ & religionem Christi negligi, & commoda ipsius Ecclesiæ in homines apertè sacrilegos confecti, nihil uident, cuius causa in tua fide atq; clientela amplius uellent perdurare.

Equidem cum cæteris rebus consolor hæc istam sacerdotiorum iacturam, tum illo hac in re efferor gaudio, quod nihil mihi iam sit rei cum hisce hominibus, qui nulla cõmendatione uirtutis, neq; religionis, sed ambitione atq; largitione ad summos honores Ecclesiæ perucnerunt. An ego cecidisse me propterea putabo, quod ijs sacerdotijs nõ utor, quibus spurios interdum, sepe etiam facinorosos homines uti uidemus? Quid uero? ignobiliorem ne factum esse extra sacerdotia putabo, hominibus ijs qui in sacerdotijs cum scortis coneruntur?

tur? Iam opes illæ sacerdotales, quanti tandem erant à me faciendæ, quæ in sacerdotijs meretricum mearum erant esca atq; cibus? O præclaram illam diem, qua primum mentem hanc suscepi, ut illas infelices opes desererem, ac motu quodam animi diuino abijcerem. Quæ si quis, ut nunc illis utuntur homines, consideret, quid quaeso aliud sunt quàm illecebræ libidinum, ac ipsius superbiæ ancillulæ quædam atq; comites? Itaq; mihi ex multis diebus, quos in uita celeberrimos lætissimosq; uidi, ille dies clarissimus fuit, cum nuper Præmissis amicis, propinquis, atq; affinibus conuocatis, multisq; nobilibus uiris accersitis, sacerdotijs omnibus ultro abdicauit me, illaq; infami excessi è uita, quæ tam fœda est, atq; abiecta, ut quæuis pauperies sit præ hac homini nõ auarißimo perquam optanda. Mecum ergo quis neget actum esse præclare, quod ex illo Cœcilio, cœtuq; Cortisanico excesserim uiuus atq; saluus? in quæ cœtum me iuuenē abripuerat siue fatiuis quædã, siue potius autoritas eius patris, qui dum illas gratias Romanas, illarumq; fructus stupens miratur, hæc perditorum hominum prædam esse fuerat oblitus.

Quapropter ut eò, unde huc declinauit oratio, reuertatur, uides Iuli, quàm nihil sit tibi relictum, quod nos retineas, si uxorem nobis negas. Non enim autoritas tua, non dignitas, non religio, non opes

opes deniq; ipse tua ad retinendos nos tibi sufficiunt. Conticuerunt enim hæc omnia, nec stant, sed cadunt, sublata pudicitia. quam nobis præstat hæc ista uxor, quam tanto opere abs te flagitamus: ut si hæc denegetur abs te nobis, cætera tua quantumuis magna atq; expeienda nihili faciamus.

At tu hic fortasse decurres ad illud extremum atq; ultimum uestrum præsidium, ac dices, Excommunicabo te. Quid hoc siue rei, siue uerbi sit, uideamus paucis. Excommunicare siquidem nihil aliud est opinor Iuli, quam ex cœtu aliquo quempiam diris deuotiū eijcere. Quæro igitur, ex quorum hominum cœtu cum uxore me eijcias? Num ex fornicatorum, adulterorumq;? At magnā etiam habebo tibi gratiam, quod me inter impudicos cū uxore pudica habitare nolueris. Restat igitur, ut ex honestorum maritorum cœtu me eijcias. At si negabunt, ad teq; supplices accedent, abs teq; petent, ne ius matrimonij quod illis mecum cōmune est, in me uiolens producent uxores, ostentabunt tibi liberos, teq; per lares patrios ac deos penates obtestabuntur, ne me uxoremq; meam ab illis segreges: licere enim ad uitandam fornicationem, solemq; procreandam, dicent, uxorem ducere: naturale hoc ius esse, humanis inuentis non cedere: postremò institutum ipsius Dei, atq; sanctum illud esse, perseverabunt: ita me illi complectentur, nec

dimittent.

dimittent, sed summa ui retinebunt cum uxore uniuersi: negotium etiam tibi facessent, ac te anathema propterea dicent esse, quòd demoniorum doctriinis adductus, summi sacramenti ius inter homines uiolas. Tu uerò interea quid ages Iuli? aut quā in partem te uertes? uides enim, quā omnis excommunicatio hæreat tibi ad metas, & quā quò digne proferat, non habeat. Ut enim ex impudicorum cœtu me eijcias, ego & uxor oramus te obnoxere: ut uerò ex pudicorum hominum communione me expellas, uides tibi per hos ipsos homines pudicos non licere, quibus ut aduersere, non est humanitatis tuæ: multo minus etiam eius expectationis quam de te summam habemus, ut te Pontifice cū pietas ipsa atq; religio, tū uerò pudor atq; pudicitia renascatur denuo. Remota igitur excommunicatione, restat exiliū. At ne hoc quidē Iuli, si me audies, unquā contra me tentabis. Primū enim cū exilium calamitatē habeat, nō culpā, nihil est quòd eā calamitatē metua, à qua abest culpa. Quam enim quaeso culpā habet, uxorem ducere? eadē opinor, quam habet nasci, quamq; uiuere. Idcirco ucreare, ne cum calamitatem mihi irrogare cogitas, ipsi tibi culpa noceas, ut ego calamitosus, tu uerò inuidiosus propterea permancas. Deinde cum quo homine res tibi futura sit, etiam atq; etiam Iuli cogita. Non enim cum Italo, sed cum Rutheno: non

in cum



cum Pontificie, sed cum Regie potestatis homine futura res tibi est, in qua potestate omnia certis legibus geruntur, ac certis etiam imperijs continentur. Non idē tibi licere in Polonia Iuli puta, quod tibi licet in Italia: ex qua tu uerbo in exilium homines fortasse potes eijcere. Nec mirum. Seruit enim Italia cum filiis suis, easq; uidetur ueteris imperij dare pœnas, ut quæ olim Regibus, Dynastis atq; Tetrarchis imperitauerit, nūc uicissim Officiis libus, Copistis, ac ceteris impuris hominib. cū sua urbe Roma seruiat. At in Polonia secus est, in qua Rex ligatus legibus, seruus legū est: qui nō id facit quod uult, sed quod legibus uelle cogitur. Nō proptinus rex Polonus, ubi tu digitis conrepueris, aut a mulū illū piscatoris inuenteris, mihi iussus abs te dicet: Stanislae Orichoui, mandat Iulius Tertius, ex meo regno in exiliū abi. Hoc ille nunquā dicet: nec si uellet quidē, potest. Quid ita? quia lex in Polonia uetat quenquā capi, aut uinciri, aut proscribi, nisi lege regni conuictū. Quare ubi me tu proscripseris, hoc non erit regi, meo satis, sed dies dicitur etiā ab illo mihi, res integra in cōmitia deferretur, ut omnium ordinū sententijs de eo queratur, sit ne mandato Pontificis Rō. Stanislaus Orichoui, homo equestri loco ortus, propterea ex Polonia pellendus, quod is contra mandatum Pontificis Romani ex lupanari sacerdotali profugerit, ac uxorem

uxorē duxerit. Quid futurum censes Iuli? aut quā Comitiorum sententiam expectas? Iam enim ego tibi prædico, me omnium ordinum sententijs absolutum iri. Quid ita? Quia Poloni honorant legitimas nuptias: imperāt etiam Græcis, inter quorū sacerdotes honorabile esse matrimonium cognoscunt: uestrum uerō cœlibatum Romanum tanquā Sodomam atq; Gomorram ita detestantur, ut nulla Comitia anniuersaria in Polonia ferē habeātur, in quibus de minuenda urbis Romæ intemperantia non deliberetur. Cuius deliberationis illa est summa: Indignum cunctis ordinibus uideri, fratribus regni fornicationes urbis ali. Ex hoc ergo cōmuni ipsius regni sensu intelligis, quā equos in Polonia contra me sis habiturus Iudices, qui (ut cernis) propter infamiam urbis capitali a te dissident odio. Sed fac proscribi abs te, ac exilem esse me. Quid tu postea? solum enim tantum, non etiam mentem uertam. In quo illud summum erit lucrum, quod a uobis, si ita uoletis, sine Deo uiris profugiam, non secus quā profugit olim Lot ē Sodomis, ante interitū uestre ciuitatis: cuius clamorem, qui ascendit ad Deum, iam ex audio. Sulphur etiam atq; ignem plueri de cœlo iam conspicio super Sodomam istam uestram Romanam, cecam atq; præcipitem: tum etiam angelus mihi, uti uides, missus est, qui me cunctantem ac dissimulan-

tem apprehensa manu eduxit, ac posuit extra pereuntem civitatem uestram.

In hoc tanto, tamq; presenti uestro periculo, quid uis ut abs te deprecer? num damnum, num communicationem? num publicationem? num exilium? Imò uerò Iuli per omnes te deos oro, si cunctabor, ut omnibus me malis adigas Sodomam iam istā relinquere, ac inde cū uestigio in ulimas terras quamprimum excedere, ut ultra Sauromatas, ac glaciale oceanum, maritus potius saluus degam, quam uel in ipsius Iouis sinu scortator pereā.

Nunquam, mihi crede, poenitebit me eius uitae, quam comitabitur honestas, et quam literæ Græcæ atq; Latinæ, in quasq; terras fuerimus profecti, subsequuntur. Quas cum ab incunte ætate summo semper studio coluerimus, eam mihi opinor illæ uel in ultimis terris referent gratiam, quòd non presenti solum, sed etiam futuro seculo testabuntur, me, autore Pontifice Romano, patriam charissimā, quàm uitam pudicam, relinquere maluisse: idemq; mihi accidisse cultori suo gloriabuntur, quod olim Aristidi Athenis acciderat, qui ob eam causam expulsus erat patria, quòd præter modum iustus esset. Vt mihi quoq; alia causa non fuerit exilij, si pellar abs te, quam quod in tuo regno præter modum uolebam iustus esse.

Nullū ergo Iuli, mihi tantū dolorē inuretis, ut

ex

ex conscientia præclarissimi facti non plus gaudeam, quàm doleam. Magna res est, fateor, amittere patriā, discedere ab amicis, necessarijs atq; propinquis, inter quos natus, cum quibus etiam educatus fueras. Nec uerò in exilio calamitas inesset ulla, nisi hæc molesta essent atq; grauias. Sed tamen quoties cogitabo cur hæc amiserim, toties mihi ueniet in mentem, quam turpitudinē reliquerim: adulteras nempe mulieres, incestu cõtaminatas monachas, scorta item cuiusq; generis, lectos, domos ac deos ipsos penates, in quorum conspectu nostra sæpe profusa libido est. Huius tantæ, tã tetre, tãq; fœdæ turpitudinis facies, quoties uersabitur ante meos oculos, qui tantus dolor amissæ patriæ poterit existere, qui nō tantorum flagitiorum odio obruatur? præsertim cum in meis oculis semper habitauerit uxor casta atq; pudica, cuius opera ex tã profuso atq; fœdo libidinum Romanarū cœno me liberatum esse meminero: non tu me alterum Lotū fore tum censēs, qui cum Sodomorum urbem florentissimam, ac omnibus rebus affluentem mœres, ac (ut Moses scribit) dissimulans relinqueret, illius urbis interitu postea solatus est exilium suum. Eam enim urbem fumantem paulo post uiderat, in cuius horribili flamma libidinis, nī maturē exisset, paulo antè illi fuerat pereundū. Sic ego cū opes uestras liquero, cum patriā amifero, cum ue-

stra



fra iniuria exul alienas terras petiuero, illo me cōsolabor, quod uestrum interitum à longe dolēs ac moerens mirabor Iuli: qui uobis iam prädicitur certus, nisi tu caues, omnium mortalium ore. Cum enim cuncti homines oderint, cuncti etiam ob fornicationē exercentur uos, quid hoc aliud est quàm præmonitio miserantis quidem, sed tamen sceleris tantorum pœnas à uobis iam exigentis Dei? Ut ali quando uel te duce atq; principe discedat Roma à uis suis pessimis, quas Decretalium Alexandri instituto contra nature ius, ac contra legem Dei est ingressa: quibus uis cōflagantium illa est iam progressa, ut propter illius turpitudinem atq; infamiam, tuam etiam pon:ificiam autoritatē aspernentur Græci, insectētur Alexandrini, agitent Antiocheni: Germani etiā atq; Boemi, ac cæteri Latini, ui & armis tanquam contagionem suis finibus iurisdictionem tuam exterminent. Expectas alias uoces Dei, si has contemnis, quibus te ac tuos à tam præsentī interitu Deus reuocet? Erras, & Deum ignoras Iuli, si putas illum cōmodius loqui tecum, quàm per homines ipsos, posse: quorum incredibilem consensum, ac planè conpirationem ad occasum tuæ pontificiæ potestatis, cum uideas, nihil aliud hoc esse interpretari debes, quàm prædictionem aut intermitionis, aut certè conuersionis potestatis tuæ.

At

At dices: Vicit Cæsar Germanos, cuius uictoria impunitatem nobis peperit. Homines, Iuli, si fortè ignoras, Cæsar deuicit, non hominum illorū animos. Suppressus in his, mihi crede, non extinctus latet dolor, qui erumpet aliquando summa cōperniciæ rerum cōmunium, ubi tempore conualuerit, occasioneq; ad erumpendum uim ac robur conceperit. Ac mea quidem sententia, si Cæsar's arma nihil aliud spectarunt, quàm ut conscelerata Roma fornicationum suarū potiretur, illisq; perfrueretur quietē atq; ociose, dij omen auertite: sed tamen ipse quoq; Cæsar uereatur, ne amissa in se imperij sui beneuolentia, imperium quoq; amittat. Neq; enim tanti sunt arma Cæsar's, tantæ uires, tantāq; illius est potentia, ut ei odio, quo omnes gentes atq; nationes urbem Romam oderunt, possint obsistere. Peribunt, mihi crede, ac unā interibunt, & Roma & Romanus Imperator, si sceleris societate fuerint coniuncti. Sed absit hæc tam dira cupido à Carolo Cæsare optimo, atq; post hominum memoriam clementissimo Imperatore, eiusq; Austriaca domo nobili, atq; Imperiali, ut ille patriam suam Germaniam, unam præ cæteris terris florētissimam, maximeq; liberam prouinciā, tot periculis atq; bellis ciuilibus susceptis seruā Romanarum libidinum esse coegerit: ut Germania illa nobilis ac imperiosa, Copistarum nunc linguis seruiat,

m 4

seruat, quæ olim ipsis Romanis rerū dominis seruire noluerit, quorum uno die maximis cæsis exercitiis, ac linguis illis Cortisanicis exactis, illas uiperas Romanas sibilare in Germania inperpetuū uetuerit. Hæc uiperas tā tetras, tamq; noxias ab inferis bello reuocare in Germania Cæsar studuit, ut scilicet Romana adulteria maneat, ut urbis symonia floreant, ut sacrilegia Officialium uigeant: ut confessionalia, fraudes, uniones, doli, gratiæ, præstigiæ deniq; illæ indulgentiarum atq; iubilæorum obruant Ecclesiam Dei, in Germania bellum cū ciuibus Cæsar suscepit, gessit, ac cōfecit: Quid minus credibile, aut aptum, conueniensq; est Cæsari: quem diuino munere natum esse omnes consentunt, ad constituendam Christianam Rempub. quā armis Turca, Roma autem hypocrisi demolitur: quam Romanam inquam hypocrisim cū summa Germanorū ingenia, excellens etiam illorum doctrina ac uirtus eximia immoderatus ferret, nescio quomodo Cæsari etiā ipsi infensiores propterea Germani fuerūt, quod illa scelera in sua urbe Roma, quæ illius imperij est sedes, uersari impune pateretur: quæ deinde in cæteras provincias ad hominum perniciem, postrema cum peste profluerent. Quæ de re cum Cæsar purgatum se esse omnibus uellet, et illa legatione quam ad Paulū Tertium anno quāuis est mortuus, miserat: et in ijs patet

etis atq; conuentis quibus res incertas ipsius religionis ad futurum Concilium cōstituit, aperte docuit, se non pro cōstabilienda hac ista intolerabili potentia urbis Romæ, sed pro retinenda repub. bellum cum ciuibus gessisse, quæ delabi uidebatur ijsce inimicitijs, quibus sunt incensi in urbem Romanam mortales uniuersi. Itaq; aliud quære luli, quo te consolere: hanc autem istam usuram huius uictoriæ missam face. Non enim tibi, sed sibi ut saluum in Germania præstaret imperiū, omnibus illis bellis Cæsar quæsiuit. Et si à me scire uis, quod huic tantæ uestræ inuidiæ remedium afferas, dicā quod sentio. Fac hæc duo in primis constituas, integraq; Romæ esse iubeas. Primò nature ius, deinde legem Dei: ut ad hæc duo, tanquam ad aliquam certam normam, omnem Ecclesiā dirigas. Quod cum feceris, tum illa duo nobis restituas, quæ abs te non iam precibus, sed apertis conuicijs efflagari sentis, ut uidelicet plebs calicem, sacerdos uerò suam habeat uxorem: quod altero horum fides nostra, altero uerò uita pudica cōtineatur. Quæ duo quoniam tam obstinate à superioribus Pontificibus sunt nobis denegata, exacerbatis hominum animis, uides quæ mala sunt propterea consecuta.

Nec uerò arbitrare, nisi ijsce duabus rebus restitutis, te pacatiorem Ecclesiam habiturum. non Hercules, etiam si tanto centies plus possis, quan-



tum te posse nunc simulas. Veniat enim tibi in mentem Constantiense Concilium, quo sanè Concilio Ecclesia Latina eversa esse dicitur: quantis motibus tum agebatur, ut extincto Ioanne Husio, homine ( ut doctorum monimenta loquuntur ) innocentissimo, plebs ne uteretur calice, ferro atq; igni de sententia illius Cöcilij, à Martino Quinto præcludebatur uia ad id plebi: quam tamen annis post centum, multorum hominum internitione uides esse in Latio patefactam, ut ea ad Græcorum morem Latinis quoq; instituto Christi pateat.

Iam de matrimonio quid loquar? Quid enim Syricius in Hispania? quid Alexander in Italia? quid Heldebrandus in Germania non tentauit? aut quam crudelitatem prætermisit, dum sacerdotibus uxore interdixit? Et tamen quo motu rerum, quanta etiam perturbatione non efflagitentur solum, sed etiam recuperentur sacerdotum uxores, sentitis, atq; adeò intelligitis summa cum uestra, nominisq; uestri infamia. Nec conquiescent homines unquam, nisi hæc duo, calix inquam & uxor, fuerint illis restituta, atq; adeò relata in Ecclesiã denuò: quæ quod ciecta per uos sint contra naturam, contraq; scripturam, iniuriam hæc homines ac uim nefariam non ferunt.

Quæ quidem re permoti nuper Poloni quoque sunt Equites. Cum enim Ioannes Dziaduski Episcopus

scopus Præmisliensis ob ductam uxorem diem mihi dixisset, ut me eo nomine infamem pronunciret, bona mea publicaret. ac me ex Polonia pelle-ret: mihi contra illum in comitijs Petricomens. cum et Equites affuerunt, sicq; apud Sigismundū Augustum, & sapientem & dignum sede paterna regem, causam illam meam egerunt, ac si in illa salus cōmunis sita esset regni. & nisi Ioannes Tarnouius, ac Petrus Buntia, atq; Andreas Gorcanus, Comitibus, præstatißima autoritate uiri, intercessissent motumq; Comitiorum illorum sedassent, diutius in Polonia, aut Maguntinense exemplum illud uetus, aut hoc recens Bohemicum, ac Germanicū, nõ fuerat tibi expectandum. At horum diuina sapientia atq; autoritate præstante, qua in Polonia ualent hi tres, plurimum agente & procurante Samuele Macieiouio Episcopo Cracouiensi, qui nuper Comitibus absolutis est mortuus, eò res est deducta, ut & Episcopus ipse Præmislien. me absolueret: & mihi ea necessitas ab illis summis uiris imponeretur, ut ad te quamprimum supplicatum de hac ista uxore Romam mitterem, ut eo pacto & Equitibus Polonis satisficeret, & tua autoritas Pōtificia integra in Polonia maneret, quæ apertè labefactari illa mea de uxore cum Episcopo contentione uidebatur.

Huic ego siue decreto, siue pacto horum amplissimorum

plissimorum uirorū ut satisfaciam, supplex nunc precibus et lachrymis prostratus ad pedes tuos abs te peto, ut me respicias iacentē, ac meas rationes omnes diligenter cognoscas. Cōfiteor enim palam, me continere non posse, scortatorē etiam ac adulterū me ad hanc diem fuisse. Causa nō est quin mihi credas, ut meritō supplicū uoce uxore te nūc poscam, non quam ducā, sed quam retineā: ad quā sanē retinendam nulla religio, nullumq; uotū obstat mihi: nullum etiam uoui (ut iam docui) neq; etiam si uouissem, in tanta tamen mea infirmitate illud ualere deberet, contra meam salutē, quā summa fornicatione collapsam uides esse. Quare uxorem mihi permittas, sine qua me nec stare, nec coherere posse uides. Præsertim cum ita obstinatē illam abs te petam, ut si tu negaueris, ego tamen illā non sim dimissurus. Atqui hæc iam stat nobis sententia, ut commoda omnia uestra uobis relinquenda: damna uerō, excommunicationes, atq; exilia sint mihi non grauatim subeunda, dummodo semel datam uxori seruem fidem.

Tu itaq; Iuli, hisce precibus nostris locū apud te uoles esse: et illud simul statues, utrum sit tibi sediq; tuæ utilius, me ne propter uxorem amittere, an propter hanc eandem retinere: tum etiam, si in hac mea causa nullius præterea negotium ageretur, quā meū, tamen magnū esset, hominem cupidum

dum tui, ob rem præ cæteris sacrosanctam amittere. Nūc uerō cū ipsos Equites Polonos expectare palam uideas, ut me cū uxore, quā sine ea, malint secum uiuere: uerere, ne uxore mihi abs te negata, hoc reliquum autoritatis quod in Polonia restat tibi, amittas. Scito enim, me, si negaueris, ad omnes regni ordines de integro causam hanc delaturum esse: ut omnibus planum faciā, me tibi supplicasse quidē, sed tamen impetrare abs te nō potuisse: petamq; ab omnibus hanc ueniā, quod mihi liceat omnes tuas minas, excommunicationes, atq; execrationes, publicē negligere: et si tu instabis, etiā contemnere, propter causas quas et in hac ista supplicatione scripsi, et in alijs libris (si Deus uolet) scripturus sum: ostendamq; ac planū faciā, nos tibi obedientiam nullam prorsus debere, contra leges naturæ uiuenti, cōtraq; instituta Dei imperanti. Deniq; negabo te nobis pastorem esse, cui oues ipsi non sumus: qui si essemus, non tu utiq; ea negares nobis, quibus salus nostra sustentatur. Tum etiā illa proferemus in medium, quæ adhuc quasi mysteria in silentio apud nos latent domi: quibus planū fiet opinor omnibus, me magna ratione abs te discessisse, ac cæteros debere discedere.

Ad hanc necessitatem ne mihi necesse sit decurrere, iterum atq; iterū supplex abs te peto, ut hoc matrimonium a me initum approbes, mihiq; diploma,



ma, priuilegij instar, mittas, quo te id ratum habere decernas. Hac tu ratione, Iuli, in me uno uitia ueterum Pontificum corriges: ac demonstrabis, te non Iulium illum esse secundum, neq; Leonem, neq; Clementem, seditiosos ac improbos homines, sed Iulium inquam Tertium, uita, moribus atq; doctrina illis omnibus dissimilem: ut abs te nihil nisi conuenientia naturæ, atq; salutaria sint à nobis expectanda. Hanc nobis de te spem dat, talem te uidelicet fore, cum antea ista uita tua, qua nobis Romæ sucras cognitus: tum etiam hoc istud præclarum de te patrum iudicium, à quibus Pontifex Max. es factus: qui nisi te talem iudicauissent, qui Ecclesiæ labenti subuenires, atq; hanc Petri nauem tantis in fluctibus gubernares, nunquam tibi eius summam permisissent, neq; tibi illius gubernacula tradidissent, ad quæ tu sedens hosce sedares tumultus, ac in tantis Ecclesiæ tempestatibus, quasi solem nobis reduceres. Hanc spem patres in te creando secuti sunt: hæc etiam nos sustentat, ac desperare uetat, fore uidelicet meliore conditione, te Pontifice, nos, quam fuimus alijs Pontificibus.

Quæ spes ne nos fallat, te per sanguinē IESV CHRISTI, quo empti ac abluti sumus, obtestamur. Noli despicere preces has nostras, neq; tecum ita cogita: Quæ iactura autem in uno homine Rutheno, eoque Barbaro fuerit? Veniat enim tibi in mentem,

mentem, pro me quoq; illum Christum esse mortuum, qui nonagintanouem ouibus relictis, me quoque, qui aberraueram, in hac ista solitudine requeiuit, ac inuentum humeris ad hoc istud ouile retulit, cuius te siue curatorem, siue stabularium, siue etiam uillicum esse uoluit. Deinde fac etiam illud memineras, calamitatem meam, si quam mihi irrogaueris, à multis hominibus non posse esse seiunctam. redundabit, mihi crede, illius acerbitas etiam ad alios: ad eos autem in primis, qui quem exitum hæc ista supplicatio apud te sit habitura, expectant. Quos ut in tua fide atq; obedientia mecum unā conserues, permittenda uxore hac ista curare debes: Et illud prouidere, ne hac eadem negata, multos mecum unā homines amittas. Quod tu facilius facies, quanto intelligis magiste præscripto eorum Romanorum canonum uxorem mihi posse cōcedere, qui sacerdotē maritū non matrimonio, sed ministerio priuarūt: ego autē omnibus sacerdotijs ultro abdicatis, nō tã pro ministerio quàm pro matrimonio apud te nūc laboro: quod mihi cōcedi abs te, supplici uoce petenti, æquū est. Quod si feceris, hanc tibi habeo gratiam, ut neq; fideliorē se di uestre hominem, neq; obedientiorē tibi quenquam sis habiturus. Publicè etiam tibi agemus gratiam, ac tuum nomen omnibus Græcis Latinisq; literis cōcelebrabimus: ut tam Græci, inter quos habitō,



bito, quàm Latini, cum quibus uiuo, te diuino quodam munere ipse nouissimis temporibus, quæ periculosa fore olim prædixit Paulus, datum esse Pontificem nobis, latentur: tanto prioribus dissimilem, quanto salus nostra cõmunis desperatior est facta illorum culpa: ut in hoc tam præclaro de tua excellenti uirtute iudicio, omnis memoria præcedentiũ errorum, ac omnis urbis infamia intereat. Tu etiã, ut hac ratione in mutua beneuolentia uiuas cũ tibi commissæ Ecclesiæ: ac ex illa, pontificio hoc isto munere persunctus, in illam Ecclesiam felicem, ac uerè triumphantem peruenias, ubi beati æterno euo perfruuntur.

Hæc erat ratio supplicationis nostræ. hic etiam illius fuit finis: quæ ut apud te locum habeat, precamur obnixè.

Eiusdem Sanctitatis uestræ

Filius obediens

Stanislaus Orich. Ruthenus.

Datæ Premisliæ, oppido Rusiæ, feria secunda ante Pentecosten, Anno Christi Dei nostri

1 5 5 1.

BIBLIOTE. UNIV.



JAGIELLOVICZ



f2

